

XXXVIII

F
58

482.

B.

79

~~16~~
~~17~~
~~18~~





PROSODIAE LATINAE
FUNDAMENTA
CUM
PARNASSO LAPIDARIO
RAYMUNDI GUARINI.



NEAPOLI
TYPIS SOCIETATIS PHILOMATHICAE.
—
MDCCCXIII.

*Opera nobis haec inanis, aut in usum impensa sit?
Sed labor vobis ferendus in legendo est maximus.
Non enim cursim, aut remisse tam minuta acumina
Adsequi quicumque poterit: sed morosa intentio
Tam legentis debet esse, quam fuit nobis quoque,
Qui laborem provocando, perdomando taedium,
Forsitan nec lecta multis e latebris scalpsimus.*

Terentian, Maur. de Syllabis.

LECTORI

MONITUM

Propositum nobis est in hoc carminum e re potissimum lapidaria selectu primum latinae poeseos exemplaria quaedam praestantissima, vix eruditis pervia, adolescentibus in manus tradere, quo ipsorum studia incendantur ad antiquitatis iter arripiendum, quo sine persuasum nobis iam dudum est, romani sermonis penetralla sanctissima patere nemini revera posse. Deinde των κειμελιων pretii quantivis beneficio nonnulla ad latinae της προσφεδixs rem facientia, alicuius fortasse emolumenti tironibus saltem futura, et aperire, et confirmare. Id consilii nulli hactenus, quod sciamus, in mentem venit. Nam et Ferretti *Musae lapidariae* nihil de metricis disquisitionibus sollicitas se praebent: et quod Bonada nuper volumina duo ediderit cum titulo: *Carmina ex antiquis lapidibus*; pace ejus dixerim, aut operi titulum, aut opus titulo deesse. Cum etenim carminum complexio e vetustis lapidibus inde unice, vel praecipue expectanda videretur; ecce tibi Bonadam in eo totum, ut multa de re funeraria, et quidem erudito illa viro dignissima, illustret, ad quae των επιγραμ-

ματαιῶν luce viam sibi aperit, sive prorsus ea sermone, sive numeris adstricto decurrant. Operi itaque titulum, nisi fallimur, talem, aut huiusmodi similem, esse oportuerat : *Res funeraria monumentis lapidariis illustrata*. Haec te monitum, Lector, voluimus, tantum ut ne ignorares, nihil labori huic nostro qualicumque, si operis finem, rationemque inspicias, cum his, quae laudavimus, esse commune. Vale.

 PROSODIAE LATINAE FUNDAMENTA

 AD TIRONES.

Recte est olim a Cicerone⁽¹⁾ observatum: *esse admirabilem quamdam continuationem, seriemque rerum, ut alia ex aliis nexa, et omnes inter se aptae, colligataeque videantur.* Illud, addiderim ipse, prope divinum: quid in quaque serie primum, et caeterorum veluti fons sit, et cernere animo, et oratione exponere dilucide posse. Atque id quidem in omnibus, quae tractanda suscepimus, pro viribus semper esse secutos, fateri minime veremur: utrum quoquo modo simus assecuti, viri docti viderint. Huic certe viae pressius nunc insistendum constituimus in hac vetustiorum epigrammatum complexione e lapidaria in primis penu depromenda, adornandaque in adolescentium unice gratiam, atque emolumentum. Quam ut publici juris faceremus, cum viri docti non pauci, tum praecipue auctoritate sua evicit Vir Cl: idemque amicissimus, Vincentius Matthaeus. Ea porro epigrammata cum adstricta numeris oratione contineantur, operae pretium non leve facturos existimavimus, si de latinae τῆς ποσειδίας genere in universum quaedam adnotaremus, non ignota illa quidem viris eruditis, sed a nemine hactenus, quod meminimus, ita digesta, ut artem hanc in scientiae formam quampiam, compendiumve promoverint. Páucis ergo tiro nostrum omne hac de re consilium accipiat.

(1) *De Nat. Deor. Lib. I.*

Quaestionis status aperitur.

Vocem in syllabas , si pluribus ea constet ; syllabam in brevem , longamve Grammatici universi Graeci , Latineque partiuntur ; brevemque longae dimidium statuunt , temporis videlicet pensitatis momentis , quibus efferrī alterutram necesse est. Quo nil rectius , et ad τῆς μουσικῆς ἀληθείας amussim adcomodatus pronuntiari poterat. Sermonem quippe humanum , graecum ante omnes , romaeumque (quod pervidit acute Voltairius) etsi non minusculis illis , quas inducere nuper quidam conati sunt , syllabas in breves , longas , longiusculas , longissimas , et quas nescio alias dividendo , sed musicis nihilominus contineri rationibus quibusdam , res ipsa docet a natura sine dubio profecta , quam tamen in communibus ita suppeditare necessaria novimus , ut a curiosioribus temperet.

Qua una re , etsi caetera deessent argumenta , graecae , latinaeque numerositatis liceret vim , praestantiamque ediscere , quibus unis datum , quod in nostris hisce fere neglectum , ut syllabam quamvis ad temporis aut veluti trutinam animo expensam , deinde sono etiam referrent , non sine magna aurium voluptate ; quo nunc sensu careamus , oportet , qui longe aliter assueti in penultima vix , aut antepenultima ad summam dictionis cujusque haeremus tantisper , caeteras vorare magis , quam eloqui contenti. Quamobrem illud eruditos inter convenit , Homerum , Virgiliumque , vel si mavis , Demosthenem , Tulliumve , si quid ab ipsis olim exaratum audire sibi nunc contingeret , non magis admiraturos , intellecturosve , quam si quis exotica prorsus , inauditaque lingua loquentem audiat. Cum itaque dubitari nequeat , graecum carmen , latinumque , si ea nunc tempusculorum mora , distinctioneque effertur , qua

olim efferri mos erat, non minus iucunde vel imperitas aures affecturum, quam musicus concentus quidam; non video, cur in id, privata saltem lectione, non contendendum a viris doctis, quod non adeo conclamatum puto, ut glabrariis fortasse literatis prima fronte videri queat. Verum ad Grammaticos redeo, quibuscum praecipua mihi res est.

Atque hi laudandi omnes in primis, quod naturae modum secuti syllabam in brevem dumtaxat, longamque dispescuerunt. At si hos eodem roges, ecurr hac syllabae ipsae tales habeantur, et sint revera, uno universi ore respondebunt: contractione, positive exceptis, quorum utrovis, si pauca demas, syllaba longa constituitur, caeteras ad unam omnes tales *natura sua* constare. Qui si de una brevi hoc docere contenti tacuissent de longa, nihil profecto esset, quo nos in diversum ab iisdem abiremus. Sed cum syllabas quoque longas non paucas intra doctrinae hujus cancellos incluserint, id vero est, in quo nostra cum ipsorum tota confligitur oratio, idque duplici de causa. Primum, quod non satis adcurate definierint, quid antiquis nomine syllabae *natura* longae comprehensum sit. Secundo, quod persuasum nobis est, syllabam unam brevem talem *natura* extare, si quod res est, perpendamus; longas quascunque evadere, vel positu, ut ajunt, vel contractione. Quae utrum iure, vel injuria contendamus, doctorum esto iudicium, ubi causam ante paucis agere siverint.

Quaestio in primis a priori, ut aiunt, resolvitur.

Nō fallimur, quaestio a priori, quod inquirunt, facili negotio solvi potest. Nam qui de syllaba quaerit tum brevi, tum producta, perinde facit, ac qui de puncti, unitatisque simplicitate, tum de corporis, binariique compositione interrogat; quorum alterius nulla excogitari ajens ratio potest, *negans* dumtaxat afferri potest, quod nimirum nec punctum in partes, nec unitas in unitates alias generis ejusdem secari potest. Sed alterius adfirmans, planeque idonea existit ratio in eo posita, quod corpus partibus, binarius duplici constat unitate. Est itaque natura syllaba brevis, quae in alias aequae breves tribui nequit, ut natura punctum simplex, cujus nullae sunt partes, naturaeque item simplex unitas, quam non est in unitates alias dividere. Sed contra ut corpus partium coalitione, binarius additione unitatis ad unitatem existit, ita syllaba longa quaevis non per se proprie, naturaeque sua, sed e duarum brevium complexione emergit. Id autem nullo pacto assequeris, nisi aut duarum vocalium coitione, aut duplici consona suffixa vocali, quae duplicem idcirco morulam patiat. Quid igitur, inquires, vocalesne universae natura breves? Et hoc ajo. Quid itaque, repones, *ancipitibus* graecorum vocalibus faciemus? Atqui ego: si nomen quaeas, ipsos interroga, qui docent. Si rem, aut nullam extare ancipitem assero, aut omnes extare tales. Ecquid enim vocalis anceps? quae videlicet modo correpta, modo producta occurrit. At fatum hoc omnibus commune. Non minus enim e, et o breves, longaeve obviant, quam a, i, u.

Sed illud verius, nullam extare ancipitem, vocalesque singulas breves natura esse. Quod adeo antiquis persuasum erat, ut
ad

ad eandem vocalem corripicendam, producendamve, modo altera consoua multarint, modo auferant, si nulla erat vocalium coitio. Nam ecce tibi *Casmoinam*, *relligionem*, *litteram*, *aquilam* cum primis productis, et deinde correptis in *Camoenam*, *religione*, *litera*, *aquila*. Cum igitur et vocales reliquae ab *e*, et *o*, vices harum omnes subeant, ut breues interdum, interdum longae occurrant, cur non et duplex his quoque nota adsignata, quod in prioribus illis factum graecis grammaticis videmus? Nimirum quid res ipsa posceret, viderunt illi: quousque naturam ducem sequi oporteret, aut parum videre, aut in id, quod viderant fortasse, progredi non sunt ausi. Caeterum omnibus notum, et graecorum duplici *ε*, vel duplici vocali cuius, et *ω* duplici *ο* aequari. Cur autem distinctione hac minime uti placitum romanis, qui cupit, a Terentiano accipiat *de literis*:

Conspendia nostri meliora crediderunt,
Vocalibus ut nonnisi quinque fungerentur,
Productio longis daret ut tempora bina,
Correptio plus tempore non valeret uno.
Hinc $\eta\tau\alpha$ minus scribimus, hinc nec ω supremum:
Una quoniam sat habitum est notare forma,
Pro temporibus quae geminum ministret usum.

Marius item Victorinus de Orthogr. testatur, Graecos vocales habuisse totidem, quot et nos, *a*, *e*, *i*, *o*, *u*: *nam, η, et ω postea sunt ab his reperta. E, et o ternas habent apud eos potestates, ut e esset breue, et productum, i autem longum quodam modo sonat, ut et e, et i iunctum est. Et o similiter quoque cum esset unum, breuem, et idem faceret syllabam longam; praeterea exprimeret vocem, quae apud eos per o, et v scribitur ov: sic apud nos quoque e, et o totidem potestates habebunt, et easdem, quas apud Graecos. Vides igitur o duplici via productum, quorum al-*

tera in *ou*, id est, in veri nominis diphthongo patet, alterius nullum est reperire vestigium, nisi ad ipsius *o* geminationem confugas. Nam de *o* simplici, adeoque brevi, nulla oriri quaestio potest.

Uno igitur usu magistro, vigente lingua, praestabatur, ut duplo tempore syllaba longa, alia licet alia ratione, ut infra videbimus; unico brevis efferretur, etsi nil tale primum scriptione deprehendere esset. Quamobrem ad ambiguitates praecavendas a Naevio primum, Livioque cautum, ut aliter producta vocalis, aliter correpta scriberetur, quem morem ad Accii usque tempora perseverasse novimus. Pronuntiationi idcirco subiicienda ἡ οὐρανὸν in re nostra, non e converso: et quamvis haec posterior foederata tandem pronuntiationi sit, Naevio, Livioque sequestris; foedus tamen perpetuum non fuit, resque ad pristinum rediit. Eaque prorsas de causa Terentianus ipse paullo supra laudatus modum praefinit vocalis ejusdem nunc raptim, nunc lente referendi in haec verba:

Igitur sonitum reddere cum voles minori,

Retrorsus adactam modice teneto linguam,

Rictu neque magno sat erit patere labra.

At longior alto tragicum sub oris antro

Molita rotundis acuit sonum labellis.

Quod proprie dictum arbitror de vocali *natura*, ut aiunt, longa.

Sed de romana pronuntiatione haec παχύτερος per transennam tetigisse sufficiat, de qua minutiora infra dabimus. Nunc ad rem ipsam quod attinet, rediens post diverticulum, Iupiter I haud breve, intelligo, quae hactenus disputata sunt, ea pro tironum captu paullo fortasse subtiliora videri posse. Ergo quaestionem ipsam ἀναλυτικώς, seu a *posteriori* adgredimur, nec dubitamus, viam hanc illis planissimam iuxta, tutissimamque futuram. Sed quaedam ante necessario monenda.

De vocalium contractione, variisque eiusdem speciebus.

Contractio duarum vocalium coitione proprie efficitur, quae, etsi τὸ χρεὺς momentis pensatis, duplicem referant sonum, unam tamen syllabam constituunt, quae longa censetur idcirco, quod duplici brevi aequiparatur. Contractio omnis, si vim vocis inspicias, συυαίρεσις græce apte dici queat: sed est aliquid tamen ita συυαίρεσις proprium, quo a *diphthongo* discernatur, quae contractionis species est. De hoc paullo post. Vocalium coitiones hae sunt:

1. Aa. ee. ii. oo. uu.
2. Ae. ai. ao. au = Ea. ei. eo. eu.
- Ia. ie. io. iu = Oa. oe. oi. ou.
- Ua. ue. ui. uo.

Ex his septem vulgo diphthongi enumerantur, nempe:

Ac. ai. au. ei. eu. oe. oi.

Sed cur non et *eo*, *ue*, *uo* addiderint grammatici, non video. Non enim minus *musae*, vel *musai* dicebatur, quam *domineo*, et *senatue* pro *domino*, et *senatu*, unde et *o* finalis in *domino*, et *u* in *senatu* producta, et *quoius* videtur *cuoius*. Sed id fortasse ex eo factum, quod duplex vocalis retenta in prioribus, voce non minus, quam scriptione; neglecta deinceps in posterioribus scribendis est, quas satis habebant referre loquendo. Nisi placeat magis cum Victorino dicere: *ia*, *ie*, *ii*, *io*, *iu*, *ua*, *ue*, *ui*, *uo*, *uu* diphthongos non dictas ideo, quod sunt per vocales loco consonantium positae. Inde *Synaeresin* proprie locum habere puto in iis diphthongis, quibus *i*, vel *u* affixa, vel suffixa videntur. Hoc siquidem in casu alterutra haud raro de vocali in consonam transit, vocalemque praeiviam interdum longam facit positu. Patet id ex illo Ennii:

*

Avium praëpetibus sese , polcreisque loccis dant.

Nisi enim *ro avium* in *av-ium* resolves , ut ex *ariete* , et *abiete* quadrisyllabis factum quandoque *ar-ie-te* , et *ab-ic-te* trisyllabum , nullo pacto tibi metri ratio constabit. Atque in his omnibus primum tantum *a* productum ratione consonae duplicis consequentis , caeteris , quae sequuntur , quales se ipsis sunt , manentibus. Nam et primum *e* in *ariete* , et *abiete* semper correpta , sive synaeresi utaris , sive non , et *e* in *suctus* semper productum , sive *sve-tum* dicas , sive *su-e-tus*. *Synaeresis* ergo proprium , duas in unam syllabas contrahere , vocalium alterutram in consonam transferendo.

Diaeresis ex adverso consonam in vocalem transfert , eademque servata temporis mensura , syllabam positu longam in binas solvit breves , vocales ambas , ut cum dicimus *so-lu-is-se* pro *sol-vis-se*. Eaque de caussa in diphthongis , quibus suffixa *u* , ut in *au* et *eu* synaeresin potius , quam veri nominis diphthongum latitare arbitror. Quae de *i* , et *u* consonis dicta sunt , vide , quam belle consentiant cum his , quae Terentianus docet *de liter*.

I cum medio nomine sic erit locata ,
Vocalis ut illam latere ex utroque coartet ,
Baiana velut , *Peior* , item *Troia* , vel *hujus* ,
Ipsa , ut docui , consona fit a sequenti.
Et si brevis est , quae posita est loco priore ,
Longam faciet non minus hanc consona sola ,
Ceu longa fit olim , quoties duae sequuntur.
Aut si nimium est hoc dare , vocalis ut una
Fiat similis tempore consonis duabus ,
Atque *i* geminum scribere nos iubent magistri ,
I consona fiet , simul et sequens priorem.

Terentiano itaque dante , nimium est dare , vocalem , simili consona sequente , longam evadere , quo in casu duplican-

dum *i* praecipiebant οἱ διδασκαλοὶ, ut utroque in consonam verso, vocalis longa positu efficeretur. Adeo falsum, simplicem vocalem natura *longam*, sive *ancipitem* extare posse! Sed negat Maurus idem, et iure negat, contingere id posse in *u* media binas inter vocales, ut ad voces *lavor*, *nives*, *pluvia*, *novales*, quod in his omnibus *u* sola consona ipsa sit. Manet igitur ex Mauro, *Ba* ad vocem *Baiana*, et *pe* ad vocem *peior*, ne singula repetam, longas censei *positu* magis, quam alia quavis ratione. Non omittendum tamen, quibusdam olim visum, has easdem syllabas longas habitas, non positu, sed duplicatione eiusdem vocalis, quam syllabam *natura* longam veteres dicebant, ut infra dicemus, quod initis a nobis de quantitate latina rationibus suffragatur, non incommodat. En eius verba:

I media cum locatur hinc, et inde vocalium,
Troia, sive Maia dices, peior, aut ieiunium,
Nominum primas videmus esse vocales hreves.
I tamen sola sequente, duplum habere temporis.
Ergo vel loco duarum consonantium fungitur,
Vel gemella si locanda est, ut videtur pluribus,
Bis tibi vocalis eadem praebet usum consonae.

Caeterum, si quid video, ludit verbo Terentianus. Nam si geminata vocalis usum praebet consonae duplicis, iam res ad *positum* redit. Sed satis de *i* consona. Nunc de *u*, de qua testis prodeat idem Terentianus:

Hanc (u), et modo quam diximus, i simul iugatas,
Verum est, spatium sumere, vimque consonantum,
Ut quaeque tamen constitierit loco priore.

Terentiano hac in re concinit et Probus Grammaticus. Iure igitur non omnium optimo contendit Scioppius, *i*, et *u* vocalium apud veteres nusquam obtinuisse potestatem.

Altera contractionis species, quae in eiusdem vocalis geminatione reposita est, stabilitur, quaeque inde consequaria, ostenditur.

Contractio haec, ut omni alia argumentatione destitueretur, vel illo uno Augustini testimonio staret, quo docemur, aetate ipsa sua, adeoque seculo quinto vergente, unica pronuntiatione secretum, quod secerni alias scriptura nequivisset, *os* puta, quod stat pro *ore*, *πρὸς os*, quod accipitur pro *osse*. Primum quippe producebatur, corripiebatur posterius. Atqui prius illud nō ita efferas, ut *oos* audientium auribus ingeras, eandem nempe vocalem sive continuando veluti musico quodam ligamento, qui Florentinorum fere mos est, per duplum tempusculum; sive potius duplicando, quod veteri τῇ ορθῶς γράφει magis congruit, siliceo ipse lapide hebetior sim, si qua praeterea ratione alia tute ipse assequi valeas.

In eandem Augustini sententiam loquuntur apertissime Accius, et Marius Victorinus, quorum ille diserte docet, *geminatis vocalibus scribi natura syllabam longam*: alter vero de Naevio, Livioque sic testatum reliquit: *Naevius, et Livius, cum syllaba longa scribenda esset, duas vocales ponebant* (1), hoc est eandem geminabant. Addit enim; *praeter quam quae in i literam inciderat: hanc enim per ei scribebant Cneius, Pompeius*. Atqui nunc demum intelligi datur, quas olim latini grammatici *syllabas natura longas* dicere consueverunt. Eas sine controversia, geminata vocali eadem, efferre, et vero ad aliquod tempus scripserunt etiam. Nam pro his, quae

(1) Pag. 2456.

duplici constant vocali diversa, ut in diphthongis stricti nominis, nil tale opus fuerat; et si factum, contra rationem factum sine dubio foret, cum inde non duae breves, quae unicae longae aequales sunt, sed tres omnino breves syllabae emerissent. Ad voces igitur *Cnei*, et *Pompei* *e* quidem natura longam, utpote duplici *e* prolata, sed unico nihilominus scribebatur, quod ad hiatum vitandum tantum puto, ne quatuor veluti vocales coacervari viderentur, si loco *τὸ Pompeius* scriberetur *Pompeius*. Praestat et Donatum hac de re audire de syllab. Longae (ait ille) aut natura sunt, aut positione fiunt: natura, cum aut vocalis producitur, ut *a*, *e*, *o*, aut duae vocales iunguntur, et diphthongum faciunt, ut *et* aut, et *eu*; *ei*. Quo e loco videtur, etiam syllabas diphthongo longas dici tales natura posse. Sed fortasse primum aut delendum de allato grammatici loco. Quod si stare loco velis, latius id dictum oportet. Quid si et strictius? De nomine lis erit: res eadem perstat semper.

Hinc, si quid video, patet rima ad indagandum, quo pacto Veteres aliter syllabam natura longam pronuntiabant, aliter longam diphthongo, aliter demum longam positu fluxili, incertoque mutae cum liquida, de quo discrimine nihil apud Grammaticos certius, etsi nil de modo doceant. Syllabam natura longam duplicata vocali efferebant, ut *Maatris*, *faat* pro *Matris*, et *fati*: ex quo patet *a* in *matris* longum natura, idest a geminata vocali, censendum, positu nequaquam. Quod si syllaba positu incerto producebatur, ut ad vocem *patris*, vox non haerebat in *a*, ut esset *paa*, sed in *t* sequente, quasi si diceres *pat-ris*, vel si mavis, *pateris*. Plane ut in *alter* longum *a*, quod prima morula fit in *l*, deinde resumitur in *t*. Qua etiam de causa *o* in *quamobrem* semper producendum, quod cum ad aliam syllabam respiciat litera *b*, ad alteram litera *r*, iam duplum tempus pro duplici litera impendi omnino

necesse est. Id ipsum obtinet sine controversia et in consona duplici; nam *traxit* revera est *trac-sit*, et *gaza* *gat-sa*. Pro diphthongis nullus dubito, quin pro duplici diversa vocali veluti duplex etiam referretur sonus utramque referens. Quod in positu incerto, poetico interdum iure, id in certo obtinet fere perpetuo, ut consonarum altera syllabae antecedentis finis, altera consequentis initium sit. Hinc si vocalis, quam muta consequitur cum liquida, natura longa sit, consona ab altera sciungi nequit; quod si fieret, iam *matris* non acquaretur *ma-a-tri*, sed *ma-a-te-ri*, et *de-tri-tus* esset *de-e-te-ri-tus*, non *de-e-tri-tus*. Hae proinde vocales omnes natura, non positu, longae habendae, et dicendae. Syllabae igitur longae quavis de causa, etsi sub eadem omnes temporis inensura continerentur, in hoc tamen aliae ab aliis differebant, quod non eodem in omnibus loco vocis veluti morulae erant constitutae. Age nunc, quae potissimum vocales a geminata vocali longae censendae, e lapidaria penu paullo altius conquiramus, exemplis a generibus singulorum, non a singulis generum petitis.

§. V.

*Quae potissimum vocales, natura longae, idest
a suimet geminatione, habendae.*

Aa. Ab huius geminatione vocalis repetendam primi augmenti in *a* verborum productionem dubitare non sinunt voces *faatum*, et *naata*, quae in priscis lapidibus conspicuas se praebent. Et quando *ea* pro *ea* in auferendi casu, et *haace* pro *hac* passim, et in nostra in primis Tabula Oppideusi occurrit, ecquis inde non videat, tamquam e puteo emergentem caussam germanam productionis *a* in fine casus sexti singularis? Pentametron veteris epigrammatis sic clausum videas: *aetatis me-*
dio,

dio, quod facta diaeresi, sic tribuendum puto: *aeta-a-tis medi-o*.
 Quin fortasse et huc referenda spondaica, quae dicuntur, carmina, si quando talia occurrant per vocalem, quam inquirunt, natura longam. Nam *incrementum* ex. gr. erat sine dubio *incrementum*.

De nominum augmentis productis in *acis*, *alis*, *aris*, *asis*, *atis* idem omnino esto iudicium. Et ut verbo dicam, et semel pro omnibus dicam, ubi syllabae longae cuiuscunque ratio nec a positu, nec a diphthongo affulget, ad geminationem vocalis eiusdem, qua de agitur, post allata Angustini, Accii, Mariique testimonia tutissimum deinceps esto confugium.

Ee. Pro quibus testimonium dicunt luculentissimum *quereela*, *colleegium*, *seedes*, *seclix*, *ee*. pro *e*, *mehe* pro *me*, aliaque innumera, quae passim obviant in veterum qua codicibus, qua marmoribus. *E* in fine sexti casus singularis pro quinta declinatione hac de causa sine dubio productum, cum *spee* pro *spe* exaratum haud raro videas; et qui nunc sunt *ei*, *gignendi* casus pro declinatione eadem, erant olim *eei*, uti perspicuum fit ex illo Ennii apud Gellium (1):

Comiter impertit, magna quom parte dieei

Parti fuisset de summeis rebu' gerundeis

Consilio, endo foro lato, sanctoque Senatu.

De nominibus finitis in *en*, *er*, *es*, quae sunt ab ητᾱ graeco, ut *lien*, *crater*, *lebes*, et hujusmodi sexcentis, praetereo dicere, utpote de re vel caecis manifesta.

Ultimam *e* in tertia plurali praeteritorum indicandi modi eadem de causa longam arbitror, quam si quando corripere oportuerat, altero *e* multabant, ut in *dederunt*, et *abstulerunt*, quod tamen factum in verbis primae, et secundae coniugatio-

nis nusquam memini. Prorsus ut ex unitate addita unitati binarius numerus existit, ita ex adverso, dempta unitate e binario, reliqua est unitas : quod Grammatici της συστολης, και δεσπολης ambagibus explicent magis, an implicant, dicere non ausim.

Li duplicis vestigia in *tibücen*, *nil* pro *nihil*, *mi* pro *mihi*, huiusque generis sane multis, manifeste se produnt. *I* praecipue longum in fine genitivi singularis nominum quintae declinationis, quam vocant, est a geminatione vocalis eiusdem; nam *reii* primitus dictum, quod post *rei* scriptum. Quin et *coniugii* pro *coniugi*, et *eii* pro *ei* in dandi casu scriptum passim videas in veterum marmoribus, codicibusque.

Oo. Occurrit ad voces *oolim*, et *poopulus* (arborem subaudi): quin et *cogo*, *compertus*, *connexus*, Gellio teste (1), quondam dicebantur *coogo*, *coopertus*, *coonexus*. Nam de *o* latinorum longo, quod graecorum ω respondet, ut in vocibus *o*, et *Androgeos*, et *Helicon*, et quae quis memoret? nil opus est dicere.

Uu. En tibi in primis *luuci* pro *luci*, unde argumentum sumas, occur quaedam augmenta in *ucis* longa. Habes deinde et *ruus*, et *iuus*, et *Mucius* pro his, quae nunc *rus*, *iur*, et *Mucius*. Videas et *fuuit*, et *genuuit*, prima syllaba in priore producta, altera in posteriore, ob ejusdem *u* duplicationem. Nam quod editum vulgo videas *fuuit* et *genuuit*, quasi si alterum *u* in consonam transierit, id mendosum, et de nihilo est. Nam consonae unius *u* non ea est potestas, ut vocalem in longam provehat, nisi *a* in *avis*, et *o* in *ovis* simili ratione longas evadere posse, velimus. *Adnuuit* quoque occurrit in fragmento Enniano apud Priscianum :

(1) Lib. II. Cap. 17.

Adnuuit sese mecum decernere ferro.

Quod , ut placent diaeresis , longum natura arbitrator a duplicato u.

Et haec satis ad *iuris* , ut aiunt , *factique* firmandam *praesumptionem* , qua , positu , vel diphthongo deficiente in syllabae momentis pensitandis , ad vocalis eiusdem geminationem , veluti in *sinum* , te recipias. Sed vereor tamen , ut nonnullis labor hic noster omnis velitatio mera videatur , vel ad summam vix levis cum exercitus parte modica conflictus. Constitutum est igitur , acie tota rem expedire , omnique exemplorum genere ostendere , nullam usquam apud Latinos syllabam extitisse reapse longam , quae non talis aut geminatione vocalis eiusdem , aut positu , aut diphthongo demum fuerit.

§. VI.

Syllaba nulla longa , quam non aut a positu , aut a diphthongo , vel a geminatione demum vocalis eiusdem repetas.

A. Praeter ea , quae de duplici *a* superius dicta sunt , vocalis eadem non raro longa censenda tacito , exoletoque positu , ut cernere est in voce *fas* , quod olim erat *fans*. Hinc non semel in marmoribus *infas* pro *infans*. Frequentius si post *a* sequitur *i* , fit synaeresis ex *i* duplicato , quo utroque in consonam transmigrante , syllaba fit positu longa. Sic *Maiia* erat *Maiia* , ut scribere Tullius amabat , idest *Mai-ia*. Idem de *Caio* dicas , caeterisque similibus. Communius tamen , deficiente positu , sui ipsius geminatione vocalis eadem producitur.

E desueta positione longae suppetunt exempla in vocibus *toties* , *quoties* , *quinquies* , *decies* , *vigesimus* , *quadragessimus* , *sexagesimus* , et ita deinceps , quae fuere olim

totiens, *quotiens*, *quinguiens*, *decies*, *vigensimus*, *quadragensimus*, *sexagensimus*, et ita porro. Nec me latet, Lipsio visum, *n* insertum vocibus hujusmodi quod dratariorum, excriptorumve inscitia, qui lineolam horizontalem vocali longae supra positam loco *ης* *n* acceperunt. Sed primo: occur in his tantum vocibus destertuere tam saepe v ceteros sive lapicidae, sive exscriptores, in aliis non item? Deinde: Marius Victorinus in *Orthograph.* discrete tradit, per *n* scribenda adverbia *totiens*, et caetera. Postremo: hoc etiam si Lipsio detur, res adhuc integra est, cum ad geminationem redeat ejusdem vocalis. *Pejus*, quod Ciceroni erat *peiū*, *ejus*, pro quo veteres *eius*, et hujusmodi non paucas, transigenda synaeresi, ut inodo diximus, quares ad *positum* redit. Duplicis *e* vestigia se dant tutissima ad voces *querecla*, *felix*, et alias paullo supra allatas. Inde etiam producta *e* in dissyllabis *quietus*, et *suetus*, aliisque similibus, quas, si quis ob synaeresin productas autumat, nae is oppido fallitur, cum simili ratione primum *e* in *ar-ie-te*, et *ab-ie-te* produci oporteret, quod nemo somniavit. Vocalis hujus productae aliquando in caussa est *ae* ut in praeteritis *egi*, quod est *aegi* ab *ago*, et fortassis etiam in *cepi* a *capiō*, quod passim in vetustioribus codicibus est *caepi*. Interdum a diphthongo *au*, ut in *obedio*, quasi *obaudio*. Et *es* in fine casuum numeri pluralis ob *ei* productum: *omnes* siquidem ex *gr.* et *homines* fuere *omneis*, et *homineis* ne singula persequar.

I longum pro secunda coniugatione, et *i* in fine imperandi, coniugationis eiusdem, tum in primo incremento verborum quartae, ab *ei* item repetas: *Audere* siquidem Ennio est *audeire*, et *abi* *abei*, et *scitum* *sceitum*, et quae quis enumeret? Sic et *is*, *abis*, *deis*, *obis*, *inis*, *obis*, *praeis*, *praeteris*, *subis*, *transis* erant *eeis*, *abeis*, *coeis*, *deeis*, *ineis*, *obeis*, *praeis*, *praetereis*, *subeis*, *transeis*. Porro et *itum* in su-

pinis longum, unde *cupeitum* pro *cupitum*, et huiusmodi similia. *I* in fine praeteritorum modi indicativi pro prima, et secunda persona singulari item ab *ei*, ut *meminei*, et *produristei*. Rursus et primum *i* in praeteritis plerisque dissyllabis, ut *veidei*, *leiquei* pro *vidi*, et *liqui*. Ad haec: infinitorum *i* inale, ut *legei*, et *amarei*, quod est *legi*, et *amari*: quae lyphthongus non raro, addito *r*, diaeresi solvebatur, ut *piscarier*, *adipiscier*. Ab eodem *ei* longa *i*, et *is* in fine nominum pro numero plurali, nam *legati*, et *dominis* dicebantur *legatei*, *domineis*. Qua in re, caeterisque similibus, notandum, eadem de causa, non syncope, longum *tis* pro *tuis*, *is*, pro *suis*, qui olim erant *tueis*, et *sueis*. Ecquid enim hic syncopen cieas, cuius est, vocem dumtaxat syllaba mulare, quae cum non amplius sit, syllabam dicere syncope longam, eodem redit, ac id, quod non est, non quantitate sonum, sed duplici etiam quantitate donare: quo quid absurdius? Et ut res propius inspicias, *ma* aequè longum memento, et cum *amaverunt*, et cum *amarunt* dixeris. Facta igitur syncope, quae reliqua est syllaba, talis perseverat, qualis ante fuerat. Cuius rei en tibi ex Ennio exemplum opportunissimum.

Iugens coira mi cum concordibus equiparare.

Mi igitur pro *mihī* correptum, nam facta apocope ad *hī* ro *hei*, superest primum *mī* correptum ob duplicem vocalem consequentem. Quod si factum velis ob *e* syllabae postremae *i* subtractum, non repugnabo.

Ab *ei* item longum *ei* in fine tertii casus singularis nominum tertiae declinationis, ut *virtutei*, et similia. Extat et *i* longum ab *ei* in voce *vinum*, si *απο του οινου* derives. Nominum quoque incrementa in *icis*, *iris*, *itis* ab *ei* producta. Sic *erveicis*, *veires*, *leites*, *Quireites*, et alia passim. Jam si de *i* in principio, aut medio vocum dicere adgrediar, in infinitum abeam. En tibi pauca: *preimus*, *ceivis*, *veita*, *feidus*,

leibo, *neitor*, *seigo*, *seicus*, *deico*, *deivido*, *seidum*, *succeido*, *vesteigo*, *subleimis*, *rueina*, *Tibereinus*, *corteina*, *anceile*.

O in fine tertii, sextique casus singularis nominum tertiae declinationis longum propter diphthongum *eo*, ut in *Domineo*, *patroneo*; itemque os pluralis, ut *sueos* pro *suos*. *Fotum*, *motum* quasi *footum*, *mootum*, *lootum*, non ideo quod per syncopen reliqua a *fovitum*, *movitum*, *lavitum*. Tolle namque syncopen: annon *fo* in *fovitum*, et *mo* in *movitum*, ut *la* in *lavitum*, et *ca* in *cavitum* producenda? *Cogo* pro *coago* videtur et exemplum suppetere diphthongi *oa*.

U productum videas, praeter ea, quae de sui duplicatione supra retulimus, ab *oe*, *oi*, *ou*, *ue*, *ui*. Sic *oetor* pro *utor*, *coera*, et *coira* pro *cura*, *moiros*, *oinos* pro *muro*, et *uno*, et *tripus* αἶτο του τριπυς. Supina longa in *utum* ab *ui*. *Argutum* quippe, quasi *arguitum*, ut *tutum* a *tuitus*. Ab eodem longum *us* genitivi singularis quartae declinationis, ut et auferendi casus ab *ue*, quod loco suo dictum est. De *u* longo non praetereundus Victorini locus de *Orthograph*. *Nostri quoties ejusdem soni syllaba longa scribenda esset et ipsa adiungebant o litterae. Inde scriptum legis Loucelios*, *nountios*, et *louumen*, et caetera.

§. VII.

*Obiecta diluuntur, latinaeque Prosodiae canones
statuuntur musicis rationibus accomodati.*

1. Sed enim caussabitur quispiam in primis, Marium Victorinum, syllabas *natura* longas dicere, quae *aut diphthongo* constant *aut vocali producta*, non *sequente alia vocali*.

Resp. Tun Victorinum mihi? ego Marium tibi obiiicio. Marius diserte docet, *syllabam omnem correptam, in se vocalem esse unius temporis; productam, duarum accipere potestatem*. De re igitur convenit. Sed ille de *orthographia* agit, idque inum eo loci insinuat, syllabas quasdam *natura* longas, etsi ales efferrentur, unica tamen vocali scribi consuevisse, cum lesucvisset iam Livii, Naeviique mos vocalem in his geminandi. Quia ita ais, Marium, ut vides, cum Victorino committes, quique alterum ab altero expediat, quaerendus.

2. Nos parum consentanea loqui, qui vocales omnes *natura* breves asserimus, deinde nostri quasi oblitos vocales agnoscere, quas Latini grammatici jure, et facto *longas* dixere *natura*.

Resp. Atqui nos de re solliciti in vocibus minime moramur. Simplicem vocalem statuimus brevem, quod unico temusculo effertur. Quam Latini grammatici *natura longam* dicere, ea suinet duplicatione emergit: non igitur simplex, ad revera duplex, quam si *natura* productam dicere lueret, ut a caeteris diphthongis secernas, per nos licet, et cebit porro.

3. Verum cequant, inquires, ad generis totius rationem mandandam, quae veluti carptim e veterum monumentis per vos orrasa?

Resp. Sed ecquota, inquit ego, haec eadem illorum pars, quæ conveli quo quo vorsum potuissent, a quibus non sine caussa mihi temperandum duxi? Primum enim in talibus notum est, genera singulorum, non generum singula quaeri oportere. Deinde: quod quae non sine taedio sic propinari legenti potuissent, haec per se veterum monumenta perlegenti non sine magno voluptatis sensu sint veluti per gradus ubique occursura. Postremo: quod etsi adolescentium praecipue rationibus consultum per nos iri volumus, eruditulorum tamen superba fastidia declinare satagimus, qui, quod norunt ipsi, si tamen vere norunt, aut seire soli dolo non bono videri volunt, aut patere caeteris benigne putant.

4. Recte id quidem, ais: sed si, quae constituta vobis sunt, firma sint revera, unde factum, ut unius, ejusdemque syllabae haud raro non diversae facies, sed plane pugnantes inter se sint? Nam ecce tibi syllabam eandem modo productam, modo correptam, ut longe pronius sit, rem totam arbitrio transigere, quam certis legibus definire? *A* in fine *tau* *pa-ta* breve, quod rectius fuerat producendum, ut in caeteris imperandi modis huiusmodi. *I* correptum in fine *nisi*, et *quasi*, quod verius fuisset producendum, cum sint *nisei*, et *quasci*, vel certe cum aliis similibus vatis arbitrio permittenda. *Jous*, sive *iuus* longum: derivatum *iubeo* breve, in quam rem sic iocari per otium placuit:

Jus longum, *iubeo* breve, *iuure* utriusque parente.

Si cui *ius* longum est, dum *iubet*, esto brevis.

Resp. Exceptione regulam firmari, ut est in iure constitutum, reponeret fortasse quispiam, cui consilii nostri ratio non satis perspecta. Sed propositum nobis est, regularum fines hoc in negotio praetervchi, pro quibus satis, ut in pluribus obtineant, etsi in paucis deficient. Atqui quod per se tale, id ubique tale perseveret, necesse est. Cum itaque syllaba brevis ea

t, quae minimo tempore, longa, quae duplo huius effertur: in aperto est, cum syllaba longa, sive posita, sive duplici vocali, corripitur, eam alterutra sive consona, sive vocali decurtari; contra augeri brevem, si alterutra cumuletur. i *religio* dicam, *re* brevis: si *relligio*, idem *re* continuo longum. Similique ratione *sibi*, et *tibi* longa: correpta *sibi*, et *sibe*, *tibi*, vel *tibe*; quae quantitatis libertas servata in uibusdam, usu veluti detrita in aliis, ut in *rois nisi*, *quasi*, *cio*, *modo*, *cito*, et aliis bene multis, quae passim correpta occurrunt. Verbo: et syllaba brevis in longam, et longa in revem evadere potest, ut unitas in binarium assurgere, et inarius ad unitatem redire. Si enim unitati unitatem adicias, a tibi binarium: si e binario unitatem detrahas, superest unitas.

5. Quo igitur regulae illae omnes tanto grammaticorum odio, nec minore adolescentium enrolamento passim in scholis vulgatae? Aut enim hae valeant, necesse est; aut vestra nec scita novella, si modo noveHa.

Rsp. Quantum per nos licet, nihil minus licere per nos, iam regulis eiusmodi sapientissimis nuntium mittere. Qui norant, addiscant; qui norunt, meditatione, usuque assiduo succum sibi, et sanguinem convertant. Si modo intelligant, minicula illas extare memoriae mera, rei causam vix, aut vix quidem ut plurimum attingere, quod propositum nobis recipue est, quibus scire multo magis, quam discere cor-est.

Verum age, quandoquidem praeceptiones nuda sine exemplis movere parum solent, metricae facultatis totius canones isicis rationibus accomodatos complecti paucis placuit, non unius memoriae subsidium, sed multo magis ad adolescentum rationem excitandam.

LEMMATA TRIA OECUMENICA.

1. Consona nō geminat : 2. coit aut vocalis in unam
Duplex ; 3. natura syllaba quaeque brevis.

Demonstr.

Tempore quippe duplo duplex vocalis in unam
Arta ; duplex duplo tempore consona eget.

E X C E P T. I.

Quod si muta praeit, liquidae comes addita, sitque
Syllaba natura brevis, hanc producit, et artat
Arbitrio Yates, modo ne dissentiat usus,
Quem penes arbitrium est, et ius, et norma loquendi.

E X C E P T. II.

At si *prae* sequitur vocalis, corripe tutus.
Nemo diem dicet, contra si ducere mayis.

PARNASSVS. LAPIDARIVS

L I·B. I.

S A C R A

I.

SANCTO. FIDIO. SENI. PATRI.

De decuma Victor tibi Lucius Munius donum
Moribus antiqueis. Pro usura hoc dare sese,
Visum animo suo. Perfecit tua, pace rogans te,
Cogendei, ac dissolvendei tu ut facilia faxseis.
Perficias, decumam ut faciat verae rationis,
Proque hoc, atque alieis donis des signa merenti(1).

(1) Apian. *Sacros. Vetust.* pag. 142. Valde mihi suspectum
to *facilia* 4. versiculi. Fortasse legendum *foenera*. Caeterum
si loco illud movere religio tibi incescit, vel de syncope co-
gita, ut *facilia* sit *facilia*, ut a *seculo seclum*; vel quatuor
breves dactylo tempore aequales adhibitas arbitrator, ut temporis
potius, quam syllabarum olim habitam rationem intelligas in
carminibus compingendis. Ad vocem *suo* syncopen magis co-
gita vocalis *u*, quam synaeresin. Est enim *suo* a *sueo*. Ad
vocem *Munius*, subaudi *s* truncatum more archaico pro car-
minis mensura.

II.

Undis Cyaneis donum placavile fecit
 Contucius blandas per aquas, aram venerandam.
 Hinc oritur, pergitque fluens, deinde occidit in se
 Ipsa. Mox viridis, renovantibus, incluta, lymphis
 Numini fontigero grates ex undique solvens,
 Sospes cum comites praestat, renovante liquore (1).

III.

Hercules invicte, cautus hoc tuo donum *libens*
 Numini sancto dicavit Praetor Urbis Annius;
 Cum pia solenne mente rite fecisset tuum,
 Tradidisti, quod Potitis Evandreo *seculo*
 Administrandum quodannis. Hic ades *volis favens* (2)

IV.

Te precor; Alcid e, sacris, invicte, peractis,
 Rite tuis laetus dona ferens meritis.

(1) Gruter. pag. 93. num. 11. De Cyane Nympha in
 aquam conversa vide Ovid. Metam. Lib. V. *Placavile*. *F* pro
b, et *b* in *u* commutati frequentissima exempla.

(2) Gruter. pag. 47. num. 3. Adverte: *Quodannis* pro
quotannis. Frequens commutatio *t* in *d*, *b* in *u*, quod semel ad-
 monuisse sat est tironem, ne in mendi suspensionem veniat,
 ubi talia occurrerint. Sacra Herculea Potitis tradita, Evandri
 aetate, res per se nota.

Haec tibi nostra potest tenuis perferre Camina ,
 Nam grates dignas tu potes efficere.
 Sume libens simulacra , tuis quae munera Cilo
 Aris Urbanus , dedicat ipse sacris (1).

V.

Alcmenae , Jovis et Magni fortissima Proles ,
 Tricosus subito post mea fata vocor (2).

VI.

Alcide , sacri generis decus , hoc tibi Praetor ,
 Et Jovis Antistes dedico Perpetuus (3).

VII.

Plutoni sacrum munus ne attingite , fures :
 Ignotum est vobis , hoc quod in orbe latet.
 Namque elementa gravi clausit digesta labore
 Vase sub hoc modico maximus Olybrius.
 Adsit foecundo custos tibi copia cornu ,
 Ne pretium tanti depereat laticis.

(1) Idem pag. 47. num. 10. *Camina* pro *Camoena* ,
 lim *Casmina* ,

(2) Smet. *Ord. II.* num. 3.

(3) Idem ib. p. 23. num. 4.

Abite hinc , pessimi fu res.
 Vos quid vobis vultis
 Cum oculis emissiciis?
 Abite hinc vestro cum Mercurio
 Petasato , caduceatoque.
 Donum hoc maximum Maximus
 Olybrius Plutoni sacrum fecit (1).

VIII.

Susceptum merito votum tibi , Mercuri , solvi.
 Ut facias hilares , semper tua Tempa colamus (2).

IX.

Aegeria est , quae praebet aquas , Dea grata Camoenis.
 Illa Numae Coniux , consiliumque fuit (3).

(1) *Ex Coll. Pisaur.* pag. 436. Olybrius Iunior solus Consul processit an. 491. Extat et Olybrius item Consul, idemque solus , ad an. 464. et 526. Sed et occurrit Proconsul Africae Olybrius an. 354. Ad horum quemnam marmor spectet , quis praestare ausit ? Illud incertius , quod laticis genus in Orbe inclusum Plutoni Olybrius sacrum fecerit. Unguenti genus fortasse magni pretii in ampullis duabus asservatum , quarum argentea una , altera aurea , opportunis oculorum emissiciorum illiciis.

(2) *Ibidem* pag. eadem.

(3) *Montfaucon. Diar. Itiner.* pag. 153.

X.

Littoribus nostris quoniam certamina laetum

Exhibuisse invat, Castor, venerandeque Pollux;
Munere pro tanto faciem certaminis huius,
Magna Jovis proles, vestra pro sede locavi
Urbanis Tatius gaudens me fascibus auctum,
Neptunoque Patri ludos fecisse Latinos (1).

XI.

Silvane, sacra semicluse fraxino,
Et hujus alti summe custos hortuli,
Tibi hasce grates dedicamus maximas,
Quod nos per arva, perque montes Alpico,
Tuique luci suave olentis hospites,
Dum ius gubernio, remque fungor Caesarum,
Tuo favore prosperanti sospites.
Tu me, meosque reduces Romam sistito,
Daque, Italia rura te colamus praeside.
Ego iam dicabo mille magnas arbores..
T. POMPONI. VICTORIS. PROC. AVGVST (2).

(1) Gruter. pag. 99. num. 2. Tatius, Praetor Urbanus,
ro Ludis Sabinis ab se celebratis in honorem Neptuni.

(2) Fabrett, pag. 230. num. 607.

XII.

HORTORVM. CVSTODI. VIGILI

CONSERVATORI. PROPAGINIS

VILLICORVM

Dum tua pomiferum custodia proteget hortam,
 Terror et infestis furibus inguen erit:
 Lampsacios melior non imbuet hostia cultros;
 Quam veniet nostra victima caesa manu (1).

XIII.

Villicus aerari quondam, nunc cultor agelli,
 Haec tibi Perspectus templa, Priape, dico.
 Pro quibus officiis, si fas est, sancte, paciscor,
 Assiduus custos ruris ut esse velis.
 Improbis ut (si quis nostrum violabit agellum),
 Hunc tu. . Sed tento scis, putò, quod sequitur (2).

XIV.

Esse putas marmor: latet hic cum Castore Pollux.
 Munus olorino de Jove Laeda dedit (3).

(1) Gruter. pag. 95. num. 4.

(2) Idem num. 3.

(3) Idem pag. 99. num. 3.

XV.

Tu, quae Tarpeio coleris vicina Tonanti,
 Votorum vindex semper Fortuna meorum.
 Accipe, quae pietas ponit tibi dona merenti,
 Effigiem nostri conservatura Parentis.
 Cuius ne taceat memorandum littera nomen,
 Caesius hic, idemque Titus, Primusque vocatur.
 Qui largae Cereris messes, fructusque renatos
 Digerit in pretium: cui constat fama, fidesque,
 Et qui divitias vincit, pudor. Ire per illos
 Consuetus portus cura, studioque laboris,
 Littora qui praestant fessis notissima nautis.
 Notus in Urbe Sacra, notus quoque finibus illis,
 Quos Umber sulcare solet, quos Tuscus arator.
 Omnibus hic annis, votorum more suorum,
 Centenas adicit, numero crescente, coronas,
 Fortunae simulacra colens, et Apollinis aras,
 Iegeriumque Jovem, quorum consentit in illo
 Maiestas, longae promittere tempora vitae.
 Accipe, Posteritas, quod per tua secula narres.
 Aurinus cari iussus pietate Parentis
 Hoc posuit donum, quod nec sententia mortis,
 Vincere nec poterit fatorum summa potestas,
 Sed, Populi salvo semper rumore, manebit (1).

(1) Idem. pag. 72. num. 7.

XVI.

DIS. MAGNIS.

VLPIUS. EGNATIVS. FAVENTINVS
 V. C. AVGV. P. V. B. P. R. Q.
 PATER. ET. HIEROCERYX. D. S. I. M
 ARCHIEVBVLVS. DEI. LIBERI
 HIEROFANTA. HECATAE. SA
 CERDOS. ISIDIS. PERCEPTO
 TAVROBOLIO. CRIOBOLIOQ.
 IDIBVS. AVGVSTIS D. D. N. N
 VALENTE. AVG. V. ET. VALENTINIA
 ANO. AVG. CONSS. FELICITER

Vota Faventinus bis deni suscipit Orbis ,
 Ut mactet repetens aurata fronte bicornes (1).

(1) Gruter. pag. 27. num. 4. Ulpius, vir Clarissimus, Augur Publicus Pop. Roman. Quiritium. Idem Hieroceryx Dei Solis Invicti Mithrae. Ad haec: Archibubulus, idest Pater sacrorum Dei Liberi, simul et Hierofanta, hoc est magister sacrorum Hecatae, et Sacerdos Isidis. Ut Taurobolio taurus, sic Criobolio hircus mactabatur, quorum sanguine totus foedissime perfundebatur, qui in subiecta fovea latitabat, quo Christianorum baptisma aemularetur. Sacrum porro hoc Ulpii ad Valentis, Valentinianique vicennalia videtur respicere, quorum Consulatus notatus in marmore respondet anno Christi 376.

XVII.

sol calet igne meo , fragrat Neptunus in undis.
 Mensa dedi Alcide , Bacchum servire coegi ,
 Quamvis Liber erat. Feci servire Tonantem.
 Quamvis liber erat , Martem sine Marte subegi. (1)

XVIII.

sum Deus , alatis qui cruribus aethera carpo ,
 Quem peperit summo lucida Maia Iovi. (2)

XIX.

ntonsi sum cura Dei Peneia virgo ,
 Perpetuae pulcro frondis honore virens.
 Quisquis amas Phoebum , laurum cole. Quidquid amanti
 Deditur , acceptum gratus amator habet. (3)

XX.

ransivi intrepidus per mille pericula victor.
 Non acies ferri , non clausis moenia portis
 Conatus tenere meos. Domat omnia virtus. (4)

(1) Idem. pag. 60. num. 4.

(2) Idem pag. 53. num. 8.

(3) Idem. pag. 146. num. 5.

(4) Idem pag. 43. num. 2. Hercules laudes.

XXI.

Huius Nympha loci, sacri custodia fontis,
 Dormio, dum blandae sentio murmur aquae.
 Parce meum, quisquis tangis mea marmora, somnum
 Rumpere. Sive bibas, sive lavere, tace. (1)

XXII.

Munere te hoc dono, Latonia, sancta Virago.
 Cornigerum cepei virtute, et laude potitus,
 Exuvieisque ejus te ipsam, templumque decoro. (2)

XXIII.

Sunt nudaе Charites niveo de marmore. At illas
 Diva Columna suis aedibus intus habet.
 Par tribus est facies, qualem decet esse Sororum,
 Par tribus est aetas, par quoque forma tribus.
 Grata Thalia tamen geminat conversa Sorori:
 Implicat alterne brachia blanda Soror.
 Euphrosinen dextra stupeo, Aglaïamque sinistra
 Miror, et implicitis brachia nexa modis.
 Juppiter est genitor: peperit de semine Caeli
 Hemonia, et Veneris turba ministra fuit.

(1) Ex Marmor. Mus. Borbonici.

(2) Murat. Tom. 1. pag. 54. num. 4.

Inde alitur nudus placida sub Matre Cupido ,
Inde voluptates , inde alimenta Dei. (1)

XXIV. .

Flamen, item Duumvir, Quaestor, Pagique Magister,
Verus ad Augustum legato munere functus ,
Pro Novem obtinuit Populis seiungere Gallis.
Urbe redux Genio Pagi hanc dedicat Aram. (2)

XXV.

Digne doctiloqueis pictureis condecoravit
Reginae Junoni , summae coniugi , templum
Marcus Ludius Elotas , Aetolia oriundus ,
Quem nunc, et post semper ob artem hanc Ardea laudat. (3)

(1) Gruter. pag. 4. num. 3. Elegantissimum epigramma, antiquis tamen non accensendum. Trissino tribuitur. Quo e veterum expungatur catalogo, satis illa Divae Columnensis modestiae commendatio ad ver. 2.

(2) Murator. Tom. 1. Diss. 1. *Novempopuli* , Pagi notum : nulla elisio ad voces *novem* ver. 3. et *pagi* ver. ult.

(3) Gruter. pag. 1064. num. 7. *αρχαιον* sine controversia epigramma , ubi ultimum *i* correptum vides ad vocem *coniugi* eodem illo iure , quo et ad voces *tibi* , *sibi* , *nomini* , *uoruna* , et similium, olim *i* commune erat. Ad vocem *Aetolia* integrum *ia* apocope truncandum , si metrica carmen decurandum.

I.

Livius ecce fui Romanus, conditor Urbis
 Huius. Et hanc volui terram coluisse Quirites
 Magnanimos, populisque dedi cognomina victor. (1)

II.

IMPERANTE. D. N. PISSIMO. AC. TRIUMPHALI.
 SEMPER.
 IVSTINIANO. P. P. AVG. ANN. XXXXVIII
 NARSES. VIR. GLORIOSISSIMVS. EX. PRAEPOSITO.
 SACRI. PALATII. EX. CONS.
 ATQVE PATRICIVS. POST. VICTORIAM. GOTHICAM.
 IPSIS. EORUM. RECIBUS.
 CELERITATE. MIRABILI. CONFLICTV. PUBLICO.
 SVPERATIS. ATQVE. PROSTRATIS.
 LIBERTATE. VRBIS. ROMAE. ATQVE. TOTIVS.
 ITALIAE. RESTITVTA. PONTEM. E VIA
 SALARIA. VSQVE.
 AD. AQVAM. A. NEFANDISSIMO. TOTILA. TYRANNO.
 DISTRVCTVM.
 PVRGATO. FLVMINIS. ALVEO
 IN. MELIOREM. STATVM. QVAM. QVONDAM.
 FVERAT. RENOVAVIT.

(7) Ferrett. *Mus. Lapid.* pag. 317. Livius Salinator Forolivi conditor, quae et ab ipso nomen accepit, quod rarum apud priscos Romanos.

Quam bene curvati directa est semita Pontis,
 Atque interruptum continuatur iter!
 Calcamus rapidas subiecti gurgitis undas,
 Et libet iratae cernere murmur aquae.
 Ite igitur faciles per gaudia vestra, Quirites,
 Et Narsim resonans plausus ubique canat.
 Qui potuit rigidas Gothorum flectere mentes,
 Hic docuit durum flumina ferre iugum (1).

III.

IMP. NERVAE. TRAIANO. CAES. DIVO. AVGVSTO.
 GERMANICO. DACICO. SACR.

Templum in rupe Tagi Superis, et Caesare plenum,
 Ars ubi materia vincitur ipsa sua.

Quis, quali dederit voto, fortasse requireret
 Cura viatorum, quos nova fama iuvat.

Ingentem vasta Pontem qui rupe peregit,
 Sacra litaturo fecit honore Lacer.

Qui Pontem fecit Lacer, et nova templa dicavit,
 Scilicet et Superis munera sola litant.

Pontem perpetui mansurum in secula mundi
 Fecit divina nobilis arte Lacer.

Item Romuleis templum cum Caesare Divis
 Constituit. Felix utraque caussa Sacri.

C. IVLIVS. LACER. H. S. F. ET. DEDICAVIT
 AMICO. CVRIO. LACONE. ICEDITANO

(8) Gruter. pag. 161. num. 2.

(9) Ex Smetio Ord. 1. pag. 4. Tumidius fortasse, quam
 Bilius.

IV.

Uranios es, Manili. Vive, inquam: nam haec manet in te,
 Praeteritis horis, nuda haec effigies.
 Haec est effigies Regis magni Mithradatis
 Divitis, et summi, pauperis, et tenui.
 Hic positum, horarum rationes reddere cogit,
 Post obitum. nullum tempus habere docet (1).

V.

Hic bis Praefectus patriae, Praefectus et idem
 Hic Libyes, idem Libyae Proconsul, et ante
 Ter vice qui sacra discinxit iurgia Iudex,
 Consul et aeterno decoravit nomine Fastos.
 Caetera quid memorem tanto sub Iudice gesta,
 Cum Proculum videas, totus qui natus honori est?
 COLLEGIVM. SVARIORVM. PATRONO
 PRAESTANTISSIMO. (2).

VI.

Ille ego sum Proculus, totus qui natus honori.
 Aut dic, quis sit honos, quem mihi inesse putas? (3)

(1) Ex Aligherii Nep. in *Antiq. Valentin.* Trissyllaba videtur vox *uranios*, quae sic fortasse tribuenda: *uranios*. Sed *tenui* pro *tenuis*, incertum, utrum quadratarii supinitate, quod idem dico de *Mithradatis*, pro Mithridatis. Duo ultimi versus horologium aperte designant ad Mithridatis sepulcrum.

(2) Gruter. pag. 361. et ibid.

(3) *Inesse* pro *abesse* occurrit, quod nusquam obvenisse mihi memini.

Paullina, nostri pectoris consortio

Fomes pudoris, castitatis vinculum,
 Amorque purus, et fides caelo sata,
 Arcana mentis cui reclusa credidi;
 Munus Deorum, qui maritalem torum
 Nectunt amicis, et pudicis nexibus,
 Pietate Matris, coniugali gratia,
 Nexu sororis, filiae modestia,
 Et quanta amicis iungimur fiducia,
 Aetatis usu, consecrandi foedere,
 Ingi, fideli, simplici concordia
 Iuvans maritum, diligens, ornans, colens.
 Paullina veri, et castitatis conscia,
 Dicata templis, atque amica Numinum,
 Sibi maritum praeferens, Romam viro,
 Pudens, fidelis, pura mente, et corpore,
 Benigna cunctis, utilis Penatibus.

Plendore Parentum nil mihi maius dedit,

Quam quod marito digna iam tum visa sum.
 Sed lumen omne, vel decus, nomen viri
 Agorii, superbo qui creatus germine
 Patriam, Senatum, Coniugem inluminans
 Probitate mentis, moribus, studiis simul,
 Virtutis apicem qui supremum nactus est.
 Tu namque quidquid lingua utraque est proditum
 Cura Sophorum, porta queis Caeli patet,
 Vel quae periti condidere carmina,

Vel quae solutis vocibus sunt edita ,
 Meliora reddis , quam legendo sumpseras.
 Sed ista parva. Tu pius moves te sacris
 Teletis ; reperta mentis arcano premis ,
 Divumque numen niultiplex doctus colis ,
 Sociam benigne coniugem nectens sacris
 Hominum , Deumque consciam , ac fidam tibi.
 Quid nunc honores , aut potestates loquar ,
 Hominumque votis adpetita gaudia ?
 Quae tu caduca , et parva semper autumans
 Divum Sacerdos infulis celsus clues ?
 Tu me , marite , disciplinarum bono
 Puram , ac pudicam sorte mortis eximens
 In templam ducis , ac famulam Divis dicas.
 Te teste , cunctis imbuor mysteriis.
 Tu Dindymenes, Attyos qui Antistitem
 Teletis honoras taureis consors pius ,
 Hecates ministrum trina secreta edoces ,
 Cererisque Graiae tu sacris dignam putas.
 Te propter omnis me beatam , me piam
 Celebrant , quod ipse me bonam disseminas.
 Totum per orbem ignota noscor omnibus.
 Nam , te marito , cur placere non queam ?
 Exempla de me Romuleae Matres petunt ,
 Sobolemque pulcram , si tuae similis , putant ,
 Optant , probantque nunc viri , nunc feminae.
 Quae tu magister indidisti insignia.
 His nunc ademptis , moesta coniux maceror.
 Felix , maritum si superstitem mihi

Divi dedissent! Sed tamen felix, tua
Quae sum, fuique, postque mortem mox ero (1).

MORALIA.

I.

Poma ut in arboribus pendentia, corpora nostra,
Aut matura cadunt, aut cito acerba ruunt (2).

II.

Haec Urbem circa stulti monumenta laboris,
Quasque vides moles, Appia, marmoreas;
Pyramidasque ausas vicinum attingere Caelum,
Pyramidas, medio quas fugit umbra die;
Et Mausoleum, miserae solatia mortis,
Intulit externum quo Cleopatra virum;
Concutiet, sternetque dies, quoque altius extat
Quodque opus, hoc illud carpet, edetque magis.
Carmina sola carent fato, mortemque repellunt.
Carminibus vives semper, Homere, tuis. (3)

(1) Ibidem pag. 461. Paullina, Vettii Agorii Praetextati
Ixor.

(2) Epicteti ex *Coll. Pisaur.* pag. 478.

(3) Ibidem ex Burman. pag. 484.

III.

Ingentes Dominos , et famae nomina clarae ,
 Illustrique graves nobilitate Domos
 Devita , et longe vivus cole. Contrahe vela,
 Et te littoribus cymba propinqua vehat (1).

IV.

In plano tua sit semper fortuna , paresque
 Noveris : ex alto magna ruina venit.
 Non bene cum parvis iunguntur grandia rebus ;
 Stantia namque premunt , praecipitata ruunt (2).

V.

Vive , et amicitias omnes fuge. Verius hoc est ,
 Quam regum solas effuge amicitias.
 Est mea mors testis. Maior me adflixit amicus ,
 Deseruitque minor ; turba cavenda simul.
 Nam quicumque pares fuerant , fugere fragorem ,
 Nec dum collapsam deseruere Domum.
 Nunc et non Reges tantum fuge. Vivere doctus ,
 Uni vive tibi , nam moriere tibi (3).

(1) Ibidem. (2) Ibidem. (3) Ibidem.

VI.

Quod tua mille Domus solidas habet alta columnas,

Quod tua marmoreo ianua poste nitet;

Aurea quod summo splendent laquearia tecto,

Imam crusta tegit quod pretiosa domum;

Atria quod circa dives tegit omnia cultus;

Hoc animos tollit nempe, beate, tuos!

Caedibus in totis gemmae licet omnia claudant,

Turpe est, nil Domino turpius esse suo. (1).

VII.

ante rate e Siculo discurrent aequore pisces,

Et deerit Lybicis putris arena vadis;

ante nives calidis demittent fontibus undas,

Et Rhodanus nullas in mare ducet aquas;

ante mari gemino semper pulsata Corinthos

Confundet fluctus pervia facta duos;

ante feri cervis submittent colla Leones,

Saevaeque dediscet praelia torvus Aper;

edus pila geret, pharetras romana iuventus,

Fulgebit nitidis India nigra crocis;

quam mihi displiceat vitae fortuna quietae,

Aut credat dubius se mea puppis aquis (2).

(1) Ibidem. (2) Ibidem.

O litus vita mihi dulcius! o mare felix,
 Cui licet ad terras ire subinde meas.
 O formosa dies! hoc quondam rare solebam
 Iliadas armatas sollicitare manus.
 Hic fontis lacus est, illic sinus egerit algas;
 Hic statio est, hinc victa Cupidinibus.
 Pervixit. Neque enim fortuna malignior unquam
 Eripiet nobis, quod prior hora dedit.
 Illic alternis depugnat Pontus, et aer,
 Hic rivo tenui pervia ridet humus.
 Illic divisas complorat navita puppes,
 Hic Pastor miti perluit amne pecus.
 Illic immanes mors obsita solvit hiatus,
 Hic gaudet curva falce recisa Ceres.
 Illic inter aquas urit sitis arida fauces,
 Hic dat periuro basia multa viro.
 Naviget, et fluctus lasset mendicus Uliesses,
 In terris vivet candida Penelope (1).

(1) Ibidem. Ad voc. *Iliadas* mendum manifestum. Fortasse
Icadas, non, *Iliadas* legendum, cui nulla constat sententia.
 Erant autem *Icades* Feriae, quas die vicesima cuiusque men-
 sis custodiebant Epicurei in magistri honorem, ut Plinius refert
 XXXV. 2. Epigramma sane totos Epicuri hortos redolet; quo
 fortasse in casu versus sic recudendus:

Icadas armata sollicitare manu.

Την εἰσαδα vero tirones norunt graecis esse viginti ἀπὸ τοῦ εἰκοσι.

IX.

Optimus est, Cleobulus ait, *modus*, incola Lindi.
 Ex Ephyra, Periandre, doces, *cuncta* et *meditanda*.
Tempus nosce, inquit Mitylenis Pittacus ortus.
Plures esse malos, Bias autumat ille Prieneus.
 Milesiusque Thales *sponsori damna* minatur.
 Trosse, inquit, *tete*, Chilon Lacedaemone cretus.
 Ecropiusque Solon, *ne quid nimis* induperabit (1).

X.

rede ratem ventis: animum ne crede puellis,
 Namque est feminea tutior unda fide.
 emina nulla bona est; vel si bona contigit ulla,
 Nescio quo fato, res mala facta bona est (2):

XI.

uro quid melius? iaspis. Quid iaspide? sensus.
 Quid sensu? ratio. Quid ratione? Deus (3).

(1) Ex Coll. Pisaur. pag. 489. Quibus, si placet, ad-
 haec nostra:

varum quae melior si fors sententia, quaeras;
stima, quae cunctas, dicam, componit amice:
leisque etenim quaevis par, sed tamen omnibus impar.

(2) Ibidem pag. 478.

(3) Ibidem pag. 490.

XII.

Quisquis amore volens solido tranquillus, et alta
 Pace frui, maiora fuge, et nimis alta caveto.
 Quin etiam vitare parem, licet obstrepat, error
 Publicus, admoneo. Fidum tibi iunge minoris
 Pectus, ubi obsequium pernox, humilesque vicissim
 Blanditiae, dulcisque timor, res cognita paucis.
 Alta petunt omnes. Utinam mihi tale dedissem
 Consilium! Sed cogit Amor, perque ardua vinctum,
 Luctantemque rapit. Victor fuit ille Deorum
 Molliaque Herculeis optavit pensa lacertis:
 Tu, cui libertas salva est, tibi consule eorum (1).

XIII.

Iratus recolas, quod nobilis ira Leonis
 In sibi prostratos se negat esse feram (2).

XIV.

Ut perferantur, si qua sunt, ad Inferos,
 Date Terrae fructum, ut Terra possit reddere.
 Ab alio speres, alteri quod feceris (3).

(1) Gudius pag. 291.

(2) Gruter. pag. 828. num. 10. Effigies Leonis catulum
 tenentis.

(3) Idem pag. 928. num. 6.

Semicapri quicunque subis sacraria Fauni ,
 Haec lege romana verba notata manu.
 Hersilus hic iaceo , mecum Marcella quiescit :
 Haec Soror , haec Genitrix , haec mihi Sponsa fuit.
 Ficta putas , frontem trahis , ac aenigmata Sphingis
 Credis : sunt Pythio vera magis tripode.
 Me Pater e nata genuit : mihi iungitur illa.
 Sic mihi Sponsa , Parens , sic fuit illa Soror.
 BENE. PRECARE. QUI. LEGIS (1).

XVI.

Monumentum absolvi sumptu , et impensa mea ,
 Amica tellus ut det hospitium ossibus ,
 Quod omnes optant , sed felices impetrant.
 Namque quid egregium , quidve cupiendum est magis ,
 Quam libertatis ubi tu lucem acceperis ,
 Fessae senectae spiritum ibi deponere ,
 Quod innocentis argumentum est maximum (2) ?

XVII.

Hoc qui scire cupis , iaceant quae membra sepulcro ,
 Disces , dum relegas hos modo versiculos.

(1) Idem pag. 789. num. 6. Spurius tamen habetur.

(2) Ex Bonada.

Sponte fui pauper, tam re, quam nomine Felix.
Quaesivi nomen: quaerat avarus opes (1).

XVIII.

Olim non fuimus. Nati sumus. Unde quieti
Nunc sumus, ut fuimus. Cura relictæ, vale (2).

INSIGNIUM VIRORUM TITULI.

I.

Achillis epitaphium.

Cauta quidem genetrix, noceant ne vulnera nato,
Confirmat Stygio fonte puerperium.
Sed quia fas nulli est, humanam vincere sortem,
In membris tincti dant tibi fata locum (3).

II.

De eodem.

Pande manum, genetrix; totus tingatur Achilles.
Tu facies natum mortis habere locum (4).

(1) Ex eodem.

(2) Olivier. de *Tulliae Sympherosae tumulo*.

(3) Petronii Antigenidis ex Oliver. in *Marmor. Pisaur.*
pag. 165.

(4) Burmanni ex *Coll. Pisaur.* T. IV. pag. 437.

III.

Pelides ego sum, Thetidis notissima proles,
 Cui virtus clarum nomen habere dedit.
 Qui stravi toties armis victricibus hostes,
 Inque fugam solus millia multa dedi.
 Hectore sed magno, summa est mihi gloria, caeso,
 Qui saepe Argolicas debilitavit opes.
 Ille interfectus subit, me vindice, poenas,
 Pergama tunc ferro procubuere meo.
 Laudibus immensis victor super astra ferebar;
 Hostilem pressi fraude peremptus humum (1).

VI.

De eodem.

Hectoris Aeacides domitor, clam, incautus, inermis,
 Occubui, Paridis traiectus arundine plantas (2).

V.

De Alexandro.

Sufficit huic tumulus, cui non suffecerat Orbis.
 Res brevis huic ampla est, cui fuit ampla brevis (3).

(1) Ibidem. (2) Ibidem.

(3) Ibidem. pag. 443.

VI.

De caesis ad Thermopilas.

Dic, hospes, Spartae, te nos vidisse iacentes,
Dum sanctis Patriae legibus obsequimur (1).

VII.

De Scipione.

Heic est ille situs, quoi nemo civi', neque hos tis
Quibit pro facteis reddere operae pretium (2).

VIII.

De Eodem.

A sole exoriente supra Maëoti¹ paludes
Nem' est, qui facteis me aequiparare queat.
Si fas caedendo caelestia scandere quouquam est,
Mi soli Caeli máxima porta patet (3).

(1) Cicer. *Tuscul. Quaest.* Lib. I.

(2) Ennii apud Cicer. *de Leg.* Lib. II. Fortasis ad vocem *reddere* postremum *re* apocope truncandum, ut sibi pentameter constet. Sed pro pentametro rectius senarium puta.

(3) Eiusdem apud eundem *Tusc. Quæst.* Lib. V.

IX.

De eodem.

Luxuriantem animo Poenum , ferroque ruentem
 Urbis in excidium vix puber , ad arma vocatis
 Partibus , edocui certa superarier arte
 Posse olim. Invictae per nos Chartaginis arces
 Insolitum subiere iugum. Victoria nostra est
 Anno, et Iberus atrox , coniunctique arma Syphacia.
 Maxima cunctarum victoria , victa voluptas (1).

X.

De eodem.

Viribus , ingenio , forma , vel sanguine si te
 Extulero in turba , Scipio , clarus eris.
 At si , quod iuvenem formosam , aurumque marito
 Miseris intactum , dixero : Solus eris (2).

XI.

De Ennio.

Adspicite , o Cives , senis Enni imaginis formam.
 Hic vestrum panxit maxuma facta Patrum.

(1) Ex *Marmor. Pisaur.* Olivier. n. 17.

(2) Ferrett. *Mus. Lapid.* ad pag. 460.

Nemo me lacrumis decoret , nec funera fletu
Faxit. Volito vivos per ora virum (1).

XII.

De Miltiade.

Qui Persas bello vici Marathonis in arvis ,
Civibus ingratis , et patria , interii (2).

XIII.

De Pallante.

Filius Evandri Pallas , quem lancea Turni
Militis occidit , more suo , iacet hic (3).

XIV.

De Pacuvio.

Adolescens , tamen etsi properas , te hoc saxum rogat,
Utei ad se adspicias : deinde quod scriptust , legas.
Heic sunt Poetae Marcei Pacuviei sita
Ossa. Hoc volebam , nescius ne esses. Vale.

(1) Vulgo Ennio ipsi tribuitur.

(2) Smetius *Ord.* III. pag. 55.

(3) Ferrett. *Mus. Lap. Mem.* XXXIV.

XV.

De Sappho.

Tantum ego carminibus superavi Sappho puellas ,
 Maeonides quantum vicerat ante viros (1).

XVI.

De Euripide.

Siste. Quid ipse velim, rogitas? cognosce, Viator:
 Euripides, tragico carmine clarus homo,
 Hic iaceo. Istud erat, quod te novisse, volebam.
 Ergo diu felix, care Viator, abi (2).

XVII.

De Naevio.

Mortales immortales flere si foret fas ,
 Flerent Divae Camoenae Naeviom Poetam.
 Itaque postquam est orcino traditus thesauro ,
 Oblitei sunt Romae loquier lingua latina (3).

(1) Palladii.

(2) Eiusdem Palladii.

(3) Gell. L. I. Cap. XXIV.

XVIII.

De Plauto.

Postquam est mortem aptus Plautus , Comoedia luget,
Scaena est deserta. Hinc ludus , risusque , iocusque,
Et numeri innumeri simul omnes collacrumarunt (1).

XIX.

De Statio.

Stattus hic situs est , iuvenem quem Cypris ademit ,
Praeconem Aeneae carmine quod premeret (2).

XX.

De Puppio Tragoediographo.

Flebunt amici , et bene noti morte in mea.
Nam Populus , etiam vivo me , lacrumatus est (3).

(1) Ex eodem ibidem. *Aptus* pro *adeptus*.

(2) Ex Bonada.

(3) Ex Acrone *ad Horat.* L. I. Ep. I.

XXI.

De Cicerone.

Quo tua , romanae vindex clarissime linguae,
 Silva loco melius surgere iussa viret :
 Atque Academiae celebratam nomine villam
 Nunc reparat cultu sub potiore vetus ;
 Hic etiam adparent lymphae non ante repertae ,
 Languida quae infuso lumina rore lavant.
 Nimirum locus ipse sui Ciceronis honori
 Hoc dedit , hac fontes cum patefecit , ope :
 Ut quoniam toto legitur sine fine per orbem ,
 Sint plures , oculis quae medeantur , aquae (1).

XXII.

De eodem.

Hic iacet Arpinas manibus tumultatus amicis ,
 Qui fuit Orator summus , et eximius.
 Quem nece crudeli mactavit civis , et hostis.
 Nil agis , Antoni : scripta diserta manent.
 Vulnere nempe uno 'Ciceronem conficis' at te
 Tullius aeternis vulneribus lacerat (2).

(1) Ex Plin. *Hist. Nat.* Lib. XXXI. C. 4.

(2) Ex Coll. Pisaur. pag. 450.

XXIII.

De Sulla.

Adspice Felicem sibi, non tibi, Romule, Syllam,
 Et Marium, si vis, adspice, sed reducem.
 Necnon Antoni civilia bella moventis,
 Nec semel infectas adspice caede manus.
 Et dic: Roma perit: regnabit sanguine multo
 Ad regnum quisquis venit ab exilio (1).

XXIV.

De Caesare.

Invictus victis in partibus omnia Caesar,
 Vincere qui potuit, te, Cato, non potuit (2).

XXV.

De eodem.

Ille hic magnanimus, qui claris arduus actis,
 Non timuit Generum, nec inertia tela Senatus.
 Ne sibi Gallorum raperetur pompa triumphi,
 Intulit immitis per civica viscera ferrum.

(1) Ex Sueton. in Claud. Tib.

(2) Ex Coll. Pisaur. pag. 445.

Vis invicta viri, reparata classe, Britannos
Vicit, et hostiles Rheni compescuit undas (1).

XXVI.

De Virgilio.

Iusserat haec rapidis aboleri carmina flammis
Virgilius, Phrygium quae cecinere Ducem.
Tucca vetat, Variusque simul: Tu, maxime Caesar,
Non sinis, et Latiae consulis historiae.
Infelix! gemino cecidit prope Pergamon igni,
Et pene est alio Troia cremata rogo (2).

XXVII.

De Asino, qui Aeneidem male habuit.

Carminis Iliaci libros consumpsit Asellus.
Hoc fatum Trojae est; aut Equus, aut Asinus (3).

(1) Ibid. pag. 446.

(2) Sulpit. Apollinar. ex Donat. in *Vit. Virgil.*

(3) Ex *Coll. Pisaur.* pag. 452.

XXVIII.

De Ovidio.

Hic situs est Vates , quem Divi Caesaris ira
 Augusti latia cedere iussit humo.
 Saepe miser voluit patriis occumbere terris:
 Sed frustra. Hunc illi fata dedere locum (1).

XXIX.

De Mecaenate.

Nestoris annosi vixisses secula , si me
 Dispensata tibi stamina nente forent.
 Nunc ego quid possum ? tellus levis , ossa teneto ,
 Pendula librato pondus et ipsa tuum.
 Semper certa tibi dabimus , tibi semper odores:
 Non umquam sitiens florida semper eris (2).

XXX.

De Horatio.

Et tenuit nostras numerosus Horatius aures ,
 Dum ferit Ausonia carmina culta lyra (3).

(1) Burmann. in *Coll. Pisaur.* pag. 418.(2) Ex Albinovano in *Obit. Mecaen.*(3) Ex Ovid. Lib. IV. *Trist. Eleg.* 10.

XXXI.

De Celso.

Dictantes Medici quandoque et Apollinis artes
 Musas romano iussimus ore loqui.
 Nec minus est nobis per pauca volumina famae,
 Quam quos nulla satis Bibliotheca capit (1).

XXXII.

De Germanico.

Parce, hospes tumulo. Caesar Germanicus hic sum.
 Saepe etiam ignotus ipse dedi requiem.
 Quod si quem tumuli nihil huius gratia tangit,
 Admoneat; patria fraude, quod hic iaceo.
 Sed iaceo, quamvis non vitae, et plenus honoris,
 Hoc uno ingratus, quod genui Patriae.
 Testata est mores lacrimis plebesque, patresque.
 Haec sunt sinceri iudicia ingenii. (2).

(1) *Ex Coll. Pisaur. pag. 459.*

(2) *Ex Burman. in Coll. Pisaur. pag. 446.*

XXXIII.

De Claudio pro domita Britannia.

Ausoniis numquam tellus violata triumphis,
 Icta tuo, Caesar, fulmine procubuit.
 Oceanusque tuas, ultra se, respicit aras,
 Qui finis mundo est, non erat imperio (1).

XXXIV.

De eodem.

Libera non hostem, non passa Britannia Regem,
 Aeternum nostro quae procul Orbe iacet;
 Felix adversis, et sorte oppressa secunda,
 Communis nobis, et tibi, Caesar, erit (2).

XXXV.

De eodem.

Victa prius, nullo iam iam spectata triumpho,
 Illibata tuos Gens iacet in titulos.
 Fabula visa diu, medioque recondita Ponto
 Libera, victori quam cito colla dedit!
 Eufrates ortus, Rhenus recluserat Arcton:
 Oceanus medium venit in Imperium (3).

(1) Ibidem ad pag. 447. (2) Ibidem. (3) Ibidem.

XXXVI.

De eodem.

Ultima cingebat Tiberis tua, Romule, regna:

Hic tibi finis erat, religiose Numa.

Et tua, Dive, tuum sacrata potentia Caelo

Extremum citra constitit Oceanum.

At nunc Oceanus geminos interluit Orbes:

Pars est Imperii: terminus ante fuit (1).

XXXVII.

De eodem.

Illa procul nostro semota, exclusaque Caelo,

Adluitur nostra victa Britannis aqua. (2)

XXXVIII.

De eodem.

Mars Pater, et Gentis nostrae tutela, Quirine

Et magno positus, Caesar uterque, Polo:

Cernitis ignotos Latia sub lege Britannos:

Sol citra nostrum flectitur Imperium.

Ultima cesserunt, adaperto, claustra, profundo,

Et iam Romano cingimur Oceano (3).

(1) Ibidem. (2) Ibidem. (3) Ibidem.

XXXIX.

De eodem,

Opponis frustra rapidum , Germania , Rhenum :
 Eufrates prodest nil tibi , Parthe fugax.
 Oceanus iam terga dedit , nec pervius ulli
 Caesareos fasces , imperiumquē tulit (1).

XXXX.

De eodem.

Semota , et vasto disiuncta Britannia Ponto ,
 Cinctaque inaccessis horrida littoribus ;
 Quam Pater invictis Nereus vallaverat undis ,
 Quam fallax aestu circuit Oceanus ;
 Brumalem sortita Polum , qua frigida semper
 Praefulget stellis Arctos in occiduis.
 Conspectu devicta tuo , Germanice Caesar ,
 Subdidit insueto colla premenda iugo.
 Adspice : confundit populos impervia Tellus :
 Coniunctum est , quod adhuc orbis et orbis erat (2).

(1) Ibidem. (2) Ibidem..

XXXXI.

De Tito, et Vespasiano.

I nunc, et rebus fidas, Romane, secundis,
 Cuncta brevi cum sint interitura die!
 Orbis delicias, et Titum, et Vespasianum,
 Terrarum Dominos, haec capit urna duos (1).

XXXXII.

De Virginio Rufo.

Hic situs est Rufus, pulso qui Vindice quondam,
 Imperium asseruit, non sibi, sed Patriae (2).

XXXXIII.

Optimus est Fuscus : bonus Afer : pessimus Albus (3)

XXXXIV.

De Seneca.

Cura, labor, meritum, sumpti pro munere honores,
 Ite alias posthac sollicitare animas.

(1) Ibidem ad pag. 447. ex Burman.

(2) Ex Plin Lib. VI. Cap. 10.

(3) Ex Spartian. in *Pescen. Nigro*

Me procul a vobis Deus avocet. Illicet, actis
 Rebus terrenis, hospita Terra, vale.
 Corpus nostra tamen solennibus accipe saxis,
 Namque animam Caelo reddimus, ossa tibi. (1).

JOCOSA, ET SATYRICA.

I.

Fundum Varro vocat, quem possim mittere *funda*,
 Nè tamen exciderit, qua cava funda patet.
 Extractam puteo situlam cum ponit in horto,
 Uterius standi non habet ille locum (2).

II.

In Caninium Consulem

Vigilantem habemus Consulem Caninium.
 In Consulatu somnum non vidit suo (3).

(1) Ferrett. *Mus. Lapid. Mem. XIII.*

(2) Quintil. Lib. VIII. Cap. ult.

(3) Macrob. *Saturn. Lib. II. Cap. 3.*

III.

In Bibulum Consulem.

Consule non Bibulo quidquam, sed Caesare, factum est:
Nam Bibulo fieri Consule nil memini (1).

IV.

In Ventidium Consulem.

Concurrite omnes, Augures, Aruspices.
Portentum inusitatum confectum est recens:
Nam mulos qui fricabat, Consul factus est (2).

V.

In Caesarem.

Gallias Caesar subegit, Nicomedes Caesarem.
Ecce nunc Caesar triumphat, qui subegit Gallias:
Nicomedes non triumphat, qui subegit Caesarem (3).

(1) Sueton. in *Julio*.

(2) Gellius Lib. XV. Cap. 4.

(3) Sueton in *Julio*.

VI.

In Augustum.

Postquam bis classe victus naves perdidit,
 Aliquando ut vincat, ludit assidue a^leam (1).

VII.

In Neronem.

Roma Domus fiet; Veios migrâre, Quirites,
 Si non et Veios occupat ista Domus (2).

VIII.

In Claudium.

Ternos vetusti congios Falerni
 Uno die, convivii peractis,
 Tabos per amplos viscerum refundens
 Hausit, potentum Romuli nepotum
 Frenator audax, arbiterque regum.
 Jovis tonantis armiger, minando,
 Bacci pluentis cantharus, madendo,
 Late patentis Imperator Orbis,

(1) Idem in *Octavio*.

(2) Idem in *Nerone*.

Late aestuantis inrigator alvi.
 Exinde Plebs Quiritium vocavit,
 Non Claudium Tiberium Neronem,
 Sed Caldium Biberium Meronem (1).

IX.

In Othonem.

Cur Otho mentito sit, quaeritis, exsul honore?
 Uxoris moechus coeperat esse suae (2).

X.

In Commodum Imperatorem.

Commodus Herculeum nomen habere cupit,
 Antoninorum non putat esse bonum,
 Expers humani iuris, et imperii.
 Sperans quin etiam clarius, esse Deum,
 Quam si sit Princeps nominis egregii,
 Non erit iste Deus, nec tamen ullus homo (3).

(1) Ex *Coll. Pisaur.* pag. 446.

(2) Sueton. in *Othon.*

(3) Ex Spartian. in *Antonin. Diadumen.*

XI.

In Caesarem.

Aurea mutasti Saturni secula, Caesar:
 Incolumi nam te, ferrea semper erunt (1).

XII.

In hominem exosum.

Asper, et inmitis. Breviter, vis, omnia dicam?
 Dispeream, si te Mater amare potest (2).

XIII.

Ursus Togatus, vitrea qui primus pila
 Lusi decenter cum meis lusoribus,
 Laudante Populo maximis clamoribus,
 Thermis Trajani, Thermis Agrippae, et Titi,
 Multum et Neronis, si tamen mihi creditis,
 Ego sum. Ovantes convenite, pilicrèpi,
 Statuamque Amici floribus, violis, rosis,
 Foleoque multo, adque unguento marcido
 Onerate amantes, et merum profundite,
 Nigrum Falernum, aut Setinum, aut Caecubum

(1) *Ex Coll. Pisaur.* pag. 447.

(2) *Ibidem* pag. eadem.

Vivo, ac volenti de apotheca Dominica,
 Ursumque canite voce concordi, senem
 Hilarem, iocosum, pilicrepum, scholasticum,
 Qui vicit omnes anteriores suos
 Sensi decore, adque arte subtilissima.
 Nunc vera versu verba dicamus senes:
 Sum victus ipse, fateor, a ter Consule
 Vero, Patrono: nec semel, sed saepius,
 Cuius libenter dicor Exodiarius (1).

(1) Gruterus pag. 637. num. I. Epigramma festivissimum ad Imperatorem Commodum Verum respicere videtur, cui *arte subtilissima* velificatur Ursus Togatus. Pro *folioque* restituimus *foleoque*. Est autem unguenti genus ex oleo, fortassis ita dictum quasi *a foveo oleo*. Ita vero legendum esse, monet marmor Puteolis nuper repertum, in quo *foleum* non *folium*, occurrit, in eam plane significationem, quam diximus. *Exodiarius* idem, qui *mimus*. *Adque* pro *atque* frequenter occurrit.

XIV.

D. M.

FLAVIAE RUFILLAE

Quid gnatum caedit Venus? arcum perdidit. Arcum
 Quis rapuit? Tusco Flavia nata solo.
 Qui factum? Petit haec, dedit hic: nam lumine formae
 Deceptus, Matri se dare crediderat (1).

XV.

Lusciniae funus.

Selectae, versicolori, pulcerrimae cantrici,
 Suavissimae, omnibus gratiis ad digitum pipilanti,

(1) Gruter. pag. 912. num. 1. Placuit per otium negotiosum sic italice reddere:

Perchè così — La bella Venere
 Il Figlio strazia? — Perchè così.
 L'Arco perdè — L'arco invincibile.
 E come il misero — L'arco perdè?
 Glie lo rapì — La Tosca Flavia,
 L'amabil Flavia — Glie lo rapì.
 Come ciò fu? — Colei richieselo,
 Costui rendetelo — Ecco che fu,
 Darlo pensò — Il Figlio a Venere.
 Quel volto lucido — Sì l'abbagliò!

In poculo murrhino caput abluenti
 Infeliciter submersae. Heu, misella
 : Avicula! Hinc inde volitabas tota
 : Garrula, tota festiva: latitas modo
 Inter pulla Leptynis loculamenta
 Implumis, frigidula, clausis ocellis,
 Liciniae, filumena, deliciae suae,
 Quam in sinn pastillis aiebat
 In proprio cubiculo alumnae carissimae (1).

XVI.

In idem argumentum.

Hic sita sum, varios avium perfringere cantus
 Docta avis, e Siculo praeda petita sinu.
 Nuper herum studiis fessum, curisque levabam:
 Nunc Manes blandis mulceo rapta sonis (2).

XVII.

Ad Fontem.

Quod blando faciem producit murmure somnum,
 Quae cadit, et tremulos efficit unda lacus;

(1) Ex Bonada.

(2) Fabrett. pag. 331. num. 493.

Quod sumis puros haustus , nitideque lavaris ,
Instauratori gratia habenda Lupo.

Aes , animumque suum spectans dic , Romule , verum :
An minus hic Pater est , quam Lupa Mater erat ?

A N O N I M A .

I.

Hae sunt , Parve , tuae , meaeque sedes ;
Haec certa est domus , haec colenda sedes ,
Haec est , quam mihi suscitavi vivus (1).

II.

Rapta sinu Matris iacet hic miserabilis infas ,
Ante novem plenos quam Lunae viveret orbes.
Hanc Pater , et Mater maestis flevit iacentem ,
Parvaeque marmoreo clausurunt membra sepulcro (2).

III.

Iam lacrimis parce , et crudelia dicere fata
Desine , nec duro iam doleas obitu.

(1) Burman. Anthol. Lat. Tom. IV. pag. 469. Ep. XXIV.
Vide i in fine re suscitavi correptum. Pleraque horum , quae
re ανωγμια dicimus , quod familiaria essent , satis per se in-
notescebant , quae nunc nos latent.

(2) Gruter. pag. 717. num. 13.

Nec tibi, nec nobis aeternum vivere cessit.

Quod pueri occidimus, fata querenda putas.
Dum sis in vita, dolor est amittere vitam;

Dum simul occidimus, omnia despicias.
Orbem sub leges si habeas, num vivis ad Orchum?
Quid valet? hic nulla est divitis ambitio (1).

IV.

Verius hunc tumulum Matri tu, nata, dedisses,
Quam Mater miserae nunc tibi, nata, facit.
Bis senos completam annos te, Filia, matri
Eripuit miserae mortis iniqua dies.
Obtestor, manes meritaе, sanctaeque Patronae
Comprecor, ut leni terra tegat tumulo (2).

V.

Ingratae Veneri spondebam munera supplex,
Erepta, Coniux, virginitate tibi.
Persephone votis invidit pallida nostris,
Et praemature funere te rapuit.

(1) Gruter. pag. 718. num. 3. Quae currentibus literis
notata vides, nostro periculo restituta scito, quae post a Bur-
manno sic suppleta deprehendimus:

*Nū. prosunt gemius; lacrimis corrumpere ocellos
Desine.*

(2) Gruter. pag. 718. num. I Mater, quod Liberta es-
set, filiam patronam dicit.

Supremum , versus , munus donamus , et aram ,
 Et gratam scalpsit docta Pedana chelyn.
 Me nunc torquet amor : tibi tristis cura recessit ,
 Letheoque iaces condita sarchophago (1).

VI.

His Pater , et Mater moestum solantur amorem ,
 Solventes nato triste ministerium (2).

VII.

Sic pia , sic felix , sic quod tibi vita beata
 Contigit , et cunctis auxilians bonitas.
 Nos tamen hic cruciat dolor intimus , et pia cura ,
 Quod te festinans apostulit atra dies.
 Numina nunc inferna , precor , Patri date lucos ,
 Quies est purpureus , perpetuusque dies.
 Hic certe , ut meruit , cunctast data cura sepulcri ,
 Texeruntque favi de Siculis apibus (3).

(1) Idem pag. 843. num. 2. Optimis sine dubio accensendum epigramma.

(2) Mutilum epigramma apud Gruter. pag. 717. num. 8.

(3) Idem pag. 748. num. 7. *Cunctast*. Ubi elisio in verbo *est* , et voce praecedenti accidit , nusquam a posteriori *e* vocalem priorem , sed hanc ab illa absorptam incurrimus ; nec sine caussa. Dic enim *cunctest* , dubium facies , an *cuncta* , *cunctae* , *cuncti* , *cuncto* , *cunctum* , *cunctam* intelli-

VIII.

Morborum vitia , et vitae mala maxima fugi.

Nunc careo poenis , pace fruor placida (1).

IX.

Verna puer , Puer o mi verna , quis ah ! quis ab aura

Te in tenebras rapuit perditus , ut morerer ?

Ni tecum assidue loquerer , ni saepe iocando

Fallerer , hinc dum te continuo aspicio ;

Semper ero tecum : et si me sopor occupet umbram ,

Te umbra petam. Ergo unquam ne metue , abs te
abeam (2).

X.

Non nomen , non quo genitus , non unde , quid egi.

Mu tus in aeternum sum cinis , ossa , nihil.

gamus. Cur non hoc et in caeteris servandum , ubi ambiguitatis eadem occurrunt incommoda vitanda ? Qui haec adolescentes monere contemnunt , uti fere fit , non bene de re poetica latina meriti censendi.

(1) Petr. Apian. *Inscript. Sacros. Vetust.* pag. 79.

(2) Fabrett. pag. 195. num. 441. Qui Catullum de facie norit , ab ipsissimo Catullo iurabit epigramma hercle ! iucundissimum elaboratum.

Non sum, nec fueram: genitus tamen ex nihilo sum.
Mitte, nec exprobres singula: talis eris (1).

XI.

Funere non aequo puer immaturus obivi,
Marmoreisque meis hic iaceo tumulis.
Non potui parvus puerilem implere iuventam,
Nec vestire meam flore novo faciem.
Nec senior capiti niveos mutare capillos.
At: fato victus sorte puerperii,
Heu! crudele nefas, quae me generaverat, hora,
Haec eadem vitae terminus hora fuit.
Non ego, quod perii, doleo: sed parvulus infans,
Quod cum plus saperem, spem merui dubiam.
Si vita incolumis potuisset vincere fata,
Crevisset generis gloria magna mei.
Fortuna invisus est, spes est frustrata iacentem,
Mors cuncta eripuit, dira quies hominus (2).

XII.

Una dies adimit crudele clade peremptas,
Quis ara haec posuit, poena hominis miseri.

(1) Idem pag. 21. num. 85.

(2) Idem pag. 238. num. 636. *Invisus est pro invidit.*

Filia namque perit, periit et mater. Eundem
Deserit illa Patrem, deserit illa Virum (1)

XIII.

Forma, atque illecebris Veneri vixi aemula. Livor
Saxo delicias invidus occuluit.
Artificis pietate, iterum rediviva placebam,
Ni me vidisset Cypria marmoream.
Si fructus proprio surgit de germine; tellus
Si reparat sparsis debita seminibus:
Nascentur tumulto, formae nova messis, honores,
Et lepor, et suavis gramina nequitiæ (2).

XIV.

Ereptamque viro, et matri mater me Terra recepit,
Cum ad mortem, matris de gremio rapior.
Omnibu' cara fui, vivae carissima matri,
Adversis quae me sustulit ominibus.
Desine iam frustra, Mater mea; desine fletu
Te miseram totos sollicitare dies (3).

(1) Ex Musei Borbonici marmoribus

(2) Ex Bonada.

(3) Ex Coll. Pisaur. pag. 476.

XV.

O tu, qui multas, hospes, lustraveris Urbes,
Dic, quo vidisti stemmata plura loco (1)?

XVI.

Infelix, annosa, viro, nataeque superstes (2).

XVII.

Nunc Pater, et Mater nato fecere sepulcrum,
Ossaque funestis fluctibus adlucunt.
Sed quoniam multi talem sensere dolorem,
Nec quisquam leti vincere vim potuit;
Desinite extinctum, dulces, me flere, Parentes,
Desinite et fati tristia iura queri (3)

XVIII.

Functus honorato senio, plenusque dierum
Evocor, ad Superos. Pignora, quid gemitis (4)?

(1) Fabrett. pag. 12. num. 93.

(2) Fabrett. pag. 21. num. 89. Ponderosum epigramma quo concinne describitur tristissima matris, uxorisque fortuna viro, nataeque superstitis.

(3) Gruter pag. 1126.

(4) Gruter. pag. 748. num. 8.

XIX.

Servavi thalamum genio, dulcissime Coniux :
 Servandus nunc est pro thalamo tumulus.
Ornasti et Manes lacrimis, miserabilis Uxor :
 Haud optare alias fas erat inferias (1).

(5) Bonada Vol. II. pag. 126. Primi duo versus ad uxorem, postremi ad virum iam vita functum pertinent.

PARNASSVS. LAPIDARIVS

L I B. II. (a).

I.

CN. TARACIVS. CN. F
VI. A. XX. OSSA. EIVS. HIC. SITA SVNT

Eheu, heu! Taracsi, ut acerbo es deditus fato!
Non aevo exsacto vitai, es traditus morti.
Sed cum te decuit florere aetate, iuventa
Interiisti, et liquisti in moeroribus matrem (1).

(a) *Hactenus rerum ipsarum ordinem, ut licuit, secuti sumus. Quae sequuntur, quod nil tale in ipsis commode moliri datur, pro mole magis, quam pro argumentis, varios in libros digesta videlicet.*

(1) *Illustraz. di un antico Vaso di Locri pag. 19. V. CE. nostrumque amantissimi collegae, Equitis Arditii. Plane archaicum epigramma, veterisque simplicitatis instar.*

II.

Ut te , Palladi , raptum flere Camoenae,
 Fleverunt Populi , quos continet Ostia Dia !
IVLIVS. NICEPHORVS. PATER. INFELIX. FECIT

III.

L. ACLIVS. L. F. FONTANVS
 Eripuit nobis undevigesimus annus
 Ingressum iuvenem militiam cupide.
 Parcae falluntur , Fontanum quae rapuerunt ,
 Cum sit perpetua fama futura tui (1).

IV..

Diva , precor , Tellus , alvo complectere sancto
 Ossua , quorum in hoc nomina sunt lapide.
FL. OPHELLIONIS. FL. BEBRYCIS (2).

V.

P. ATINIVS. L. F. FAB
HIC. SITVS. EST

(1) Murator. Vol. II. pag. 773.

(2) Idem pag. 1676. num. 9. *Quorum in.* Dactylus ,
 omissa elisione.

Si lutus , si pulvis tardat te forte , Viator ,
 Arida si vestis nunc tibi iter minuit ;
 Perlege : cum in patria tulerit te dextera fati ,
 Ut requietus queas dicere saepe tuis :
 FINIBVS. ITALIAE. MONVMENTVM. VIDI
 IN. QVO. EST. ATINI. CONDITVM (1).

VI.

L. COMINIO. L. F. L. N. PAL
 FIRMO. PR. Q. AER. ET. ELIAE
 OPPIAE. SEX. C. L. EVNON

Exemplum periit castae , lugete , Puellae.
 Oppia iam non est. Erepta est Oppia Firmo.
 Accipite hanc animam , numeroque augete Sororum ,
 Arria Romano , et tu Graio Laodamia.
 Hunc titulum meritis servat tibi fama superstes (2).

VII.

NINNIA. CREONIS

VIX. AN. III.. M. X. DIES. XXV

Quod decuit natam patri praestare sepulto ,
 Hoc contra Natae praestitit ipse Pater (3).

(1) Ferrett. *Mus. lapid.* Mem. XXXV. *Lutus , et lutum.*

(2) Idem Lib. I. Mem. XXI. *Laodamiam hic intellige
 Protesilai , cui Arria aequiparatur.*

(3) Idem Lib. III. Mem. VII.

VIII.

Hic sum Pesteius, vitae modo fine peracto,
 Conditus, Histriacae nobilis artis honos.
 Ter senos annos Asclepiodorus ad aequam
 Matrem abeo Terram, qua prius ortus eram (1).

IX.

Parva quidem monumenta tibi, pro munere vitae,
 Fecimus, et tumulo teximus ossa levi.
 Sed quoniam tacitis adsunt sua praemia votis,
 Testatur titulus pignus amicitiae.
 Si datur extinctis mentem retinere priorem,
 Respice, Birroni, munus amicitiae (2).

X.

Condita Nebris, habes titulum, quem sola mereris,
 Octavi memoris coniux quae vera fuisti.
 Elysios, precor, ut possis invadere campos,
 Matronamque colas Ditis, placidamque preceris,
 Det sedes ut amica pias, meritosque recessus,
 Ac sinat Umbrarum Deus, ut loca sancta frequenter (3).

(1) Ex eodem. Nota *histriacum* pro *histrionium*.

(2) Ex eodem.

(3) Ex *Coll. Pisaur.* pag. 477.

XI.

MEMMIA. M. L. ANNA

Ac veluti formosa rosa, cum tempore prodit,
Arescit certo tempore deinde suo:

Sic tu caepisti primo formosa, Anna, videri
Tempore, sed subito desinis esse mea.

Hoc Stabilis tuus heu! quo possum, munere parvo
Prosequor, atque opto, sit tibi Terra levis (1).

XII.

QVI. VIX. ANN.

XX XX.

Hic situs ille ego Merulator Publius, ipse
Quod vocitatus eram Baebius cognomine Patris.
Roma mihi patria. Nomen meu' primus in aevom,
Hos versus Fraterque, Soror, tumultoque dicarunt,
Qui pietate sua merito landem posuere.

P. BAEBIVS. P. F. PAL. MYRTILVS
ET POMPONIA. SPICA. VNICO
FRATRI. DIGNISSIMO. ET. PIO
FECERVMT (2).

(1) Ex Bonada. Redundat syllaba ad vers. 3., nisi forte subbandienda syncope ad vocem *formosa*. Hoc nisi placet, aut stare iubeto, ut vides, aut sic refingas:

Coepisti primo sic formosa, Anna, videri.

(2) Ex *Thesaur Muratoriano* pag. 1442. *Baebius* per

XIII.

C. CANINIUS, C. F
ARN. LABEO. PATER

Omnes hei mei sunt. Filius illum manu,
 Ille illam merito misit, et vestem dedit.
 Quoad vixi, vixere omnes una inter meos:
 Eundem mi amorem praestat puerilem senexs.
 Monumentum indicios saxo saeptum, ac marmore
 Circum stipatum moerum multis milibus (1).

synaeresin in duas syllabas contractus, quae sic seiungendae: *Baeb-ius*, i nimirum in consonam transeunte, ut ex *aries* fit *ar-ies*. *Nomen meū* pro *nomen meum*, quod factum archaico more, ut *u* breve constaret, ex quo intelligitur, *um* in fine nominum breve extitisse. Idemque servatum in *em* ad verborum finem, ut *conciliarem opes*, quod legitur in fine pentametri veteris marmoris. *Aevom apxaxos* pro *aevum*, ut *Luciom* pro *Lucium* ad instar tertiae graecorum declinationis. Sensus est, *Baebii* nomen, *versus*, idest sepulcri titulum, et *tumulum* primum dicata a Fratre, et Sorore, qui *merito laudem*, pro *pietate sua*, *posuere*. P. Baebius Myrtilus, Publii Filius, Tribu Palatina, vixit annos XXXX; quod semel innuisse sat est ad tironum in similibus ciendam salivam.

(1) Ex Grutero ad pag. 864. n. 4. *Hei* pro *hi*, *moerum* pro *murum*, et *milibus* pro *millibus*, cum veteribus mos non fuerit, consonam eandem geminare, nisi cum sonus pressior esset, ut grammatici veteres loquuntur. Numerum hunc ad HS refero, quae impensa pro monumenti structura, sane ambitiosa, cujus muri marmore sectili erant stipati. *Indicios* pro *indicio est*. Sensus epigrammatis est, beatum amore suorum

XIV.

AVRELIVS. L. F
HERMIANVS. DE. COLLE. VIMINALI

A parte cippi dextra.

Haec , quae me faato praecessit corpore casto
Coniunx , una meo praedita amans animo ;
Feido feida viro veixsit studio parili , quum
Nulla inavarities cessit ab officio.

A laeva.

AVRELIA. L. L
AVRELIA. L. L. PHILEMATIO

Viva Philematium sum Aurelia nominitata ,
Casta , pudens , volgi nescia , feida viro.
Vir Conlibertus fuit eidem , quo careo eheu !
Ree fuit ee vero plus , superaue Parens.
Septem me naatam annorum gremio ipse recepit :
Triginta annos naata necis potior.
Ille meo officio assiduo florebat ad omnis (1).

.....

diem clausisse extremum Caninium , cuius Filius servum bene merentem manu misit , hoc est , libertate donavit , isteque item ancillae non unam libertatem , sed et *vestem dedit*. De veste manumissis data consule Gruterum ad pag. 871. n. 2.

(1) Ex Grutero pag. 1046. n. 6. Refertissimum τὰς ἀρχαίων γὰρ ἐπιγράμματα , quas adolescentes conferant , licet , cum iis , quae de τῆς Latinae γραμματικῆς fundamentis disputata sunt. Incommodat illud *nulla inavarities cessit ab officio*. Sensus videtur , Aureliam nunquam ab officio ob avaritiam de-

XV.

P. LARTIUS. P. L.

SAVFEIA. A. L.

L. LARTIVS. P. F.

P. LARTIVS. P. F.

P. LARTIA. A. O. L.

NEICIA

THALEA

RVFVS

P. LARCIVS. P. F. BROCCIVS

LARCIA. P. L. HORAEA

Boneis probata, inveisa sum a nulla proba.

Fui parens domineis senibus: huic autem obsequens.

Ita libertate ille me, heic decorat stola

A pupula. Annos veiginti optinui domum

Omnem. Supremus fecit iudicium dies.

Mors animam eripuit, non veitae ornatum apstulit.

L. EPRIVS. CHILO. VIAT. TRIB. PL. PR. AC. TI (1).

fecisse. To *inavarities* fortasse in duo tribuendum, ut sit *in*,
et avarities in gignendi casu, quem suffulcit praepositio, Graeco-
 rum imitatione. *Eidem* pro *idem*, *res*, *ee*, *naata*, pro *re e*, *nata*:
seida pro *fida*. Pro carminis universi sententia haec habet: Aurelius
 Hermianus, Aurelia Philematium; Liberti ambo L. Aurelii,
 Aurelia septennis Hermiano nupsit, qui parentem se magis,
 quam virum, eidem praestitit. Aurelia triginta annos nata
 necis potitur, idest furo concessit.

(1) Apud Gruter. p. 627. n. 9. Eprius Chilo, Viator
 Tribunus Plebis, Larcia dominis senibus parendo, libertatem,

XVI.

Hic sita, quae vixit duo de triginta per annos
 Unanimi Calpurniano sociata marito:
 Nomine Matura, Tudor est mihi nota propago,
 Aufidius genitor, genuit me Plania Mater.
 Quadraginta duos mecum fero flebilis annos
 Rapta meis satis, Superi sic namque ferebant,
 Ima penetrali Lucinae sacra petenti. (1)

XVII.

Detrahe sertā comis, et amorum oblita tuorum
 Tristis, inops, pulla veste, Thalia, veni.
 Non manus Idalia lasciviat improba virga,
 Nec fluat ante tuos lucida palla pedes.

obsequio in Brocchum, adhuc pupula stolam assecuta est, idest matronaliter ei nupsit. Observitent tirones, *invisum* quondam dictum *inveisum*, veramque causam teneant, cur prima producta in praeterito *vidi*: erat quippe *veidi*, ut *viginti*, et *vita* fuere olim *veiginti*, et *veita*.

(1) Gruterus pag. 766. n. 7. Vide ultimam in *triginta*, et *quadraginta* correptam, cuius rei passim obviant exempla in selectis veterum marmorum carminibus, et aibi. Cur ergo tutius producendam praeceperint nonnulli, non video. Non equidem ampliandi sine causa metricae libertatis fines, sed multo minus coercendi, exemplis reclamantibus. Nota diaeresin ad vocem *Calpurniano*, quae sic tribuenda: *Cal purn-iano*.

Iulius haec feci, Mellitus qui vocor, olim
 Cupito Patri, matri et iusta meae.
 Deposui coniugemque meam mihi iuncta Rogatam,
 Ut sit in aeternum condita fama loci.
 Viximus ad ratum; pietatem implevimus ambo;
 Praestitimus sobolem femineam duplicem.
 Vos quoque, qui legitis versus, et facta probatis,
 Discite sic vestros merito sancire parentes.
 Hos ut ego pius excolerem, tituloque relinquam,
 Vivos ego ut facerem, fata dedere mihi.
 Iulius hoc peto nunc a te, Dominator Averni,
 Cum moriar, iaceant ossa quieta mihi (1).

(1) Ex *Museo Veron.* ad pag. 467. Attuli in exemplum
 pristinae amplioris libertatis in carminibus compingendis, quam
 posterior aetas mirum in modum coercuit, et tantum non de-
 levit. Iulio *Melliti*, Patri *Cupiti* cognomen fuit, uxori *Ro-*
gatae. Vide diaeresin ad vocem *iusta*. Sexti namque ver-
 sus sic ineunda ratio: *Matr-et-i-usta meae*: septimi au-
 tem sic: *Deposu-i coiu-gemque-me-am*; eliso nempe *n*,
 correptoque *o* propter *i* insequentem. *Iuncta* pro *iunctam* mo-
 re archaico, ne litera *m* syllabae quantitati praeiudicio es-
 set, ex quo discitur, *am* in fine brevem. Sed pristinae poe-
 ticae libertatis luculentiora adhuc suppetunt exempla.

XVIII.

Hallius Gaius has sedes Hauranus tuetur,
Ex Epicureio gaudivigente choro (1).

XIX.

LESBIAE. OSSA. HIC. SITA. SVNT

Hospes, sta, et lacruma, si quicquam humanitas in te'st,
Ossua dum cernis consita maesta mihi.
Quoius laudati mores, et forma probatast
Anchialo, quem cura anxia debilitat.
Lesbia sum, quae dulceis mores sola reliqui,
Quod vitam vivens parui in officieis.
Sei nomen quaeris, sum Lesbia: si duo amantes,
Anchialus dulcis cum suave homine, Spurio.
Sed quid ego haec cerno? sunt hic ossua in olla
Consita. Vive, hospes, dum licet, atque vale (2).

(1) Apud Fabret. pag. 130. o marmore quodam Neapolit. exscriptum. Caeterum primus versus ita, et quidem rectius, legitur in Museo Iosephi Vallettae:

Alfus has sedes Aulus Soranus tuetur.

Gaudivigente vox compacta uno tu gaudium, et vigeo.
Nulla adhuc eius mentio in Lexicis.

(2) Ex Grutero pag. 799. n. 8. Formula *ossa hic sita sunt* indicium veri sepulcri, quod religiosum, perpetuumque illatione cadaveris fiebat. *Ossua* apparet pro ossa. Ad 8. cum *sv' homi.* E' in *homine* productum ob duplicem consonantiam so-

XX.

Hospes , quod deico , paullum est. Asta , ac pellige.
 Heic est sepulcrum hau pulcrum pulcrae feminae.
 Nomen Parentes nominarunt Claudiam.
 Suom mareitum corde dilexit sovo :
 Gnatos duos creavit : horum alterum
 In terra liaquit , aliū sub terra locat.
 Sermone lepido , tum autem incessu commodo :
 Domum servavit , lanam fecit. Dixi. Abei (1).

XXI.

EVCHARIS. LICINIAE. L
 DOCTA. ERODITA. OMNES. ARTES. VIRGO.
 VIXIT. ANN. XXIII.

Heus , oculo errante quei aspicias leti domus ,
 Morare gressum , et titulum nostrum perlege ,
 Amor parentis quem dedit natae suae ,
 Ubei se reliquiae conlocarent corporis.
 Heic , viridis aetas cum floreret artibus ,
 Crescente et aevo gloriam conscenderet ,

quentem , quod Graecis familiare. *Olla* , et *cinerarium* , in quibus ossa , vel cineres condebantur , unde *Oltarium* , ollarum locus.

(1) Ex Grutero pag. 761. n. 9. Quidam resingunt *hau* in *heu*. Melius *haud* , quo mirifice ex oppositis nitet sententia *sepulcri haud pulcri feminae pulcrae*.

Properavit hora tristis, fatalis mea,
 Et denegavit ultra vitae spiritum.
 Docta, erodita, paene musarum manu,
 Quae modo nobilium ludos decoravi choro,
 Et graeca in scaena prima populo apparui.
 En hoc in tumulo cinerem nostri corporis.
 Infistae Parcae deposierunt. Carmina,
 Studium, Patronae cura, amor, laudes, decus
 Silent ambusto corpore, et leto tacent.
 Reliqui fletum nata genitori meo,
 Et antecessi genita post leti diem.
 Bis hic septeni mecum natales dies
 Tenebris tenentur Ditis, aeterna Domu.
 Rogo, ut descendens terram mihi dicas levem (1).

XXII.

Hoc iacet in tumulo segura Glyconis honesto.
 Dulcis nomine erat, anima quoque dulcior ipsa,
 Quae nunquam tetricos egit sibi lucis honores,

(1) Gruterus pag. 655. n. 1. Senarii saporis exquisitissimi, nihil iis concedentes, quos proxime retulimus. *Infistae* pro *infestae*, ut *Camina* pro *Camoena*. Ad versum eundem *carmine* in *carmina* recudimus, quo haec in caeterorum agmen suapte sponte transeant, quibus Eucharis annos quatuordecim nata vale dicit. *Discendens* pro *discedens*, ni quadratario dica impingenda, docet, a *dis*, et *scando* verbum istud fluere.

Set magi lascivos; suabis, Bacchoque madere,
 Simplicitate sequi cantus, mollesque choreas.
 Lusibus ipsa suis generabat saepe et amores,
 Dulce sibi, natisque suis, quos pube reliquit,
 Castorea fratres sub imagine quos generavit.
 Digna quidem frui perpetua de luce benigna.

Set celerat, quo nos fata benigna vocant.

P. MATTIVS. CHARITON. CONIVGL. B. M. F(1)

XXIII.

D. M.

Immatura quies quos abstulit, hic siti sunt tres:

Mater cum parvis pignoribus geminis.

Pollia Saturnina Parens triginta per annos

Vixit, et enituit docta sonare mele:

Octo puer Titius, proles cito rapta parenti;

Et fratri tenero Karior una Soror.

Aelia Saturnina obiit uno insuper anno,

Nec saltus vitam protulit, aut choreae (2).

(1) Gruterus pag. 654. n. 6. Glyconis, quoad vixit, genio indulsit. Puberes filios reliquit formae praestantia Castorem referentes. *Suabis* pro *suaviis*, *αρχαίως* *b* pro *v*, ut *Bibus* pro *vivus*; itemque *set* pro *sed*, ut veteres dicere amabant. Notetur et syncope *u* ad vocem *frui*.

(2) Gruterus ad pag. 654. n. 5. *Siti*, olim *sitēi*, ultima correpta eadem de causa, qua et in *sibi* a *sibei*. *Sed*

XXIV.

C. PVBLICI. C. F. AMPLIATI. QVI. VIX. AN.
VI. D. XXVII.

G. PUBLICIUS. PROCVLEIANVS. ALVMNO. SVO.
POSVIT.

CVRANTIB. PVBLICIO. DIONYSIO. ET. AVRELIA.
TYCHE. PARENTIBVS.

Tenipera iam, Genitor, lacrymis, tuque, o optima
Mater,

Desine iam flere: poenam non sentio mortis.

Poena fuit vita: requies mihi morte parata est (1).

XXV.

VIBIA. PHRYNE. VIXIT. TER. SENOS. ANNOS

Cara meis vixi: subita, fatale rapina

Florentem vita sustulit atra dies.

Hoc tumulo nunc sum: cineres simul namque sacрати

Per matrem caram sunt positique mei.

Quos pius saepe colit fraterque, coïuxque, puellae,

Atque obitum nostrum fletibus usque fluunt.

procedente tempore, libertas haec paullatim intra paucas vo-
ces coercita.

(1) Gruterus pag. 1036. n. 6. Ultima in *tempera* cor-
repta, quo iure et in *puta*, nisi forte arrideat magis *diaere-*
sis ad *vocem iam* proximè sequentem, ut legere sit: *tempor*
iam. Primum tamen tutius arbitror.

Di manes, me unam retinete, ut vivere possint,
 Quos semper colui viva libente animo.
 Ut sint, qui cineres nostros bene floribu' sertis
 Saepe ornent. Dicat: sit mihi terra levis (1).

XXVI.

Caius Rutilius Rufinus nominor ille,
 Annos qui vitae linquo novem, atque decem.
 Heu scelus, heu crudele nefas, facinusque tremendum,
 Dum cum Fratre vides quam miser est Genitor!
 Qui me conspexit moribundum, qui mea clausit
 Lumina diversis aetatis vicibus.
 Quos non ille prius, qua non ego voce rogavi
 Infelix Superos, nec valere preces!
 Sed vis maior agit mortis: iam iamque, Parens, aut
 Mecum semper eris, aut dolor una obiet.
 HOC. SEPVLCHRVM. T. FL. EVTYCHIANVS
 M. C. RVFINI. ALVMNI. SVI. F. L (2).

(1) Ex *Mus. Veron.* p. 269. *L*, *u*, *s* detricta subaudi ad voces *simul*, et *pius*, quod factum vides ad vocem *floribu*. Atque pro *adque*, *d* in *t* immutato, et sensus est: pro Vibiae obitu fratrem, et coniugem lacrimas indesinenter fundere.

(2) Gruterus ad pag. 1119. n. 4. Ad vers. 8. ubi legitur: *diversis aetatis vicibus*, facile quis spondaeum pro dactylo irrepsisse, putarit. Mihi probabilius fit, *aetatis* stare, et pronuntiari consuevisse *aetantis*. Quod si collineet, iam

D. M

XANTIPPES. SIVE. IAIÆ
C. CASSIVS. LVCILIANVS
ALVMNAE. DVLCISSIMAE

Seu mortis miseret, seu te vitae, perlige:
Nomen Xantippe: Iaia eadem, ludicro
Quod exprimens dolore, fugit anima corpore;
Hic conquiescit cunis terrae mollibus:
Quam trino annorum filo proterentia
Novem post mensium fata conficiunt mala.
Lues ignita torret noctes, et dies.
Venusta, amoena, ineptiens, et garrula:
Quam, siqua pietas insitast caelestibus,
Viventi ingenio Soli, et luci reddite
Altoris memorem, quem Parentes dixerant,
Cum primum natat, Lucilianum Cassium (1).

spondaicorum, quos aiunt, numerus longe minor, quam quod creditum hactenus est. Additae inscriptionis verba turbant omnia, ni ita disponas: *hoc sepulcrum T. Flavius Eutychianus, memoriae C. Rufini alumni sui fecit lacrumans.* Idcirco pro eo, quod apud Gruterum est M. M. emendavimus: M. C.

(1) Gruterus pag. 660. n. 1. Xantippen, quae per ludum et Iaia, Parentes alumnam addixere Cassio Luciliano. Xantippe itaque, cum vix nonum exegisset mensem ultra ter-

XXVIII.

DIS.

MAN

POPILIA. FELICVLA
 PIA. SANCTA. CARA. SVIS
 ET. MENOPHILO. CONIVGI
 COLLIB. SVO. V. A. XIX.

Hunc tibi nunc titulum statuo , carissima coniux ,
 Luctuosumque mihi , qui scio , quid fueris.
 Extremum officium quoniam tibi reddere cogor ,
 Et merito hoc fieri , testis et ipse loquor.
 Nunc vos contestor , Manes , quibus ossa relinquo :
 Tellus , huic tumulo ne gravis esse velis (1)

tium annū , lue ignita , *iaia* pueriliter balbutiens , confecta est. Xantippe *Iaiæ* cognomen adhaesit ex eo , quod illud saepiuscule infantili simplicitate a pupula repetitum , adblandientium consensu , plausuque fuerit eidem confirmatum. Id ipsum de vocibus *Issulae* , et *Issuli* dicito , de quibus frustra anxium se praebet Fabrettus : sunt etenim ipsissima *ipsulus* , et *ipsula* , quibus efferendis cum frustra laborarent pupi , pupulaeque , *issum* , et *issam* referebant , ex quibus per molliculam deminutionem profecta *Issulus* , et *Issula*.

(1) Gruterus ad pag. 990. n. 10. Menophilus Popiliae , ut evidens est , titulum statuit , eaque de re τῇ *carissime* 2. vers. quod est in Grutero , *carissima* reddidimus. Observent tirones synaeresin in *uo* ad vocem *luctuosumque* , vel *sinco-*
pen potius ad vocalem *u* , quae truncatur , nisi forte placeat

XXIX.

T. STATILIO. VOL. APRO. MENSORI
 AEDIFICIOR. VIXIT. ANN. XXX. M. VIII. D. XV
 T. STATILIUS. VOL. PROCVLVS
 ACCENSVS. VELATVS. ET. ARGENTARIA
 EVTYCHIA. PARENTES. FILIO. OPTVMO. ET
 ORCIVAE. ANTHIDI. VXORI. EIVS. SIBIQUE. ET. SVIS
 LIBERTIS. LIBERTABVS. POSTERISQ. EORUM.
 Innocuus, Aper, ecce iaces. Non Virginis ira,
 Nec Meleager atrox perfodit viscera ferro.
 Mors tacita obrepsit subito, fecitque ruinam,
 Quae tibi crescenti rapuit iuvenile' figuram (1).

XXX.

Hic Aquilae cineres miserabilis urna sepultos
 Contegit, et fatis exproperata nimis.
 Occidit infelix, coepto modo flore iuventae,
 Quam finiit annus septimus, et decimus.
 Formonsus, frugi, doctus, pius a Patre moesto
 Accepit tumulos, quos dare debuerat (2)

magis diphthongus in *uo*, de quo apud Grammaticos nec vestigium, nec vola.

(1) Ex Bonada Vol. II. pag. 121. *Virginis*, intellige *Dianae*. *Iuvenile* pro *iuvenilem*, unde liquet *em* in fine corripendam. VOL. intellige *Volinia Tribu*.

(2) Ex Grutero ad pag. 669. n. 10. *Formonsus*. Ni hu-

Simulacrum Palladis.

Pallas ego, ex auri fulvo conflata metallo,
 Quod sacri Musis contulerunt Iuvenes.
 Dimidium posuit Cephisius. Addidit illi
 Octavam Thespis. Deinde Solon decimam.
 Vicenam Themison partem. Novem at ipsa talenta,
 Quae deerant, atque ars, munus Aristodici est (1).

manitus aliquid quadratario exciderit, vide veram causam secundi o producti in voce *formosus*.

(1) Fractiones ad unitatem totius expensae refer, et aequatio erit huiusmodi:

$$\frac{1}{2} + \frac{1}{16} + \frac{1}{32} + 9 = \frac{1}{2}.$$

Emergit inde numerus 40, cuius dimidium 20, eaque Cephisii pars. Deinde 5, nempe pars octava 40, quam contulit Thespis. Tertio loco 4, pars decima 40, quam Solon impendit. Quarto loco 4, pars nempe vicesima 40, quae Themisoni tribuitur. Iam $5 + 4 + 2 = 11$: quibus adde 9 talenta Aristodici, exurget impensae totius dimidium alterum 20. Tota igitur impensa = talentis 40. Aristodicus igitur munificentia praestat caeteris, uno excepto Cephalio, qui talenta viginti contulit: nisi velis, impensum pro sola arte ab Aristodico excessisse talenta 11, quod incredibile. Hanc inscriptionem cum iis, quae sequuntur ad num. usque XXXIV. in Sacrarum censum refer.

XXXII.

Promachus Apollini.

Hunc arcum , et Pharetram victor suspendit inanem ,
 Phoebe Pater , Promachus , munera grata tibi.
 At medias inter volitantia tela Phalanges
 Hostes in medio pectore fixa gerunt (1).

XXXIII.

Eidem.

Furcillasque , pedumque Tibi , viscoque madentes
 Hosce auceps Medon , Phoebe , dedit calamos ;
 Parvi operis munus parvum , maiora daturus ,
 Abs te , Phoebe , aliquid maius ubi accipiet (2).

XXXIV.

Pyrrihus Iovi.

Ditem Asiae Terram quae vastavere ; tulerunt
 Quae tibi triste olim , Graecia , servitium ;
 Nunc Iovis in Templo pendent erepta superbae
 Aeacida a Pyrrho sorta Macedoniae (3).

(1) Mnesarchi. *Anth.* L. 6. c. 25. n. 2.(2) Aegidis. *Anth.* L. 6. c. 15. n. 27.(3) Ex Pausania in *Attic.*

XXXV.

Orphei tumulus.

Orphea , Threicii nemoroso in vertice Olympi
 Prolem Calliopes , contegit hic tumulus.
 Orphea , qui thyasos invenit primus Iacco
 Ducere , et heroo nectere verba pede :
 Orphea , cui durae quercus , cui saxa , ferarum
 Cui brutum toties paruit omne genus :
 Orphea , Plutonis mentem , atque immania solus
 Qui potuit dulci flectere corda lyra (1).

XXXVI.

Tumulus Hesiodi.

Locridos in nemora Hesiodi frigentia leto
 Membra suis Nymphae fontibus abluerunt ;
 Ac tumulum struxere viro , cui rustica pubes
 Lac niveum , inferias , flavaque mella dedit.
 Et merito tam dulce melos de gutture fudit
 Pieridum puro potus ab amne Senex (2).

(1) Incerti. *Anth.* L. 3. c. 25. n. 9. Hoc cum sequenti
 bus usque ad n. XLII. refer ad monumenta virorum insignium.

(2) Alcaei. *Anth.* L. 3. c. 25. n. 17.

XXXVII.

Tumulus Homeri.

Pieridum sacer Interpres, divinus Homerus
 Heic situs aequoreo conditur in scopulo.
 Tantum parva virum tegit Insula. Parce sed, hospes,
 Mirari, vatis parce dolere vicem.
 Errabunda mari sic Delos Matris ab alvo
 Egressum excepit parvula Latoidem (1).

XXXVIII.

Quantus Alexander Lysippi spirat in aere !
 Quae Ducis e vultu vis micat, eque oculis !
 Ora etenim ad Caelum tollens, o Iuppiter, inquit :
 Laetus habe Caelum, tu tibi : Terra mea est (2).

XXXIX.

Sic clypeum Ambraciae opposuit pro moenibus audax,
 Praeque fuga, mortem cepit Aristagoras,
 Theupompi soboles ! Nec mirum. Doricus hoc vir
 Ingenio est : vitae non timet, at patriae (3).

(1) Paulli Silentarii. *Anth.* L. 3. c. 25. n. 4.

(2) Asclepiadae. *Anth.* L. 4. c. 8. n. 37.

(3) Damageti. *Anth.* L. 3. c. 5. n. 12.

XL.

Tumulus Agathonis.

Abdera impositum flammis Agathona supremis
 Omnis ad extractos luxit amica regos.
 Cui similem haud umquam iuvenem virtute cruentus
 Armorum saevo in turbine Mars rapuit (1).

XLI.

Occisorum ad Thermopylas.

Hos patriae decus aeternum virtute ferentes
 Involvit nigra pallida mors nebula.
 Nec rapti periere tamen, quos fama superstes
 Sedibus ereptos vindicat e Stygiis (2).

XLII.

Liberatorum Patriae.

Hos, patriae qui colla iugo solvere, iacentes
 Nigra sub obscuro pulvere terra tegit.
 Facta virum sed clara vigent, civesque sepulcrum,
 Pro patria ut cupiant fata subire, monet (3).

(1) Anacreontis. *Anth.* L. 3. c. 5. n. 3.

(2) Alcaeï *Anth.* L. 3. c. 5. n. 22.

(3) Mnesalci. *Anth.* L. 3. c. 5. n. 15.

XLIII.

Ladas Cursor.

Qualis eras, Lada, fugiens pernicios Euro,
 Vixque imo tangens flammeus ungue solum:
 Aere Myro talem fecit, studiumque coronae,
 Et primae toto e corpore laudis honor.
 Laetaque se prodit fiducia pectore: ab alto
 Ductam animam summis cernimus in labiis.
 Iam fugiet: palmae adsiliet: iam iamque volucre
 Aes, ipso levior quod ciet ars, animo (1).

XLIV.

Athleta Spartanus.

Non ego Messena venio, non missus ab Argis.
 Luctator Sparta: Sparta mihi patria est.
 Illi arte, atque dolis vincunt: ego, vincere par est
 Ut Lacedaemonium, viribus indomitis (2).

(1) Incerti. *Anth.* L. 4. c. 2. n. 4. Sensus versuum postremorum est: *aes, quod ciet ars levior ipso animo, iam iam volucre esse, idest volitare, si oculis credas.*

(2) Damageti. *Anth.* L. 1. c. 1. n. 2. *ἄνθρωπος ἰσχυρὸς*

XLV.

Horti prope mare.

Quarum sit locus hic, magno certamine certant
 Nymphae, Naiades, Nereides, Dryades.
 Lecta Charis iudex, haeret suspensa, quod aequè
 Heic maria, heic fontes, heic memora esse videt (1).

XLVI.

Terra, sinu Eucratidan mollis, precor, excipe amico,
 Haud oblita, senex quae tibi contulerit.
 Multa labos ut te felicitis termite olivae,
 Ut stirpe ornarit laetifica Bromii.
 Frugibus ut densis hortum, et pomaria ducta
 Ut tibi per sulcos saepe rigarit aqua.
 Pro quibus incano capiti levis esse memento,
 Et florum e viridi germina funde solo (2)

XLVII.

Eugeniae tumulus.

Florentem roseisque genis, et carminis arte,
 Doctrina Sancti iuris et omnigena

(1) Paulli Silentiarum. *Anth.* L. 4. c. 15. n. 2.

(2) Incerti. *Anth.* L. 3. c. 6. n. 32.

Eugeniam heic tellus cohibet , cui vertice funus
Duxerunt raso , Musa , Themis , Paphie (1).

XLVIII.

Archedices tumulus.

Hic iacet Archedice , quae Regum Filia , Mater ,
Nupta , Soror , fastu non tamen intumuit (2).

XLIX.

Philaenii puellae tumulus.

Heu miseranda iaces , Philaenion optima ! nec te
Mater in ornatos duxit ovans thalamos.
Sed tria nondum etiam complementem lustra cruentas
Ungue genas lanians condidit hoc tumulo (3).

L.

Callimachi pueri funus.

Quinquennis puer , et curarum nescius Orco
Raptus ab immiti Callimachus perii.

(1) Agathiae. *Anth.* L. 3. c. 12. n. 31.

(2) Paulli Silentarii post *Idyll.* Theocr.

(3) Persae. *Anth.* L. 3. c. 32. n. 13.

Ne me flete tamen : cui vitae tempora parva ,
Huic etiam vitae pauca fuere mala (1)

LI.

Timadis puellae.

Timadis hic cinis est : innuptam in flore iuventae ,
Quam nigro excepit Persephone thalamo.
Cuius busta super flavo de vertice tonsam
Aequales cunctae deposuere comam (2).

LII.

Sabini tumulus.

Sit lapis hic nostrae, caput o mihi dulce , Sabine ,
Exiguus magnae testis amicitiae.
Te mihi nulla dies , tibi me nec frigida Lethe ,
Spero equidem , immemori diluet ex animo (3).

(1) Lucian. *Anthol.* L. 3. c. 9. n. 2.

(2) Sapphus *Anth.* L. 3. c. 32. n. 13.

(3) Incerti. *Anth.* L. 3. c. 1. n. 19.

LIII.

Nicodici tumulus.

Quem sua extinctum luget domus obruta fletu ,
Tota bonum luget Patria Nicodicum (1).

LIV.

Suburbanum nomine Amor.

Huc ades , huic languens horto succede , Viator ,
Et fessum in viridi gramine pone latus.
Heic ubi sponte sua , platanis cingentibus , alte
Prosilit , et dulci murmure lympa sonat.
Verna ubi odoratos miscent se germina florum
Per sulcos , violae , purpureaeque rosae.
Cerue , solo serpens ut prata madentia rore
Passim hedera effusis implicat uda comis.
Cerue hunc , qui viridem vitreus ripam secat amnis ,
Nativi et nemoris mordet utrinque latus.
Et merito sum dictus *Amor* : nam nulla venustas ,
Nullus non Charitum me lepor exhilarat (2)

(1) Simonidis. *Anth.* L. 3. c. 1. n. 18.

(2) Mariani. *Anth.* L. 4. c. 30. n. 4.

T. ARRIO. T. F. ETRO. TERTIO

ANN. XXI

MVCIA. T. F. MODESTA

M. V. F

SIBI. ET. T. ARRIO. M. F. VIRO

Invida florentem rapuerunt fata iuventam ,

Nec liquid misero me superesse meis.

Flevit praesentem Mater , flevere Sodales ,

Et Mater tepido condedit ossa rogo ,

Quae prius hoc titulo debuit ipsa legi.

IN. AGRO. P. XX. IN. FRONTE. P. XX (1)

LVI.

M. ANNAEVS. M. F. ESQ

LONGINVS. MACCVS. VIXIT

DVLCISSIME. CVM. SVIS. AD. SVPREMVM. DIEM

G. GAVIVS. PRIMIGENIVS. VIX. ANN. VII

(1) Gruterus ad pag. 670. n. 7. *Liquid* pro *licuit*. Literae *q* sonum a *c* vix olim distinctum, probat ille Tullii iocus in coquum quempiam, cui ultra culinae fines ambienti sic ille: *Et ego te, quoque, iure meo iuvabo*; ubi *ius* culinam sapit, et *quoque* est pro *coque*. In *Agro* longitudinem, latitudinem in *Fronte* intelligant adolescentes. Locus igitur sepulcri huius quadratus. M. V. F — *Mater vivens fecit*.

Desine iam , Mater , lacrimis renovare querellas ,
 Namque dolor talis nunc non tibi contigit uni (1).

LVII.

... OROO. MEMORIAE. ATILIAE. L. F.
 POMPTILLAE. BENEDICTAE, M. S. P.

D. M

ATILIAE. L. F. POMPTILLAE.. MA.. M.. IMRIE
 ASSIOTILLA... TAA... PTINTIIS... SANCTIS
 L. ATILIVS. FELIX.... ET.... IEV
 IVSTILVS... III. IPSO.....

Urbis alumna graves casus huc usque secuta
 Coniugis infelix Atilia, cura Philippi ,
 Hic sita sum , manibus gratis sacrata mariti ,
 Pro cuius vita vitam pensare precanti
 Indulsere Dii. Ne cesset fama , meremur.

Ad dexterum latus.

Quod credis Templum, quod forte, Viator, adoras,
 Pompillae cineres, ossaque parva tegit.
 Sardoia tellure premor comitata maritum ,
 Proque viro fama est, me voluisse mori.

(1) Murator. Vol. III. p. 739. n. 10.

Ad sinistram.

Hic Pomptilla iacet cineri coniuncta Philippi.
Iunonis sedes infernae cernite, cuncti.
Numine mutato, fulget Pomptilla per aevum.
 Unum, et viginti bis iuncti viximus annos,
 Una fides nobis gaudia multa dedit.
 Et prior ad lectum cum sim Pomptilla recepta,
 Tempore tu, dixi, vive, Philippe, meo.
 Nunc aeterna quies, Ditisque silentia maesta
 Hanc statuere mihi pro pietate domum.
 Languentem tristis dum flet Pomptilla maritum,
 Pro vita voluit coniugis ipsa mori.
 Protinus in placidam delabi visa quietem
 Occidit. O celeres in mala vota Dei!
 Has audire preces, vitam servare marito,
 Ut pereat vita dulcior illa mihi. (1)

(1) Muratorius ad pag. 1538. n. 4. In penult. versu habet ille: *Has audite*. Corrige: *has audire*. M. S. P. *Monument. sua pecunia*. A Burmanno mutuati sumus, quae literis currentibus signata.

LVII.

D. M. V. F
 Q. VIBIVS. L. F. SCA
 MAXIMVS. SMINTIVS
 AERARIVS. SEX. VIR
 SIBI. ET. MEMINIAE. Q. F
 MAXIMAE. VXORI. DVLCISSIM
 ET. Q. VIBIO. Q. F. VERO. F. ET. L. FRATR. SVO
 Hic lapis , et tutamen erit post morte sepulcro ,
 Et dabit indicium , obitos hic esse sepultos ,
 Si tamen ad Manes credimus esse aliquid ,
 Vivere quid prodest , nisi si post morte caremus ?
 Nomen , fama volat : tantum corpusque crematur ,
 Aeternamque Domum petimus , et fine laborum.
 Dum legis hoc , disce ponere et ipse tibi. (1)

(1). Ex Bonada Vol. II. pag. 130. *Fine pro finem* , et
morte pro mortem bis positum. D. M. V. F — Dis. manibus.
 viv. fecit.

LVIII.

..... MENS. IIII

.. MANES. SI. SAPERENT. MISERAM. ME
 ADDVCERENT. CONIVGEM
 VIVERE. TE. IAM. QVO. ME
 LVCEM. IAM. NOLO. VIDERE
 DVLCEM. CARVI. LVCEM. CVM. TE
 AMISI. AEGO. CONIVNX

Has tibi fundo dolens lacrimas , dulcissime coniux ;
 Lacrime si prosint , visis te ostende videri.

HAEC. TIBI. SOLA. DOMVS. SEMPER
 IN. PERPETVO. VALE. MI. CARISSIME
 CONIVX

LIX.

Si quis forte velit tumuli cognoscere fatum ,
 Et quorum maestus contegat ossa lapis ;
 Accipiat paucis , ne sit mora longior aequo ,
 Si tumulus teneat , quem vocat ipsa via.

(1) Ex Murator. ad pag. 1428. n. 3. Ex quo naufragio est , quod colligas opportune. *Lacrime si prosunt* ; *lacrime* videlicet pro *lacrimae* , neque aliter constare poterat ultimae syllabae correptio , nisi dempto *a* , quo facto , reliqua *e* brevis evasit.

Hic situs est annis plenus , vitaeque beatus ,
 Et laetus omni more Rhodanthirion.
 Nec tibi sit mirum , quod comis , dulcis ; amoenus ,
 In vita fuerit : nomine floris erat.
 Hanc Coniux talem nimio dilexit amore ,
 Inque diem vitae una fide coluit.
 Et postquam fati morientia lumina solvit ,
 Supremumque suis reddidit obsequium.
 Invita hoc munus Coniux Victoria fecit ,
 Quodque virum vicit , aegra dolore fuit.
 Sed quoniam fati nulli est obstare potestas ,
 Quin teneant cursum , quem statuere semel ;
 Quod solum licuit , coniux fidissima fecit :
 Post illum , nulli fas violare toros.
 Servatamque diu vitam , habitamque pudice
 Post mortis casum pertulit ad tumulum.
 Namque simul posita est , fatoque tenetur eodem ,
 Quoque modo potuit , morte secuta virum.
 Haec est sancta fides , haec sunt felicia vota :
 Amplexus vitae i reddere post obitum.
 Fortunati ambo , si qua est ea gloria mortis ,
 Quos iungit tumulus , iunxerat ut thalamus (1).

(1) Ex Bonada Vol. II. pag. 121. Pro *Rhodanthio* recu-
 culimus *Rhodanthidion*, Mazochium secuti. I pro ei, quemad-
 modum im pro eum apud Plautum.

LX.

SECVRITATI. SACR
VALERIVS. IVLIANVS. ITALICO. FILIO.
INFELICISSIMO. ET *

HONORATAE. MAMMVLAE. HVIVS. FECIT.

Dispar, damna lege Parkarum, et carmina dispar:

Haec ridenda mihi est, hic lacrimandus erit.

Haec namque emeritos bis quadraginta per annos

Vixit; ad hic tertio Consule natus erat.

Cur modo tam praeceps, iterum tam sera fuisti,

Funeris amborum, dic, rea Persephone?

Vix lucem vidisse, satis, qui vivere posset:

Vivere quae nolle, vix potuisse mori (1)!

(1) Ex Marmor. Mus. Borbonici, quem refert Gruter. pag. 663. n.2. sed male ad v.5. pro *iterum* legitur *puerum*, et *tulisti* pro *fuisti*, et *terno* pro *tertio*, et *saeva* pro *sera*. *Ad* pro *at*, et *io* ad voc. *tertio* in unam syllabam syncope, vel synaeresi contractum. Disparitas, quae in fatis est pueruli vix trimuli, et mammulae octogenariae, lectori κατ' ὀψιφραστον tribuitur.

LXI.

D.

M.

FILIVS. HIC. SITVS. EST
IVLI. BASSI. BASSIANVS
ANNOS. QVI. VIX.X.
ET. XIII. SOLES

Quem quoniam Manes , ut alumnum , Di rapuerunt,
Ne calcare velis , nec grabis esse loco (1).

LXII.

Attulit hoc virtus tibi Nosto morte peremptae,
Ut praeter tumulum , Vir daret et lacrimas (2)

LXIII.

NOME. VIXIT. ANNO. ET. MENSIBVS. VIII. DIEBVS. XII
H. S. E. S. T. T. L

Nome fuit : nomen haesit nascenti Cusuccia :

Utraque hoc titulo nomina significo.

Vixi parom , dulcisque fui , dum vixi , parenti.

Hoc titulo tegeor : debita persolui.

(1) *Ex Mus. Veron.* pag. 295. *Grabis loco gravis. Soles pro diebus* , rarum , sed non inusitatum tamen.

(2) *Incerti. Anth. L. 3. c. 10. n. 27. Nostus* , mulieris nomen.

Quique legis titulum , sentis quam vixerim parvom.

Hoc peto nunc dicas : sit tibi terra levis (1).

(1) Fabret. pag. 146. n. 174. in quam sic Bonada : *in vocibus* nomen , nascenti , utraque , vixi , parom , et vixerim vides , quam *incerta apud veteres prosodia*. Atqui per me nil certius , exemploque sit ipsa , quae in contrariam sententiam , exempla affert Bonada. 1. de prima *tu nomen* , quam correptam putat , nullum negotium est ; longa etenim constat , ita hexametri illius initis rationibus : *Nome fu it no ; en* in fine producta , ob caesuram incidentem. Ad vocem *nascenti* non una responsio. Primum sic versus suis constare pedibus queat :

Nome fu-it no-men hae-sit na-scenti cu-succia ,
a mimimum in fine vel per synaeresin confusa cum *i* , vel per diaeresin elidenda ab *u* initiali sequentis pentametri. *I* in fine vocis *nascenti* corripitur multatione vocalis *e* , quae subauditur in ea voce , quam alias *nascentei* esse oportebat. Deinde si haec minime arrideant , facta diaeresi vocis *nascentei* , res omnis salva erit. Simili modo patet responsio pro ultima correpta ad voces *vixi* , et *vixerim*. Sed ad *to vixi* quod attinet , recursus habendus ad multationem *e* praecedentis ; *vixi* namque erat *vixei*. Sed ad *to vixerim* ultimum *i* natura breve , ut in *vixeris* , et *vixerit*. Ad vocem *utraque* , quid sibi velit vir eruditus , me ignorare profiteor. Sed bene habet : nam *a* in *utraque* productam arbitratur , cum interim auferendi casus non sit , in quo ille oppido fallitur ; nam brevis adhibetur in epigrammate , neque vero ultima *e* eliditur ab insequente *hoc* , quod nemini novum continget.

D. M

C. DOMITI. PRIMI

Hic ego su in tumulto Primus notissimus ille.

Vixi. Lucrinis potabi saepe Falernum.

Balnia, Vina, Venus mecum senuere per annos.

Hec ego si potui, sit mihi Terra lebis.

Et tamen ad Manes Foenix me serbat in ara,

Qui mecum properat, se reparare sibi.

L. D. FVNERI. DOMITI. PRIMI. A. TRIBVS.

MESSIS. HERMEROTE. PIO. ET. PIA* (1)

(1) Ex Marmoribus Musei Borbonici. *Su* pro sum in 1. v. Verte *b* in *u* ad voces *potabi*, *Lebis*, *serbat*. Monumentum viro Epicureo dignissimum, qui cum Balneis, vino, et Venere consenuit. *Hec* pro *haec*. Versuum 5. et 6. hic videtur sensus esse. Ridet Domitius Foenicis curam, qui Aram *servat*, idest dedicat, ipsi Domitio ad Manes, idest Diis Manibus, quos nullos agnoscebat, cum interim Foenix, Domitii imitatione, properaret *reparare se sibi*, quo genio videlicet indulgeret.

Locus sepulturae datus ab Hermerote, Pio, et Pio e Gente Messia.

Lucrinis. Ni quid aptius suppetat, intelligorem de *amphoris*, quae apud Lucrinum lacum fingeantur ad usum vini potandi.

LXV.

HAVE. SEPTIMA. SIT. TIBI
TERRA. LEVIS

Quisquis huic tumulto posuit ardente lucernam,
Illius cineres aurea terra tegat (1).

LXVI.

DIS. MANIBVS
VLIAE. HELPIDIS

Ossa pia, cineresque sacri hic ecce quiescunt (2).

LXVII.

Sic tibi contingat feliciter ire, Viator!
Immatura meo perlege fata loco.
Zelotos iaceo: vixi, dum fata sinebant,
Si tamen haec vita est, tam cito posse mori.
Bis mihi septenis finis datur ultimus annis.
Nomini me rapuit mors inimica meo (3).

(1) Gruter. pag. 1148. n. 17. *Ardente pro ardentem*, unde *em* in fine vocum breve.

(2) Gruter. pag. 909. n. 14.

(3) Fabret. pag. 88. n. 164. Male Muratorius pro *nomini* legit *nomine*. Cur *i* in fine vocis huius olim correpta, dictum alibi, et saepe.

LXVIII.

Sextus Pompeius, idem cognomine Pandus,
 Quoius et hoc ab avis contigit esse solum;
 Aediculam hanc Nymphis posuit, quia saepius usus
 Hoc sum fonte Senex tam bene, quam luvenis (1).

LXIX.

. . TI ANTONIO RVFINO. QVI VIXIT. ANN. XII
 M. . . ANTONIAE. RVFINILLAE. QVAE
 VIX. AN. . . M. II. D. XIII. H. VI. FILIIS. DVLCISSIMIS
 TI. ANTONIVS. VICTOR. PATER. ET. ANTONIA
 RVFINA. MATER. FECERVNT. ET. SIBI. SVIS. LIB. LIBER.
 TABVSQVE. POSTERISQVE. EORVM

Quisquis es, huc oculos paullum converte, Viator,
 Et lege, quod nomen hic titulus teneat.
 Antoni fratres, vivorum plaga parentum,
 Perfuncti fato hic tenuere locum.
 Ambo per invidiam crudeli funere rapti,
 Rufinus prior, et Rufinilla dehinc (2).

(1) Ibid. n. 9. *Quoius* quasi *cuoius*, ex quo indicium quoque sumitur diphthongi *uo*.

(2) Fabret. pag. 188. n. 432. *Rufinilla* in *Rufinilla*, ut ego arbitror, resolvenda per *diaeresin*, ut *seu* in duas syllabas tributam videre est eodem iure in seq. inscriptione, sane elegantissima.

LXX.

Iulia, quae longa fueras dignissima vita,
 Occidis e nostra rapta puella sinu.
 Sed comes ardentis nunc degis iuncta Coronae,
 Nunc Helicen propius cernis, et Andromedam.
 Me cruciat, Coniux, miserumque absumit amantem,
 Saevus Amor, nullis ignibus inferior.
 Namque seu rebus fuerim districtus agendis,
 Seu dederim vacuo languida membra thoro;
 Tu mihi semper ades, tua praesens semper imago,
 Quae misero moveat flebile cordolium!
 Impia, cur miseros, o mors, disiungis amantes,
 Quos bene conveniens conciliarat amor (1)?

LXXI.

HERENNIA. NICE

V. A. III. M. VIII. D. XVI.

ANICETVS. PATER. FEC

(1) Fabret. pag. 188. n. 431. Vide diphthongum seu in duas syllabas per-diaeresin resolutam. Placet huc et illud ex Anthol. Lat. in *Collect. Pisaur.* afferre:

Carpis si matrem, iam cui convenient?

in quo *to cui* in duas breves dissectum vides, transmigratio-
 ne videlicet *v* consonae in vocalem per diaeresin. Ex quo item
 intelligimus, vocem hanc, cum monosyllaba foret, quasi *τῷ*
qui olim fuisse; nam et litera *c* vix a *q* differebat.

Condita sum Nice, quae iam dulcissima Patri,
 Ducens aetatis tenerae *vix* quattuor annos.
 Abrepta Superis flentes iam liqui Parentes (1).

LXXII.

V. F

L. VALERIVS

SEVERINVS.

GAVIAE. M. F. INGEN

CONIVGI. SANCTAE

AC. PISSIMAE. VIXIT

ANNIS. XXIII

Casta, pudica, decens, sapiens, generosa, probata (2).

(1) Murator p. 1171. n. 9. Pro *tenera tenerae* restitui-
 mus, addita particula *vix* ad metrum implendum. Vides ulti-
 mam *i* in *liqui* correptam. Ad duplicationem literae *t* pro vo-
 ce *quattuor*, et caeteris similibus, adnotatum alibi est. Adeo
 persuasum veteribus de brevitate vocalis simplicis, ut si quan-
 do produci eandem opus esset, nec contractioni locus foret,
 consonam insequentem geminarent: sic *relligio*, *relliquiae*,
litterae, *littus* pro *religio*, *reliquiae*, *literae*, *litus*, quae
 quis ignorat?

(2) Murator. pag. 1415. n. 10. Duae initiales V. F —
Viv. Fec. INGEN. idest *Ingenuae*, Gaviae cognomen.

LXXIII.

Q. CAECILIO
 Q. F. PAL. OPTATO
 VIXIT. AN. II. ME. VI
 Q. CAECILIUS. Q. ET. C. L
 HERMES. SEVIR
 ET. LICINIA. REPENTINA
 PARENTES. PISSIMI. POSVER. ET
 Q. CAECILIUS. Q. F. PAL
 PAELINUS. PATER

Hic iacet Optatus , pietatis nobilis infas ,
 Cui precor , ut cineres lilia , sintque rosae.
 Terraque , quae Mater nunc est tibi , sit levis , oro ,
 Namque gravis nulli vita fuit pueri.
 Ergo , quod miseri possunt praestare Parentes ,
 Nunc tumulum nato constituere suo (1).

(1) Gudius pag. 231. Secundum vers. nos , metri gratia ,
 refinximus , ut vides. In tironum gratiam placet , totius epi-
 grammatis explanationem exponere , quo assuescant et similia
 ipsi per se aestimare. 1. Titulus Q. Caecilio Optato , Tribu
 Palatina , positus est , qui defunctus est , cum vix menses sex
 ultra biennium vixisset. 2. Tituli auctores sunt Q. Caecilius
 Hermes , Q. et Caiae Libertus , Sevir Augustalis , Pater Op-
 tati , et Mater eiusdem , Licinia Repentina una cum Hermetis
 Patre , adeoque Optati avo , Q. Caecilio Paelino.

LXXIV.

MACROBIUS. SIBI. ET. THEODOSIAE
CONIUGI. OPT. V. F

Ille ego , qui varios casus , variosque labores
 Sustinui , ut multas conciliarem opes.
 Amisi moribus rerum quaecunque paravi ,
 Et satis ad Manes sufficit urna mihi.
 At Iusta Coniux meritis testatur honores
 Aeternum retinens consociata torum.
 Nos aetate pares , dulcis dum vita manebat ,
 Unus amor innox , nunc premit una quies.
 Discite , qui legitis factis adquirere laudem.
 Ut probat hic tumulus , non peccat , esse bonos (1).

LXXV.

D. M.
C. ACILI. EROTIS. ET
ACILIAE. ROMANAE

Quamvis inscriptum ferali carmine saxum
 Saepe legas , nostro nil puto flebilius.
 Siste gradum , parvamque moram concede , Viator :
 Aspicies , quantas liquerimus lacrimas.
 Una forte die , duplici nos pondere , Mater
 Edidit heu ! similes , heu ! male dissimiles !

(1) Murator. pag. 1370. n. 12. Nulla elisio in fine *re conciliarem* , cuius *e* in fine correpta.

Invida bis denos Lachesis concesserat annos,
 Nondum alio pleno, quod dederat, rapuit.
 Nomine Acilianus, quo nomine nunc Soror orbast,
 Vivat, et a fati sit procul usque meis (1).

.

LXXVI.

Florentem speciem rapuere novissima fata
 Formâ rudi puerum, Priscum agnomine quondam,
 Quem Genitor, Cives, cuncti flevere propinqui.
 L. DESTINIVS. EPIGONIVS. PATER. INFEL
 FILIO. DVLCISSIMO. INNOCENTISSIMO (2)

LXXVII.

OPTATVS. NIREVS. ANTHVS
 AMICI. SODALES
 PACTOLO

DE. FAMILIA. Q. SATRIENI. POLLIONIS

Nos tibi digna tuæ monumenta extrema favillae
 Fecimus: at nobis tu gemitum adsiduom (3).

(1) Ex Murator. p. 1622. *Acilianus* sic tribuendus:
Acil-ianus.

(2) Gruter. p. 620. n. 8. *a* in fine *ins forma* correptum,
 casus licet auferendi, detracto nempe e *formaa* altero *a*, ut
 in *re puta* imperandi modo.

(3) Refert Gruterus pag. 883. n. 6. Sed pertinet ad fa-

LXXVIII.

D.	M.
IVLIAE. SECYNDAE. FILIAE	CORNELIAE. TYCHES. VXORIS
ET. FORMA. SINGVLARI. ET	ET. INCOMPARABILIS. ERGA
MORIBVS. PISSIMIS. DOCTRI	MARITVM. ADPECTVS. SANCTI
NAQ. SVPER. LEGITIMAM	TATISQVE. ET. EXIMIAE. ERGA
SEXVS. SVI. AETATEM. PRAE	LIBEROS. PIETATIS. QVAE
STANTISSIMAE. QVAE. VIXIT	VIXIT. ANNIS. XXXVIII MENS
ANNIS. XI. MENS. VIII. D. XX	III. D. VII. EX. IS. MECVM. ANN..

Iam datus est finis vitae, iam pausa malorum
 Vobis, quas habet hoc gnatam, matremque sepulcrum,
 Litore Phocaico, pelagi vi exanimatas:
 Illic unde Tagus, et nobile flumen, Hiberus
 Vorsum Ortus, vorsum Occasus fluit alter et alter,
 Stagna sub Oceani Tagus, et Tyrrhenica Hiberus.
 Sic etenim duxere olim primordia Parcae,
 Et nevere super vobis vitalia fila,
 Cum primum Lucina daret lucemque, animamque,
 Ut vitae diversa dies foret, unaque leti.
 Nobis porro alia est trino de nemine fati
 Dicta dies leti, quam propagare sнопte
 Visum olli tacito arbitrio, cum lege perenni,
 Sisti quae cunctos iubet ad vadimonia mortis (1).

miliaum Marmorum Musei Borbonici. *Satrienio* igitur *Pactolo*
 monumentum statuunt amici, et sodales, *Optatus*, *Nireus*,
 et *Anthus* item *Satrienii*.

(1) Gruter. ad pag. 690. n. 5. Tanta carminis maiesta-

LXXIX.

D. M

C. FONTEIO. SPVRIANO. FONTEIVS

DIONYSIVS. ET. AVRVCIA. FLORA

FEC. ET. SIBI. POSTERISQVE. SVORVM

Nec gravius pote , nec brevius. Superante Parente ,
Hic iacet aeterna Filius in requie (1).

te , elegantiaque afficior , nihil ut sit ultra quod desiderem ;
et utrum eruditorum auribus sapientius quidquam , absolutius-
que quoquo vorum influxerit , non facile dixerim. Praeter
solidos vitae totius annos , mos coniugibus erat , et coniugii an-
nos memorare , quo pertinet formula illa *mecum vixit*. Ne
haereant tirones ad ver. 11. sciant , *trino de nemine* de tri-
no filo accipienda. Est enim *nempen inis* a *neo*. *Iulia* igitur
Secunda una cum Matre *Cornelia Tyche* naufragio periit
ad litus Phocaicum ; eisque titulum ponit Iulius utrique su-
perstes , *Iuliae Pater* , *Corneliaeque vir*. Quam bene ad mor-
tis iura designanda iuris formulae illae in medium productae ,
et *diem dicendi* , et *sistendi ad vadimonia* , sed *tacito ta-*
men arbitrio , idest nulli mortalium ante cognito !

(1) Idem ad pag. 684. n. 8. Monumenta huius generis
contra votum poni dicebantur.

LXXX.

HAVE. DVLCIS
 POPILIA. ALEXANDRIA. RARISSIMA
 FEMINA. A. XXXV. HIC. SITA. EST
 M. VLPIVS. INGENVVS. B. M. ET. SIBI
 DVLCIS. VALE

Quid lacrimas? factum est. Vir bone, vive, vale.
 SED. TIBI. INVIDEO. PIO. QVI
 OSSICVLA. MEA. HIC. SITA. ESSE
 GEMIS. MORTE. TARDA. VIVAS
 AEGER. INOPS (1)

LXXXI.

VIPSANIA. M. L. PHILVSA
 VIXIT. ANN. XX

Te, Lapis, optestor, leviter super ossa residas,
 Ne nostro doleas condita officio.

M. VIPSANIVS. SP. F. LATINVS. VIXIT. ANN. L
 FILIVS. FACERE. QVOD. DEBVERAT. PATRI. MORS.
 INIQVA *
 INTERCESSIT. FILIO. FECIT. PATER (2)

(1) Fabrett. pag. 420. n. 381. Epigramma sane suavis-
 simam, affectusque maritalis instar, sive prorsam inscriptionem
 spectes, sive unicum versiculum, quo nil pulcrius cadere vel-
 uti in medium poterat. *Invideo* hic pro *doleo*. Dolet quippe
 uxor ex eo, quod vir gemit sui mortem, quodque idcirco
 veluti *tarda morte* ipsum *vivere* necesse sit *aegrum*, et *inopem*.

(2) Fabrett. pag. 284. n. 185. *Optestor* pro *obtestor*.

PARNASSVS, LAPIDARIVS

L I B. III.

I.

D. - M

Gaetula Harena prosata ,
 Gaetulo Equino consita ,
 Cursando flabris compara ,
 Aetate abacta Virgini ,
 Speudusa, Lethen incolis (1).

(1) Ex Marmor. Mus. Borbonici. Iam tum a Neroniana tempestate Mulieres, qua vi, qua libidine, abacto pudore, in arenam descendere assueverant. De Domitiano haec habet Sueton. Cap. IV. ad rem nostram facientia: *In stadio vero, cursu etiam Virginis certamini praesedit crepidatus, purpureaque amictus toga.* Siquidem Spendusae Virgini laus omnis a cursandi gloria constat. Verum in adolescentium gratiam totum Epigramma Grammaticorum carpento per partes singulas percurrendum. Initium facio a

Huius Nimpha loci, sacri custodia fontis,
 Dormio, cum blande sencio murmur aquae.
 At tu quisquis *hians* nostri loca concava fontis
 Tangis, sive bibas, sive lavere, tace (1).

1. *Speudusa*. Vocandi casus, Gaetulae puellae cognomen, eo sine controversia assertum eidem, quod *cursu* praestaret. Est enim *speudusa* ἀπο τῆ σπυδαίου — praecurrere.

2. *Gaetula Harena* prosata, h. e. prosata ex *Gaetula Harena*. Matris nomen *Speudusa* ciēt, non Patris, ex quo conditio eiusdem omnino servilis sit conspicua.

3. *Gaetulo Equino consita*. Si Gaetulus Equinus *Speudusae* Pater fuisset, loco priore ciendus fuerat, quod secus factum vidimus. Superest, ut aut de viro *Speudusae*, aut de Fratre eiusdem gemello cogitemus. At *Speudusa* dicitur *aetate abacta virgini*. Ergo de Fratre eiusdem gemello intelligas. Opportuna inde antithesis *prosatae*, et *consitae* ab eodem verbo *sero*.

4. *Cursando flabris compara*. Uti olim *pauper*, et *paupera*, *puer*, et *puera*, sic *compar*, et *compara*. *Speudusa* igitur *currendi pernicitate ventis compar*.

5. *Aetate abacta Virgini*. To *Virgini* pro *Virgine*, in auferendi nempe casu. Sensus est: *Speudusa*, tu e vivis *abacta*, cum adhuc *Virgo* esses.

6. *Lethen incolis*. Intellige: *Lethaeas oras incolis*, quod idem est, ac dicere: *immatura peris*.

(1) Ex Mariner. Mus. Borbonici. *Hians*, et *nostri* per nos suppleta ad carminis mensuram implendam. *Nimpha* dormiens in marmore. *Sencio* pro *sentio*.

III.

M/ S. T. . . . O. M. F
 PAI. . . . CO
 FISIO. Sere NO
 RVTILIO. CAESIANO
 IIVIRO. AVGVRI
 VIXIT. ANN. XXXI. MENSIB. XI
 DIEBVS. XVIII

Iuvenis Sereni triste cernitis Marmor ,
 Pater supremis quod sacrauit , et Frater ,
 Pietate mira perditum dolens Fratrem ,
 Quem fleuit omnis plantibus novis turba ,
 Quod interiissent forma , flos , pudor simplex.
 Dole , meator , quisquis hoc legis carmen ,
 Et ut meretur anima , lacrimam accomoda.

IPSIVS
 PATER. MISERRIMVS (1)

(1) Id cimelii , ut olim a Cl. Vetrano exceptum , humaniter nobiscum , ut suus est mos , communicavit vir eruditus , idemque amicissimus , Augustinus Gervasius. Extat adhuc in parte antica cippi marmorei , Coemeterii apud Nolam effossi IV: Non. Mart. an. 1795. cuius et a parte postica Sella Curulis cum Fascibus. Absque hoc , 70 Iiviro vers. 5. sine addito , vix de Iiviro l. D. acciperem.

Quod spatii punctulis signatum intercurrit in prioribus lineis , marmore deinde intus exsecto , penitus excidit.

SPERATVS. VIX. MEN. VIII

Flet Domus , et cari lugent sine fine Parentes

Abreptum fati. Contegor hoc tumulo.

Quis non exemplo doleatur mortis acerbae ?

Si me vidisses , aut si mea funera nosses ,

Fudisses lacrimas , hospes , in ossa mea.

SPERATVS. ATTALVS. POLITICE. MATER (1)

M. S. fortasse : *Manibus sacrum* , vel Marcus Serenus. T cum O punctulis utrinque determinatum quid sibi velit , aucupetur , cui vacat. M. F. = *Marci Filius* , ex quo Fisii Patris titulum curantis praenomen adparet. PAI CO veri simile est , ut *Patronum Coloniae* insinuent. Fisius Serenus Caesianus forte dictus , quod adoptione e gente Caesia in Fisiam transierit. Hunc fere luctus publici significatione elatum patet , quod *turba omnis planctibus hovis flevisse* illum dicitur. Vox *meator* in Lexicis desideratur : extat tamen composita *Commeator*. Occasionemque nactus , verbum quoque *perfido* addendum moneo , quo Cicronem novimus usum in eiusdem Fragmentis nuper a V. Cl. Maio detectis , et in lucem editis. Est autem *perfido-valde confido* , vel potius *cor-tus omnino sum*.

(1) Fabret.

V.

A dextro latere.

Heus tu , qui transis secura mente , Viator ,
 Siste gradum : hoc tumulto verba notata lege.
 Antilla hic iaceo , nondum trieteride plena ,
 Bis mihi cum vita carior omnis erat.

.

Foecundum novies Romae natam obruit altae
 Post duo me natos Arcianense solum.
 Sergia mi nomen fuerat ; Volumnius , inquam ,
 Coniux , fata cuius fausta fuere parum.

A laevo.

Lucius ingenti romana stirpe Volumnus ,
Quo , cerne , Ingentem fata tulere mea (1) !

VI.

IVLIA. METHE

His foribus carae recubant mihi coniugis ossa ,
 Expectantque suis ut mea contribuam.
 Tossius ista tibi promisit saepe petenti :
 Praestabit , Maneis si modo tangit amor (2)

(1) Murator. pag. 1744. 6: Vide primam in *cuius* correptam. *Doleatur* pro *doleat* , terminatione passiva.

(2) Murat. Vol. III. p. 1356. 7.

VII.

VALERIA. NOVELLA. MATER
HYPPARCHVS. ALVMNVS

Bis binos vix , dum vixit , compleverat annos ,
 Et nimium fato citius depulsus in antrost ,
 Nec licuit lumen fato superare parentes.
 Venit iniqua dñes , et acerbae terminus horae ,
 Ut titulum miseri lachrimis impleret acerbis.
 Vivite felices , quorum fortuna beatast.

VALERIA. NOVELLA. MATER. HAVE. ET. TV
FRATER. HYPPARCHI
ZETEMA
PLENVM. ET. IN ANVM (1)

(1) Murator. Vol. III. pag. 1282. 2. Primus versus , lapicidae fortasse vitio , sic habet: *Bis binos vixit dum* , etc. Nos recudimus , ut vides. Postremus habet post *felices* vocem *superi* , quae sententiae non minus , quam metricis incommodat rationibus : sententiae ; nam ecquid votum pro felici Superum vita , siquidem *Superum* nomine Dii caelestes intelligantur ? metricis vero rationibus ideo , quod nisi vocem hanc de medio tollas , redundat pes unus in carmine. Delendam idcirco censuimus. *Inanum* pro *inane* putat Muratorius barbarice dictum.

VIII.

IVLIANO. FILIO

L. VMBRIVS. SATVRNI . . .

Di Manes , Manes sitis. Iam morte misellis
 Praepopera senibus seró datum rapitis.
 Hic etenim Puer est Umbrii de sanguine cretus ,
 Invida quem tenerum Parca tenax rapuit.
 Quo matri multos scribsit , multos quoque Patri
 Ingratis annos , vota satis misera.
 Nam solos septem proleso . . os. duxerit orbes ,
 Septuaginta forent , nì miseros cuperet ,
 Qui pro vinetis , fundis , terraque , marique ,
 Hoc solum proli , hoc peperere solum (1).

(1) Ex Bonada Vol. II. pag. 227. Vers. 7. et 8. quales Bonada refert , dedimus : sed nihil inde datur extundere. Fortasse legendum : *Nam solos septem proles si duxerit orbes.* Sed ne hoc quidem posito , sensus liquido emerget. Auferendi casus in o olim commune : inde sero correptum , ut in *cito*. Inde videre est , apud veteres Latinos poeticos fines quondam non minus late patuisse , quam apud Graecos : sed hi libertatis tenáciores servarunt ; illi gravitatis studiosiores paulatim coercuere. *Scribsit* pro *scripsit*. Sic in Ciceronianis Palimpsestis , quae Cl. Maius nuper ex Orco revocavit , fere semper.

IX.

Hic situs Amphion ereptus prima iuventa.
 Nondum terdenos numerabat temporis annos,
 Heus! immatura mors properata sibi.
 C. MARCIVS. PAVLVS. C
 NATO. PIENTISSIMO (1)

X.

D. M
 LASCIVIAE. IVCVNDAE. VERNAE
 Q. SVLPICII. ABASCANTI

Quae nondum septem vitae compleverat annos,
 Quae caruit luce, et tenebris se miscuit atris,
 Lascivia nimium fatis crudelibus orta est.
 Liquit et orbatos miseros, fidosque parentes,
 Uberibus pressis nutricem liquit amantem.
 Coniux nutricis infelix ille relictus
 Moeret, et ad cineres plangit sua pectora palmis (2).

(1) Murator. pag. 1129. 9. Vide *a* in sexto casu correctam, ad vocem *prima*, consulantque adolescentes, quae alias hac de re disputata sunt. Caveant tamen, haec, aliaque similia ipsimet imitari, quibus satis est scire, quid, quibus de caussis, olim veteribus factum.

(2) Ex Bonada Vol. II. pag. 403. *Plangit* in significationem *tundendi* usurpatum.

XI.

Ummidiae Manes tumulus tegit iste , simulque
 Primigeni vernaë , quos tulit una dies.
 Nam Capitoline compressi examine turbae
 Supremum fati competiere diem.
 VMMIDIE. C. F. ET. P. VMMIDIO. PRIMIGENIO
 VIX. AN. XIII. P. VMMIDIVS. ANOPTES. LIB.
 FECIT (1) .

XII.

FLORIDI.

Quod vixi , flos est : servat lapis hic mihi nomen.
 Nolo Deos Manes. Flos satis est titulo (2).

XIII.

D. M

FLAVIAE. DIONYSIADIS

Hic iacet exiguis Dionysia flebilis annis ,
 Extremum tenui quae pede rupit iter.

(1) Ex Marmoribus Musci Borbonici , quam refert et Gruterus pag. 895. n. 10. Notanda acceptio verbi *competo* , quae hoc loco est *simul petere* , seu *oppetere*.

(2) Fleetwood pag. 330.

Cuius in octava lascivia surgere messe

Caeperat, et dulces fingere nequitiās.

Quod si longa tuae mansissent tempora vitae,

Doctior in terris nulla puella foret.

VIX. ANN. VII. MENS. XI. DIEB. XV. HOR. VII

ANTIA. TIBVLLA. VERNAE. SVAE

DVLCISS. FECIT (1)

XIV.

Florus ego hic iaceo *miser*, et Bigarius infans,

Qui cito dum cupio currus, cito decidi ad umbras.

IANVARIVS. ALVMNO. DVLCISS (2)

(1) Ex Grutero pag. 654. n. 3. *Vernae* dicebantur *famuli*, *famulaeve* domi natae, hocque ipso dominis cariores, honestioresque habiti. Epigramma, Charitibus dictantibus, exceptum.

(2) Idem ad pag. 656. n. 1. *Alumni* erant, quos filiorum vice quisque sibi *alendos* suscipiebat, occurruntque fratres alumni fratrum. Voces duae signatae *miser*, et a nobis additae ad carminis implendam mensuram.

D. M

EVTYCHETI

AVRI. ANN. XXII

FL. RVFINVS. ET

SEMP. DIOFANIS. SERVO. B. M. F

Hoc Rudis aurigae requiescunt ossa sepulchro ,

Nec tamen ignari flectere lora manu.

Iam qui quadriiugos auderem scandere currus ,

Et tamen a biugis non removerer equis ;

Invidere meis annis crudelia fata ,

Fata , quibus nequeas opposuisse manus.

Nec mihi concessa est morituro gloria Circi ,

Donaret lacrimas ne pia turba mihi.

Ussere ardentes intus mea viscera morbi ,

Vincere quos medicae non potuere manus.

Sparge , precor , flores supra mea busta , Viator.

Favisti vivo forsitan ipse mihi (1).

(1) Gruter. pag. 340. n. 4. Eutycheti, Aurigario quadrigario, et bigario, cui *Rudis* cognomen, titulum ponunt Flavius Rufinus, et Sempronia Diofanis. Numeris omnibus absolutum ellogium.

XVI.

CALPVRNIA. ATHIS. FECIT

Dextera fama mihi fuit, et Fortuna patrona,
 Magnifici coniunx Caesaris illa Dei.
 Qua bene tutus eram, caris nec vilis amicis,
 Queis etiam mecum plurima cura fuit.
 Athis caussa meae vitae, quae cara sepulcro
 Condidit ossa suo. Nominor Ikadium (1).

XVII.

Q. ARICINVS. Q. F. BASSVS

VIXIT. ANN. XXV

Debuit hoc Patri natus: duo corpora humare.
 Corpora semianimes corpus iuane colunt.
 Qui, quia non possunt donis aequare merentem,
 Respondere queunt, Basse, tuis meritis.

V. C. CVRTIVS. C. L. ANTIO

CHVS. PATER

Debuit hoc natus nobis praestare duobus,
 Ut cineres patrios dederet inferiis.
 Sed quoniam dirae genuerunt fata volucres,
 Te, Basse, ereptum fleuimus ante rogam.
 V. ARICINIA. NAIS. MATER (2)

(1) Gruter. ad pag. 609. n. 4.

(2) Ad pag. 670. n. 2. Notam V. pro C. Curtio, et A-

XVIII.

COCCEIAE. NICE. DOMITIAE .

F. CHRYSÆ

VIXIT. ANN. XXIV. M. III. D. XXIII.

HERMES. COCCEIVS. BASS

ACT. COIVGL. B. M

Aeternam tibi sedem Hermes, aramque dicavi,

Nice: optassemque (utinam) tua fata, superstes

Ut mihi tu faceres! Sed iniqua sorte, maligna,

Rapta iaces annis, viduata *simul donus onnis*.

Iam tibi lac Cybeles sint, et rosa grata Diones,

Et flores grati Nymphis, et lilia certa.

Sintque, precor, meritis qui nostra parent tibi dona

Annua, et hic Manes placida tibi nocte quiescant,

Et super in nido Maratonis cantet Aedon (1).

ricinia vivens interpretator. *Corpora semianimes* intellige parentes, qui semianimes defuncti filii corpori parentant, cum filii potius fuisset, duo corpora, Patris nempe, et Matris, humare.

(1) Gruter. ad pag. 1032. n. 3. Venustissimum porro epigramma, quod nostra commendatione non eget. Verbo *opto* vides *commutandi* subiectam notionem. Aedonis, Zethi regis uxoris, in carduelem conversae nota fabula. Vers 4. per nos suppletus.

ZETHVS. T. VINI
 ATRIENS. V. A. XX.

Ossa sub hoc tumulo pia sunt, sed acerba parenti.
 Amphio mi frater hoc titulum posuit.
 Parcite, fata, meis; valeant Fratresque, Sorores:
 Sit tamen in vestro pectore cura mei.

ANTISTIA NICOPOLIS (1)

XX

ATIMETVS. PAMPHILI
 TI. CAESARIS. AVG. L.L.
 ANTEROTIANVS. SIBI. ET.
 CLAVDIAE. HOMONOEAE
 CONLIBERTAE. ET
 CONTVBERNALI

Si pensare animas sinerent crudelia fata,
 Et posset redimi morte aliena salus;
 Quantulacunque meae debentur tempora vitae,
 Pensarem pro te, Homonoea libens.
 At nunc, quod possum, fugiam lucemque, Deosque,
 Ut te matura per Styga morte sequar.

(1) Apud Fabrett. p. 8. *Atrienses* servi dicebantur, quibus atrii cura demandata erat. *Titulus*, et *titulum* olim dicebatur, ut *collum*, et *collus* Caecilio.

Parce tuam, coniunx, fletu quassare iuventam,
 Fataque maerendo sollicitare mea.
 Nil prosunt lacrimae, nec possunt fata moveri.
 Viximus. Hic omnis exitus unus habet.
 Parce. Ita non unquam similem experire dolorem,
 Et faveant votis numina cuncta tuis.
 Qodque mihi eripuit mors immatura iuventae,
 Id tibi victuro proroget ulterius.

A sinistro latere.

Tu, qui segura procedis mente, parumper
 Siste gradum, quaeso, verbaque pauca lege.
 Illa ego, quae claris fueram praelata puellis,
 Hoc Homonoëa condita sum tumulo.
 Cui formam Paphie, Charites tribuere decorem,
 Quam Pallas cunctis artibus erudiit.
 Nondum his denos aetas mea viderat annos,
 Iniecere manus invida fata mihi.
 Nec pro me queror hoc: morte est mihi tristior ipsa
 Moeror Atimeti coniugis ille mei.
 Sit tibi terra levis, mulier dignissima vita,
 Quaeque tuis olim perfrueare bonis. (1)

(1) Gruter. pag. 607. n. 4. Elegia nomine suo vere digna, omniumque dulcissima, quae desiderari hoc in genere queant. Eius pars triplex. Primam exequitur vir uxorem compellans, illiusque desiderio tabescens per totos integros versus senos. Alteram mulier, quae virum solari studet, fausta

SALLVSTIAE
APHRODITAE
CONSIDIVS. L. F
CONIVGI. BENE
MERENTI. CVM QVA
VIXIT. ANNIS. XXVII
MENSIBVS. VIII. DIEBVS. VI

Quod viva merui, moriens quod et ipsa rogavi,
Coniugis hoc moesti reddidit ecce fides.

Sit licet infernae mortis tristissimus horror,

Me tamen illius credo iacere toris.

Coniugii memor Umbra mei dum testor amores,

Te pie possessor, sive colone, precor :

Ne patiare meis tumulis increscere silvas.

Sic tibi dona Ceres larga det, et Bromius (1).

omnia ei adprecando deinde viatorem rogat, ut quae ipsa fuerit, quidve nunc doleat, norit. Tertiam viator ipse mulieri terram levem precans, dignissimamque praedicans, quae bonis omnibus, frueretur. Notent tirones *ro fruor* fuisse olim *frueor*. Sed fortasse legendum *perfruerere*. *Contubernium* potius, quam *coniugium* nuptiae dicebantur Servorum, Libertorumque.

(1) Murator. *Vol. I.* pag. 539. n. 1. Caesurae vis producendi Syllabam tributa ex eo, quod ipsa vocem veluti, spiritumque sistit, quod sine duplici morula stare non potest: eademque de causa nulla usquam habita ratio syllabae versum claudentis.

XXII

D. M.
 FABIAE. PYRALLIDI. OPTIMAE
 ET. SANCTAE. PATRONAE
 DE. SE. BENEMERIT
 ARTEMISIVS. LIBERTVS

Cunctorum haec suboli sedem post morte reliquit,
 Ante tamen nato, coniugi et ante suo.
 Nondum secura dum flet maestissima mente,
 Occidit, et tristes decepit maesta fovendo.
 Set nos solliciti, memoresque, Parentis amore,
 Matrem cum nato, coniuge cumque suo
 Securos colimus. Memores de nomine nostro,
 Et faciet suboles multos memorata per annos
 Sacra Deis, Patribusque suis; memoresque priorum,
 Et memores nostri, nostrorumque alta propago,
 Aeterno servant semper memorabile nomen.
 Quisquis es, aut olim nostra de stirpe futurus,
 Sis memor antiqui nominis, et tituli.
 In quorum titulo hic datur esse locus,
 Et domus aeternae tu tueare focos. (1)

(1) Gruter. pag. 939. *Us* correptum *donus*, etsi in gi-
 guendi casu, quod ne imitentur tirones, monendum. Qua ta-
 men id factum de caussa, declaratum alibi, nec semel, est.

FIRMA. EPAPHRODITI
ANN. XXIII

Firma satis felix , cum me mea vita maneret ,
 Coniugis obsequio cum pietate fui.
 Coniugis illius , quem vix aequare mariti
 Adfectu poterunt , aut bonitate pari.
 Conlibertorum vultus , animosque meorum
 Placatos merui sedulitate mea.
 Placatos merui per te magis , omnis ut aetas
 Sanguine me iunctam crederet esse tibi.
 Qui tecum pia castra sequi consuetus , et ille
 Quem lex servitii distrahit a Domino.
 Hos omnes tibi pro meritis , qui sidera torquent ,
 Secum placatos semper habere velint. (1)

XXIII

FESTO. LABIR. IPRIMIGE. DELIC
 Parva sub hoc titulo Festi sunt ossa lapillo ,
 Quem Afrens fato condidit ipse pater.
 Qui si vixisset , Domini iam nomina ferret
 AD. DINERES (2).

(1) Ex *Mus. Veron.* p. 423. 5.

(2) Murator p. 4. Versum 2. sic recuderem : *Qualem Afrens. Lapillo pro lapideo* nunc primum mihi occurrit. *Festus* , Labirii Primigenii delictum , a quo libertatem , si vixisset , foret assecutus.

XXV

D. M.

IS. CVIVS. PER. CAPITA. VERSORVM. NOMEN.
 DECLARATVR. FECIT. SE VIBVS. SIBI. ET.
 SVIS. OMNIBVS. LIBERTIS. LIBERTABVS.
 POSTERISQVE. EORVM

Liber nunc curis fuerim qui, respice, Lector.
 Notus in Urbe Sacra vendenda pelle caprina,
 Exhibui merces popularibus usibus aptas;
 Rara fides cuius laudata est semper ubique.
 Vita beata fuit, struxi mihi marmora, feci
 Secure solus semper fiscalia manceps.
 In cunctis simplex contractibus, omnibus aequus,
 Ut potui; nec non subveni saepe petenti;
 Semper honorificus, semper communis amicis.
 Maior adhuc stat laudis honor: potior quoque cunctis
 Ipse meis, quod constitui tumulamina membris.
 Talia qui feci, non tam mihi providus uni,
 Heredum quoque cura fuit. Tenet omnia secum,
 Re propria quicunque facit. Me fama loquetur
 Exemplum laudis. Vixi, dum vita manebat,
 Sollicitus multis: requiem feci quoque multis.

L. NERVSIVS. MITHRES (1).

(1) Ex Fabrett. pag. 634 n. 290. Qui pro *quo modo*.
 Roma *Urbs sacra* κατ' ἐξοχὴν. *Honorificus* active sumptus. *Quod*
constitui tumulamina, idest: *propter quod*.

XXVI.

V. F.

Q. EGNATIVS

Q. L. BLANDVS

SIBI. ET

MINVCIAE. VRBANAЕ

VXORI

Pro paupertate, heic summo tibi tempore, Coniunx,
 Ut potui, meritis parvola dona dedi.
 INNOCENS. VIXIT. ANNOS. XXIX (1).

XXVII.

Qui dolet interitum, mentem soletur amore.

Tollere mors vitam potuit: post fata superstes
 Fama viget. Periit corpus, sed nomen in ore est.

Vivit, landatur, legitur, celebratur, amatur

Nuncius Augusti, velox pede cursor, ut aura;

Cui Latiae gentis nomen, patriaque Sabinus.

O crudele nefas! tulit hic sine crimine mortem

Damnatus; periit deceptus fraude latronum.

Nil, scelus, egisti. Fama est, quae nescit obire.

POSVIT. FVRIVS (2).

(1) Ex Murator. p. 1339. 5. Bländissimura epigramma,
 innocentiae, simplicitatisque veluti iustar

(2) Murator. Vol. 11. pag. 903. 3.

XXVIII.

DIS. M.
 CLAUDIAE. LEPIDILLAE
 EX. PROVINCIA
 BELGICA. AMBIANAE
 FECERVNT. LIBERI
 EIVS. LEPIDVS. ET
 TREBELLIVS. MATR
 OPTIMAE

Hic matris cineres sola sacravimus ara.

Quae genuit, tellus ossa teget tumulo. (1)

XXI

D. M. S.

Altorio meritam dicat hanc Octavius aram,

Acri homini, atque alacri, forti, fidoque, venusto,

Cui domus Asinius fuerat, cui Quintio nomen.

Hic in flore cubat longum securus in aevum

Post ter vicanos, et tres bene consitus annos. (2)

(1) Gruter. pag. 726. n. 1.

(2) *Inscript. Don. Cl. XVIII. p. 459. n. 10.*

XXX.

THETIS. EADEM
 BYRGAENA
 ITALICI. CORSICI
 AVG. L. CON. CAR. ANN
 XXVI. ET. PERINTHIO
 FIL. ANN. XII. H. S. S

Si fortuna suos potuisset flectere Manes ,
 Hunc titulum Patri ponere, debueram.

ITALICVS. SIBI. ET
 SVIS. V. F (1)

XXI

VALERIA. 3. L. LYCISCA
 XII. ANNORVM. NATA
 ROMAM. VENI

Quae mihi iura dedit Civis , dedit et mihi vivae ,
 Quo inferrer , tum cum parvola facta cinis. (2)

(1) Maffei *Antiq. Gall. Ep.* 26. *Thetis*, eadem *Byrgaena* ; nota formula ad designandum duplex personae nomen.

(2) Ex *Mus. Veron.* pag. 295. 4. Libertae Patrona post libertatem sepulcri locum dat.

XXXIII.

C. IVLIVS. C. L. ANTIOCHVS
VERATIA. C. L. ELEVETHERIS

Seic florem aetatis tenuit Veratia caste,
Nulla ut perciperet gaudia dedecoris.
Coniuge namque uno vixit contenta, probato,
Caetera digna bonis femina facta tulit.
VERATIA. C. L. SALVIA (1).

XXXIV.

PVLVINIE. VALLEIE
FILIOLE. DVLCISS
PARENTES. MESTISS

Decipimur votis, et tempore fallimur; et mors
Deridet curas. Anxia vita nihil (2).

XXXV.

T. HELIVS. HOSPES. HIC. SITVS. EST
MEVAN. NAT. VIXIT. AN. XII. M. V. D. II.

Sine crimine vitae.

Florentes annos subito nox abtulit atra.

Vivite felices, moneo: mors omnibus instat.

T. AELIVS. PRIMITIVVS. F. PIENTISS (1)

(1) Don. Cl. XII. pag. 398.

(2) Ex Famil. Marmor. Borbonicorum, Fabrettio, aliisque
notum.

(3) Gruter. ad pag. 686. n. 8.

XXXVI.

HATERIA. TELETE. VIXIT. ANN. XXVII

Tu Pater, et Mater, lacrumis retineto dolorem:

Nam fato raptam non potes eripere. (1)

XXXVII.

M. AEMILIVS. M. F. IANVARIVS

CATILIAE. MARCIANAE. COIVGI

INCOMPARABILI. DVLCISSIMAE

PIENTISSIMAE. CASTISSIMAE

QVAE. VIX. ANN. XXXII. MENS. VI

DIEB. V. ET. CVM. QVA. VIXIT. ANNIS

XIII. CVM. MAGNA. DVLCITVDINE

SOMNO. AETERNALI. SACRVM

FECER. ET. FIL. M. AEMILIVS

MARCIANVS. ET. AEMILIA. INGENVA

QVAE. ET. MARCIANE. MATRI

PIENTISSIMAE. DVLCISSIMAE

SANCTISSIMAE

ΟΤΧΙ. ΤΕΚΟΝΣΑ. ΟΥΔΕΙΣ. ΛΘΑΝΑΘΟΣ

SOMNO. AETERNALI. SACRVM

FECERVNT. LIBERTIS. LIBERTABVSQ

POSTERISQVE. EORVM

Invide, quid gaudes? illa hic mihi mortua vivet,

Illa meis oculis aurea semper erit.

(1) Idem ad pag. eamd. n. 4.

ET. Q. Q. MVCI. EVTACTI. ET. IVLIANI. LIB. LIBER.
TABVSQ. POSTERISQVE. EORVM (1)

XXXVIII

Liberta, et Coniux Petronia, cara Patrono,
Thallusa hoc tumulo condita luce caret.
Quae bis vicanos complerat lucibus annos,
Erepta est subito coniugis e gremio.
Hanc sic adsidue deflet Petronius, ut iam
Deficiant oculos lumina cara suos.
Desine per terras infernas tendere ad arces :
Fata eadem dederant, fata eademque negant (2).

XXXIX.

Siste gradum, fugiat quamvis brevis hora, viator;
Sic fati nullus te dolor exanimet.
Lesbia, quam tulerat tellus pulcherrima Tarsis,
Indicio sit amor totius Hesperiae.
Quam ereptam terris pia numina subtraxerunt,
Hanc sibi sola domum corporis constituit (3).

(1) Gruter. ad pag. 752. n. 3. *Mucii* duo cum praenomine communi *Quinti*, quorum alteri *Eutacti*, alteri *Iuliani* cognomen contigit.

(2) Ex *Collect. Pisaur.* pag. 473.

(3) Gruter. ad pag. 917. n. 4.

XL.

RVSTICELLA. M. L. CYTHERIS
DEBITVM. REDDIDIT. X. K. SEPT
MALVGINENS. ET. BLAESO. COS

Quandocunque levis tellus mea conteget ossa;
Incisum et duro nomen erit lapide.

Quod si forte tibi fatorum cura meorum;
Ne grave sit, tumultum visere saepe meum.
Et quicunque tuis humor labetur ocellis,
Protinus inde meos defluat in cineres.

Quid lacrumis opus est, *quidve*, o carissime Coniux,
Extinctos cineres sollicitare meos?
Una domus cunctis, nec fugienda, viris,
Et quae volvuntur tempore, tempus habet.
Nondum annos bis videnos compleverat annus,
Extremum Parcae sorte dedere mihi. (1)

XLI.

M. HELVIVS. M. L. MAR.
SYA. ANN. LX. MALLIA. IV.
LIB. GALLA. AV. VXOR. ANN. XXXXI.
H. S. S. S. V. T. L.

(1) Gruter. pag. 992. n. 3. De veterum consuetudine ad suorum sepulcra statis diebus lacrimandi, res per se nota, et in Veter. inscript. passim obviaus. Bigam hanc Consularem Gruterianae inscript. innixus ciēt Ameloveen ad an. 649. post Coss. Cn. Mallium Maxim. et P. Rutilium Rufum. Fortasse Suffecti.

Tu qui carpis iter gressu properante , Viator ,
 Siste gradum , quaeso : quod peto , parva mora est.
 Oro , ut
 Praeteriens dicās : sit tibi terra levis (1).

XLII.

DIIS. MANIBVS. SACRVM
 PHOEBO. LIBERTO. OPTVMO
 M. GELLIVS. ABASCANTVS

Hic situs est , caeli quondam pars maxima , Phoebus:
 Adfectus omnes possidet ille lapis.
 Vix consummavit septem quinquennia lustrī ,
 Oscula serventem nec tenuere animam.
 Quod si mutari potuissent fata Sororum ,
 Gauderet condi Gellius hoc tumulo. (2)

XLIII.

O utinam vivo potuissem praemia morum
 Reddere ! nunc lacrimas accipe pro meritis.
 Nam semper , fateor , tacita te mente probavi :
 Detexit sensus ultima flamma meos.

(1) Fleetwood pag. 315. Initiales inversae feminarum praenomina designant , unde *N. Marca* est. H. S. S. S. V. T. L. *Hic siti sunt. Sit vobis terra levis.*

(2) Gruter. ad pag. 950. n. 10.

Tu columen, rerum semper tu cura mearum,
 Nunç eris et luctus tu quoque caussa mei.
 Ossibus infundam, quae nunquam vina bibisti.

DIIS. MANIBVS

ONESIMI. ANICETVS. CARISSIMO. FECIT. DOMINO (1)

XLIV.

D. M.

IVLIA. PROCILLA. VIX. AN. XIX

AMARANTHVS. CAESARIS

AEDITVVS. AB. CONCORDIA. CONIVGI

BENEMERITAE. POSVIT

Hunc tibi perpetuo titulum, carissima Conjux,
 Corporis extincti dedicat ipsa fides.

Vixisti mecum iuvenis, carosque per annos,
 Quos vita exegi dulciter ipse mea.

Opto, si qua fides remanet telluris amicae,
 Sit tibi perpetuo Terra levis tumulo (2).

XLV.

Vixisses utinam, et potius mea Musa taceret,
 Quam mihi scribendi caussa, Latina, fores.

(1) Idem ad pag. 948. n. 10. Nota veterum consuetudo defunctorum ossa vino perfundendi.

(2) Pet. Apian. pag. 236. *Amaranthus*, Aedituus templi *Concordiae*.

Vixisses ! neu te surgentem in vota tuorum
 Adspicerem addictam Manibus ire sacreis.
 Sed quoniam Parcís vetitum est nihil , accipe nostri
 Aeternas eheu ! carminis exequias (1).

XLVI.

C. RVBRIVS. VRBANVS. SIBI. ET. ANTONIAE
 DOMESTICAE. CONIVGI. SVAE. ET. CN. DOMITIO
 VRBICO. RVBRIANO. FILIO. SVO. ET. LIBERTIS
 LIBERTABVSQVE. POSTERISQVE. EORVM
 ET. M. ANTONIO. DAPHNO. FECIT

Qui dum vita datast , semper vivebat avarus
 Heredi parcens , invidus ipse sibi.
 Hic accumbentem scalpi genialiter arte
 Se iussit docta post sua fata manu.
 Ut saltem recubans in morte quiescere posset ,
 Securaque iacens ille quiete frui.
 Filius a dextra residet , qui castra secutus
 Occidit ante Patris funera moesta sui.
 Sed quid defunctis prodest genialis imago ?
 Hoc potius ritu vivere debuerant (2).

(1) Gruter. pag. 843. n. 2. Optimis accensendum sine controversia Epigramma.

(2) Ad pag. 823. n. 2. Patris , et Filii sordidam avaritiam vates insectatur , quorum hic militiam secutus est , ille post obitum statuam sibi elegantissimam poni curavit. Melius quippe sibi consulisset uterque , si cum aliquo sui emolumento sibi vivo parasset , quod post obitum stulte procurat.

XLVII.

IVCVNDVS. LIVIAE. DRVSI. CAESARIS
F. GRYPHL. ET. VITALIS

In quartum surgens comprehensus deprimor annum ,
Cum possem Matri dulcis , et esse Patri.
Eripuit me saga manus , crudelis ubique ,
Cum manet in terris , et nocet arte sua.
Vós vestros natos concustodite , Parentes ,
Ne dolor in toto pectore fixus eat. (1)

XLVIII.

D. M
RVBRIAE TERTVLLIAE
V. A. XX. M. D. IIII
CONIVGI. OPTIMAE
C. REFANIVS. MACRINVS

Livia me tellus genuit , geminamque Sororem ,
Egregio de patre satam , sancta genitrice.
Kara fui casto bene iuncta pudica marito.
Invida sed fati lex reddidit irrita vota:
Et tantum miserae solatia liquit amanti ,
Coniugis in manibus licuit quod reddere vitam (2).

(1) Mus. Veron. P. 170. I. Saga in adiectivi potestatem
adhibita.

(2) Gruter. ad pag. 923. n. I.

XLIX.

C. POBLICIVS. C. L. AM . . .

RVSTIA. C. L

T. CLAVDIVS. FAVSTVS. VI. VIR

Tempore supremo, Fauste, est tibi cura videndi.

Si perlegist⁹, venias licet, et requiescas.

Annuis, an renuis? Frustra.

Haec domus, haec requies omnibus una manet.

Huc veniendum, inquam (1).

L.

Hic Puer octavo fraudatus clauditur anno,

Impia quem fati saeva ruina premit.

Nomen erat Clemens, minime laedendus; et annis

Spes erat in puero. Nunc cinis, et gemitus (2).

(1) Apud Fabrett. pag. 34. n. 170.

(2) Gruter. ad pag. 627. n. 8. Clemens videtur casu quopiam inopinato ruina oppressus.

LI.

D. M
 SIMPHERVSAE
 PRISCILLAE
 VETTIA. MEGISTE. ET
 M. VETTIVS. ONESIMVS
 ALVMNAE. DVLCISS. F
 VIX. ANN. I. MENS. XI
 DIES. XX. HOR. III

Nata, set in lacrumis solum. Dolor omnibus instat.

Hic sita sum. Vixi tempus inane meum.

Annus erat vitae primus : mox deinde secundi

Liminibus rapuit me sibi Persephone (1).

LII.

D. M.
 MARCIANAE. C. F. VERNAE. T. CASSIVS.
 LYSIMACHVS. CONIVGI •
 SANCTISSIMAE. ET. SIBI. VIVOS. POSVIT

Ver tibi contribuat sua munera, florea, grata,
 Et tibi grata comis nutet aestiva voluptas,
 Reddat et autumnus Bacchi tibi munera semper,
 Ac leve hiberni tempus tellure dicetur (2).

(1) Id. Ad pag. 659. n. 7. Set pro sed.

(2) Fleetwood. pag. 285.

LIII.

Si non fatorum constantia iura fuissent,
 Mater in hoc tumultu debuit ante legi.
 Quae rogat, ut dicas motus fatalibus annis,
 Terra sit haec Petalo non onerosa, precor (1).

LIV.

D. M
 LABERIAE. ALEXAN
 DRIAE. QVAE. VIX. AN. X
 M. V. D. VII. ET. SILVANO
 Q. V. A. VI. M. V. D. XIII.

Hoc in Sarcophago genitrix duo corpora, natos,
 Condidit infelix. Semper subitura dolore,
 Quos superat, vivet, vitamque miserrima ducet,
 Coniuge praerepto, Genitor, quibus ipse misellis,
 Et sibi condiderat vivens commune sepulcrum (2).

LV.

PYLADES. ANNI. NOVATI. PATRIS. H. S. E
 Subductum primae Pyladen haec ara iuventae
 Indicat, exemplum non leve amicitiae.

(1) Murator. *Vol. II.* pag. 1199.

(2) Gorius in *Don. Inscrip.* Cl. X. pag. 354. n. 2.

Semper subitura dolore, idest, quae numquam sine dolore
 recolat natorum fatum infelix.

Namque sodalitii sacravit turba futurum

Nominis indicium , nec minus officii.

Dicite , qui legitis , subito , de more , sepulto :

Pro meritis , Pylades , sit tibi Terra levis (1).

LVI.

D. M

CAMILLVS. AQVILIVS. SE. VIVO. SCRIBI. IVSSIT. SIC

NON. FVI. DEINDE. FVI. MODO. NON. SVM

Aspice , quam subito , quod floruit ante :

Aspice , quam subito cecidit , quod stetit ante , cadit.

Nascentes morimur , finisque ab origine pendet.

Illa eadem , vitam quae inchoat , hora rapit (2).

LVII.

L. TRVPPICVS. T. F. PAPIRIA. T. F. TERTIA

Cernis , ut orba meis , hospes , monumenta locavi ,

Et tristis senior natas miseranda requiro !

Exemplis referenda mea est deserta senectus ,

Ut steriles vere possint gaudere maritae.

T. TRVPPICVS. T. F. F (3).

(1) Murator. Vol. 1. pag. ult. Laus Pyladis huius ex Pylade illo praeconcepta , qui notissimum amicitiae exemplar extitit.

(2) Ferrett. pag. 307.

(3) Ibidem pag. 121.

LVIII.

Immitis ferro secuit mea colla maritus,
 Dum propere stricti solvere vincla pedis.
 Dirus et ante thorum nuper, quo nupta coivi,
 Quo cecidit nostrae virginitatis honos.
 Non culpa merui, praesentia numina testor,
 Sed iaceo fati sorte peremta mei.
 Discite ab exemplo Crispinae, discite, Patres,
 Ne nubat fatuo filia vestra viro (1).

LIX.

Connubii decus egregium, lux alma parentum,
 Eximiumque bonum corporis, atque animi;
 Invidia fati rapitur Vincentia florens,
 Et nunc ante patrem conditur Helyonem:
 Quin potius corpus. Nam mens aeterna profecto,
 Pro meritis, potitur sedibus Elysiis (2).

LX.

Laevitiae coniux Petronia, forma pudoris,
 His mea discedens sedibus ossa loco.

(1) Fabrett. pag. 799. n. 209.

(2) Gudius pag. 247.

Parcite vos lacrimis , dulces cum coniuge nati ,
Viventemque Deo , credite , flere nefas (1).

LXI.

L. PETRONIVS. L. F. PRIMVS
HIC. SITVS. EST

Uxor cara viro monumentum fecit amanti.
Optaram in manibus coniugis occidere.
Quem , quia fata nimis rapuerunt tempore iniquo ,
Ossibus , opto , tuis sit pia terra levis.

LXII.

Meia fui felix , septem circumdata natis.
Dum vixi , adstabat turba tenella mihi.
Ut mihi grata vicem natorum turba referret,
Hoc mihi de Pario marmore struxit opus ;
Manibus atque meis nati pia vota dedere ,
Persolvere meis Manibus inferias.
Postquam nulla mei , Superi , vos cura fatigat ,
Natorum memores este , precor , Superi (2).

(1) Rosin. *Antiqu. Rom.* pag. III. 3. Christiani omnino
saporis epigramma.

(2) Murator. *Vol. III.* pag. 1264. II.

LXIII.

R. FESTVS. V. C. DE. SE. AD. DEAM. NORTIAM

Festus, Musoni suboles, prolesque Avieni,
 Unde tui latices traxerunt, Caesia, nomen;
 Nortia, te veneror lare cretus Vulsiniensi,
 Romam habitans, gemino Proconsulis auctus honore,
 Carmina multa serens, vitam insons, integer aevum.
 Coniugio laetus Placidae, numeroque frequenti
 Natorum exultans. Vivax et spiritus ollis.
 Cetera composita fatorum lege trahuntur.

SANCTO. PATRI. FILIVS. PLACIDVS

Iamque venis: tendit dextras chorus inde Deorum.

Ex toto tibi iam plauditur ecce polo (1).

LXIV.

Vester, ego, Insubres, iaceo hic sub marmore; vester

Laevinus Lyciae gloria gentis eram.

Quid mihi honos, quid opes? virtus me sola beavit,

Qua mortalibus, et Caelicolis placui;

Quae fuit in terris vestri mihi caussa salutis;

In Superis eadem nunc quoque cura mihi est (2).

(1) Fabrett. pag. 742. n. 507. Fortasse R. ut est in Fabret. in P. commutanda, ut inde Musonii Festi praenomen emergat.

(2) Murator. Vol. II. pag. 692. 3.

LXV.

PVBLII. AELII. VLPPII. . . .

Hanc sedem longo placuit sacrare labori;

Hanc requiem, fessos tandem quae conderet artus.

Ulpus, emeritis longaevi muneris annis

Ipse suo curam titulo dedit, ipse sepulcri

Arbiter, hospitium membris, fatoque paravit (1).

LXVI.

Accipe supremos, queis te donamus, honores,

Care Macre, et longum me cariture, vale.

Felix, qui commune malum, nec tanta videbis

Funera, quae nostra Barbarus in patria

Patrabit! Felix, tribuit cui Roma sepulcrum,

Cui tot amicorum iusta dedere manus!

Te Graecae, Latiaeque simul flevire Camoenae,

Et Medicina tuo maesta sedet tumulo (2).

LXVII.

L. SABINVS. L. L. PRIMIGENIVS

Ortus ab Iguvio, Medicus, fora multa secutus,

Arte feror nota, nobiliore fide.

(1) *Mus. Veron.* pag. 250. 7. 66.

(2) *Ex Bonada Vol. I.* pag. 428.

Me consurgentem valida Fortuna iuventa
 Destituit, rapidis imposuitque regis.
 Clusino cineres flammae cessere sepulcro,
 Patronus patrio condidit ossa solo (1).

LXVIII.

D. M

ANNIAE

AGATHONICES

Vita brevis longo melior mortalibus aevo,
 Nam parvo spatio floruit haec anima.
 Bis denos perfuncta annos, sine crimine morum,
 Vita beata fuit, spiritus hic nituit.
 At Patrum miseranda aetas anima cruciatur,
 Poenaeque de longo tempore longa data est.
 De senio luctus, senium fletu renovatur,
 Utraque res mortis tristior exitio.
 Dat tamen haec patronae pietas solamina fidae,
 Iugera quot terrae dedicat hic tumulus (2).

(1) Ex Ferret. pag. 302. Nimirum Sabinus Clusius crematus; sed patrono curante, ossa Iguvii condita.

(2) Apian. *Inscript. vetust.* pag. 88. Placuit afferre ob secundam syllabam correptam ad vocem *Patrona*, quod non semel in vetustis marmoribus occurrit.

LXIX.

Qui colitis Cybelen, et qui Phryga plangitis Attin,
 Dum vácat, et tacita Dyndima nocte silent;
 Flete meos cineres. Non est alienus in illis
 Hector, et hoc tumulto Mygdonis umbra tegor.
 Ille ego, qui magni parvus cognominis heres
 Corpore in exiguo res numerosa fui.
 Flectere doctus equos, nitida certare palestra,
 Ferre iocos, astu fallere, nosse fidem.
 At tibi dent Superi quantum, Domitilla, mereris,
 Quae facis, exigua ne iaceamus humo (1).

LXX.

Musica cum cantu resonares carmina, mire
 Adtas, parve puer, dulci celebratus amore,
 Morte gravi raptus taetra defungeris hora
 Immeritus, decimo praegressus nobilis anno.
 Set te noster amor memori pietate reformat.
 At quamvis te terra tegat miserabilis ima,
 Sic dolor in parvo crescit, referente sepulcro.
 Q. BVCVSVS. CRESCENS. ET. MINDIA. FORTV
 NATA. ALVMNO. BENE. MERENTI. FECER
 FILIO. MARTIALIS (1)

(1) Gruter. ad pag. 655. n. 3.

(1) Gruter. pag. 658. n. 10. Pro *Adtas* quidam legunt
Adstas. Verius puto *Adtas*, pueri, ut videtur, nomen.

MEMORIAE. M. LVCCEI. M. F. NEPOTIS.

SEX. ONVSI.

ANIVS.

Quum praematura raptum mihi morte nepotem
Flerem , Parcarum putria fila querens ;
Et gemerem tristi damnatam morte iuventam ,
Versaretque novus viscera tota dolor :
Me desolatum , me desertum , ac spoliatum
Clamarem largis saxa inovens lacrimis :
Exacta prope nocte , suos cum Lucifer ignes
Spargeret , et volucris roscidus iret equo ;
Vidi sidereo radiantem lumine formam
Aethere delabi ; non fuit illa quies ;
Sed verus Juveni color , et sonus , et status : ipsi
Major erat nota corporis effigie.
Ardentes oculorum orbes , humerosque nitentes
Ostendens , roseo reddidit ore sonos :
Adfinis memorande , quid o me ad sidera caeli
Ablatum quereris ? desine flere Deum ;
Ut pietas ignara superna sede locatum
Lugeat , et laedat lumina tristitia.
Non ego Tartareas penetrabo tristis ad Umbras ,
Non Acherontaeis transvehar Umbra vadis.
Non ego caeruleam remo pulsabo carinam ,
Nec te terribilem fronte timebo , Charon.
Nec Minos mihi iura dabit grandaevus , et atris
Non errabo locis , nec cohibebor aquis.

Surge, refer matri, ne me noctesque, diesque
 Defleat, ut moerens Attica Mater Jtyn.
 Nam me sancta Venus sedes non nosse silentum
 Jussit, et in Caeli lucida templa tulit.
 Erigor, et gelidos horror perfuderat artus,
 Spirabat suavi tinctus odore locus.
 Die nepos, seu tu turba stipatus Amorum
 Laetus Adonaeis lusibus insereris.
 Seu grege Pieridum gaudes, *divisque Camoenis*,
 Omnis Caelicolum te *chorus insequitur*.
 Si libeat thyrsus gravidis onerare *corymbis*,
 Et velare comam palmite, *Liber eris*.
 Pascere si crinem, et lauro redimitus *ovante*
 Arcum cum pharetra sumere, Phoebus eris.
 Indueris teretes manicas, *Phrygiamque tiaram*?
 Non unus Cybeles pectore vivet Atys.
 Si spumantis equi libeat quaterere ora *lupatis*,
 Cyllare, formosi membra vehes *equitis*,
 Sed quicumque Deus, quicumque vocaberis heros,
 Sic soror, et Mater, sic Pater incolumis.
 Haec dona unguentis, et sunt potiora *corollis*,
 Quae non tempus edax, non rapit ira Jovis (1).

(1) Refert Gruter. ad pag. 1123. n. 7. At nos, qualis in Fabrettio habetur cum supplementis, quae indicant literae currentes, retulimus; sed pro *die Nepos*, recudimus: *Die Nepos*. Ad carminis autem totius quod attinet iudicium, aut ego fallor, aut in eo integros Catullos, solidosque Propertios cernere est.

D. M

Quid sibi volt, quaeris, tellus congesta, Viator:

Ossibus hic uxor miscuit ossa meis.

EUPHROSYNE

Nobilis Euphrosyne, facilis, formosa puella,

Docta, opulenta, pia, casta, pudica, proba.

Fortunam mirare meam? verum exitus hic est:

Omnia mecum uno hoc composui tumulo.

I nunc, et quicquam votis melioribus opta!

Absmet tecum singula sarcophagus.

PARAGMIO

HERMODORO. PARAGMIO. ET.

L

EVPHROSYNE

PRAETORIS

PARAGMIAE. LIB. CARISSIMIS

NOMENCLATOR

HERMODORVS. PRAETORIS.

NOMENCLATOR. POSVIT

H. M. H. N. S (1)

LXXIII

DEPOS. VI. KAL. APRILES.

In freta dum fluvii current, dum montibus umbrae

Lustrabunt, combexa Polus dum sidera pascet,

Semper amor, nomenque tuum, laudesque manebunt,

(1) Fabrett. pag. 200. n. 490. Praetoris nomenclator ille dicebatur, cui munus eorum nomina clere, quos Praetor iusserat.

O dulcis coniux teneris erepta sub annis.
 Extinxisti hic meque simul, Matremque, Pa-
 tremque.

FL. PAREGORIVS. INIMITABILI. CONIVGI.
 FECIT (1)•

LXXIV.

D. M

Iniice, si pietas usquam est, suspiria, et imple
 Mecum, hospes, lacrimis marmoris hoc vacuum.
 Nam formae exemplum periit, cum obiit mea Ly
 Quam periere homines, vel periere Dii (2).

LXXV.

D. M. S

Sum castae cinerum lapis Puellae
 Custos. Me relegens pius Viator,
 Huius cognita si tibi fuisset
 Virtus, lacrimulis tuis rigares.
 EVODIAE. CYPARAE. ANN. VI (3)

(1) Idem ad pag. 191. n. 445. Marmor fortasse Christianum.

(2) Fabrett. pag. 64. num. 3.

(3) Idem num. 2.

LXXVI.

RHANIDI. SVLPICIAE. L

DELICIO

Nata brevi spatio, partu subiecta nec ante,

Testatur busto tristia fata Rhanos.

Namque bis octonos nondum compleverat annos,

Et rapta est vitae, rapta puerperio.

Praesentis tumulus duo funera, corpore in uno

Exequias geminas nunc cinis unus habet.

SVLPICIA. TRIONIS. L

RHANIS (1)

LXXII.

M. ANNIDIVS. M. L. PONTICVS. SIBI. ET. SABIDI

Docta lyra, grata, et gestu formosa puella

Hic iacet aeterna Sabis humata domu.

Caius fatales pensare optaverat annos

Pontius, huic coniux ultima dona dedit:

Hunc titulum, socios Manes, commune sepulcrum

.

(1) Idem ad pag. 44. num. 251. Rhanis, sextodecimo aetatis anno nondum expleto, puerperio obiit, antequam in lucem prolem suam edidisset: idcirco dicitur *nec ante partu*, idest, partui, *subiecta*.

(2) Idem ad pag. 80. num. 96.

LXXVIII.

Hic iacet Aquillius fatis extinctus iniquis,
 Egregius iuvenis, causarum Orator honestus.
 QVI. VIXIT. ANNIS. XXX (1)

LXXIX.

DVO. IVVAN. LVPI. ET. APRI
 Una Iuvaneiae Domus hos produxit alumnos,
 Libertatis opus contulit una dies.
 Naufraga mors pariter rapuit, quos iunxerat ante,
 Et duplices luctus sic periniqua dedit (2).

LXXX.

D. M
 Caesius Aequidicus iam centum clauserat annos,
 Felices annos! tot tulit una dies.
 P. P. (3)

(1) Gruter., ad pag. 652 num. 3.

(2) Idem ad pag. 658. num. 8. *Juvaneii* duo, *Lupus*,
 et *Aper*.

(3) Idem ad pag. 904. num. 9.

LXXXI.

Sic tibi praeterito redeat felicior annus,
 O Caper, et facili vita regatur ope.
 Nec durae mortis sacratos laedere Manes,
 Esse monent leges, et levis umbra rogi (1).

LXXXII.

Q. CETRONIVS. Q. F. FAB. PASSER
 MIL. COH. IIII. PR. ANNIS. XVIII. MISSVS
 DVOBVS. GENITIS. SIBI. ET
 MASVRIAE. M. F. MARCELLAE

Vixi, quod volui, semper bene, pauper, honeste,
 Fraudavi nullum, quod juvat ossa mea (2).

LXXXIII.

Ablatus mihi Crispus est, Amici,
 Pro quo si pretium dari liceret,
 Nostros dividerem libenter annos.
 Nunc pars optima me mei reliquit
 Crispus, praesidium meum, voluptas,
 Pectus, deliciae. Nihil sine illo

(1) Idem. ad pag. 905. num. 12.

(2) Ferrett. *Mus. Lapid.* L. IV. Mem. XXXIV. Cetro-
 ninus a stipendiis octodecim militiae vacationem assecutus est,
 idque verbum *missus* innuit.

Laetum mens mea iam putabit esse.
 Consumptus, male debilisque vivam.
 Plusquam dimidium mei recessit (1).

LXXXIV.

NICAGORAS. IOVI

Hocce Jovi clypei fragmen, gestamina laevae,
 Aerea, bellator Nicagoras posuit.
 Quidquid abest, nimbus telorum, et saxea grando
 Discussum, atque enses vulnifici abstulerunt.
 Qualiscunque tamen, servavit meque, mihique est
 Semper servatus millibus in mediis.
 Unibo, quem quisquis cernet, sancita videbit
 Spartaë scita, hosti quae dare terga vetat (2).

LXXXV.

Venerat Eoum quatiens Antonius orbem,
 Et coniuncta suis Parthica bella gerens;
 Dotalemque petens Romam Cleopatra Canopo,
 Hinc Capitolino sistra minata Jovi:
 Hinc invicta Deo fidebat Caesare Roma,
 Quae tunc paene suo pondere lapsa fuit.

(1) Idem pag. 459.

(2) Paulli Silent. *Anth.* L. 6. c. 25. n. 6. Refer. ad

SACRAS.

Deserta est Tellus, Classis contexerat aequor,

Omnia permisti plena furoris erant.

Fratribus heu! fratres, patribus concurrere natos,

Impia sors belli, fataque saeva iubent.

Hic generum, socerumque petit, minimeque cruentus

Qui fuit, hic sparsus sanguine civis erit.

Maevius a castris miles melioribus ausus

Hostilem saltu praecipitare ratem.

In damnum felix, et victor, ut impius esset,

Nescius, occiso Fratre, superbus erat.

Dum legit exuvias, hostiliaque arma revellit,

Fraternos vultus, oraque maesta videt.

Quod fuerat virtus, factum est scelus: haeret in hoste

Miles, et e manibus mittere tela timet.

Ille ferox: quid, lenta manus, nunc denique cesses?

Iustius hoste tibi, qui moriatur, adest.

Fraternam res nulla potest defendere caedem:

Mors tua sola potest: morte levanda tua est.

Scilicet ad patries referens spolia ampla Penates,

Ad Patrem victor non potes ire tuum.

Sed potes ad Fratrem. Nunc fortiter utere telo:

Impius hoc telo es: hoc potes esse pius.

Vivere sic poteris? potuisti occidere Fratrem?

Nescisti: sed scis. Haec mora culpa tua est.

Viximus adversis, iaceamus partibus iisdem.

Dixit: et in dubio est, utrius ense cadat.

Ense meo moriar maculatus caede nefanda?

Cui moreris, ferrum, quo moriari, dabit.

Dixit , et in Fratrem fraterno concidit ense ;
 Victorem , et victum condidit una manus.
 Siccine componis populos , fortuna , furentes ,
 Ut vinci levius , vincere sit gravius ?
 Occisum credens gaudebat Maevius hostem ,
 Infelix ! fratris sanguine laetus erat.
 Nec licuit non nosse scelus ; dum membra cruenta
 Nudat , in exuvias incidit ipse suas.
 Et scelus , et fratrem pariter cognovit ; et amens ,
 Hoc ago , ait , maius nunc tibi restat opus.
 Vincere victorem debes , defendere fratrem.
 Cessas ? ad facinus quam modo fortis eras !
 Terram , iura , Deos , bellum iam polluit ipsum.
 Quod civile fuit , fit quoque culpa gravis.
 His manibus patriae tu iam pia signa requiris ,
 Miles , in Antoni dignior ire rates ?
 Eripuit virtus pietatem : reddere virtus
 Debet. Qua rapuit , hac reparanda via est.
 Quid moror absolvi ? dixit : gladioque cruento
 Incubuit , iungens Fratris ad ora sua.
 Sic , Fortuna , regas semper civilia bella ,
 Ut victor victo non superesse velit (1).

LXXXVI.

Suetrius Hermes hic situs est , cui Tertia coniux
 Aram constituit digno , meritoque marito.

(1) Ex *Collect. Pisaur.* pag. 449. ex Burmanno.

Cum quo concordem vitam, multosque per annos
 Vixit, et heu! tenero casu subtracta marito est!
 De cuius fama multi cum laude loquuntur,
 Quod fuerit cultor Domini, rerumque et amator.
 Tu, qui transis, dic: sit tibi terra levis (1).

LXXXVII.

D. M. S.

Si quis forte *legens* titulum, nomenve requirit,
 Dorcadis inveniet ossa sepulta loco.
 Dum vixi, fui cara viro: nunc mortua quaeror.
 Set felix videor, si modo fama manet.
 CONIVX. THYMELICVS.
 CONIVGI. FECIT. SVAE (2).

LXXXVIII.

D. M.

TERENTIAE. P. F. ASIATICAE

P. TERENTIVS. QUIETVS. ALVMN

Hic iacet exanimum dilectae corpus alumnae,
 Quam Parcae insontem merserunt funere acerbo.
 Nondum etenim vitae decimum compleverat annum,

(1) Ibidem ad pag. 474.

(2) Marin. *Iscriz. Alban.* Cl. IV. pag. 109. Not. syn-
 aeresin ad vocem *fui*, vel syncopen potius vocalis *u*, nam
suei erat, quod post *sui* scriptum.

Et mihi crudeles tristem fecere senectam.
 Namque ego te semper, mea alumna Asiatica, quaeram,
 Adsidueque tuos voltus fingam mihi moerens,
 Et solamen erit, quod te iam iamque videbo,
 Cum vita functus iungar tuis Umbra figuris (1).

LXXXIX.

Hic sum Bassa sita, pia Filia, Virgo pudica,
 Excedens cunctas ingenio aequales.
 Cum mihi bis quinos annos mea fata dedissent,
 Undecumque me non licuit perducere annum;
 Cumque Pater, Materque Deos pro me adlarent,
 At saevos Pluto rapuit me ad infera templa.
 Opside me, Parcae finem fecisse videntur,
 Cum ante alios, vernas tres rapuere mihi.
 Si quis forte mea gaudet de morte iniqua,
 Huic sit iniqua Ceres, perficiatque fame.
 CAECINIAE. S. F. BASSAE (2).

(1) Idem ad pag. 127. *Tis* pro *tuis*, sequente vocalem priorem absorbente, cum contractio in una, eademque voce obtineat; vel magis de sincope cogita ad litteram *u* sic *sos* pro *suos*, et caetera porro horum similia.

(2) Ex *Mus. Veron.* pag. 258. 2. Remotioris vetustatis, libertatisque poeticae characteribus insignitum epigramma. Quod primus pentameter iu spondacum desinere videtur, recolantur, quae hac de re dicta alio loco sunt. Secunda in *adulto* correpta, multato altero *u* ab *uu*, a quo imitando sibi temperent tirones. *Opside* pro *obside*.

XC.

VOLVMNIAE. ISIAE

Ossa sub hac lapidum felicia mole quiescunt:
 Sacra animam innuptae virginis aula tenet (1).

XCI.

D. M.

Nomine, quo Genitor mihi dicitur, hoc ego vixi
 Telephus est genitor, Telephus ipse fui.
 Augustina Parens quarto me flebilis anno,
 Ter decimoque die perdidit orba satum.
 Non igitur, lector, lacrimas? decepit utrosque
 Maxima mendacis fama Mathematici.
 TELEFHI. DVLCITI (2).

XCII.

Heu crudele nimis fatum! dua funera maerens.
 Plango vir, et genitor flebile mersa Deo.
 Sat fuerat, Porthmneu, cumba vexsisse maritam,
 Abreptamque mihi sede iacere tua.
 Adiecit Chloto iteratum rumpere filum,
 Ut natum raperet tristis, ut ante, mihi!
 Me decuit morti prius occubuisse supremæ,
 Tuque mihi tales, Nate, dare obsequias.
 Ad tu ne propera, simili qui sorte teneris,
 Tute annos titulo nomina ut ipse legas.

(1) Murator. pag. 1767.

(2) Fleetwood *Syllog.* pag. 268.

Illa bis undenos vixit, natus quoque senos :

Nomen huic Prorus, huic quide' Athenaidis.

Quas ego, quas Genitor pro te dabo, Nate, querellas,
Raptum quem stygio detinet unda lacu?

Quam bene bis senos florebas, nate, per annos,
Credebamque Deis vota placere mea.

Stamina ruperunt subito tua candida Parcae,
Abstuleruntque simul vota, precesque mihi.

Cum te, Nate, fleo, planctus dabit Attica Aedo,
Atque comes lacrimis veniet pro coniuge Siren,
Semper ut Alcyona flebit te voce suprema,
Et tristis mecum resonabit carmen et echo,
Oebaliusque dabit mecum tibi murmura cycnus (1).

XCII.

MVRRÆ. ET. VERECUNDO. MVRRANI. FILIS.

Qui legis, has pueri moribundas perlege voces,
Et lacrimam fatis da, gemitumque meis.

Murra Patris primum referens e nomine Patrem
Amborum effigiem, matre favente, tulit.

Bis mihi septenos aetas ostenderat annos,
Certaue iam nostri fama pudoris erat.

(1) Fabrett. pag. 702. n. 235. *Cumba* pro *cymba*. Ad vers. 10. pro *dunc* recudimus *tute*, vel si mavis *hoc*. Pro *et comes* dedimus *atque comes*. Non bene se animatum in carninis auctorem Bonada præbet, quem et garrulitatis insinuat, et de tacito Filii nomine reum agit.

Cum subitae *mortis*, proh ! fallax caussa fuisti
 Lusus, et aequalis non inimica manus.
 Nam temere emissus, non ad mea funera, clavus
 Haesit, et in tenero vertice delituit.
Vos tanto primum perculsi vulnere, Manes
 Parcite iam luctu sollicitare meos.
A decimo, *Murra* (*hoc* posuistis funere nati)
 Trimus, et in decimo Mense, sepulte, iaces.
Criminis at quando nos ad se fata vocarunt
 Immunes, nostris ossibus urna sat est (1).

XCIV.

CINIRA. MATER. SIBI. ET FILIIS

Hoc Epios tumulo Cinir est cum Patre sepultus,
 Ante suos annos quos tegit atra dies.
 His tumulum parvum Mater cum carmine fecit,
 INGENIO. QVORVM. TERRAM. OPTATE.
 LEVEM (2).

(1) Spon. *Miscellan. Erud. Antiq.* pag. 173. Quae a versu 12. et deinceps currentibus literis notata, haec suppleta a nobis utcumque noverit Lector. Nihil enim meminimus nobis adolescentibus contingere molestius consuevisse, quam in similibus sententiae interruptionem.

(2) Fabrett. pag. 284. n. 188.

XCV.

D. M.

Parvulus hic situs est. Vixit tris usque per annos :
 Inque novem menses , invalidosque dies.
 Nomine Grisologus , amabilis usque erat infans,
 Flebilis , et misere raptus ad inferias.
 SATVRNINVS. FILIO. VELIA. LALEMA DELE-
 CATO. SVO. POSVIT (1).

XCVI.

AN. I. M. V. D. X.

DIS. MANIBVS.

PRIMILLA. F. SVO. ISMARO

Hoc tibi dat tumulum pietatis nomine Mater ,
 Et properat intro *solvere iusta. Vale* (2).

(1) Idem ad pag. 262. *Delecati* epitheton puporum proprium , quo Velia Lalema Saturnini Filium ornat.

(2) Ex *Mus. Veron.* pag. 358. Haud raro in fronte marmorum defunctorum annos suis cum mensibus , diebus , et horis est legere , ut in hoc nostro. Ut *titulus* et *titulum* saepiuscule , sic nunc primum *tumulum* in genere neutro occurrit.

XCVII.

D. M.
RESTITVTAE

Hoc castae iacet in tumulo pars magna Puellae,
Orbati dolor infelix utriusque Parentis,
Coniugis aeternum lacrimoso crimen amore,
Et cito desectae sobolis miserabile fatum.
Da quicumque legis, fletus, et parce sepulcro (1).

XCVIII.

D. M. SACRVM
TARQVITIAE. MODESTAE. QVAE. V. A. XV.
M. VI. D. VI. MODESTVS. ET. LICINIA
PARENTES. LACENIVS. MARITVS. C. QVAM.
DVLC.

Nam fuit eximia specie, miroque decore,
Membraque erant vere pectore digna suo.
VALE. VALE. DVLCISS (2).

(1) Murator. pag. 1736.

(2) Flettwood *Syll.* pag. 268. *C. quam lege: Coniugi
quam dulci.*

XCIX.

LAELIAE. CLEMENTINAE
 VXORI. INCOMPARABILI
 Q. FVRIVS. SECVNDVS. MARI
 TVS. ET. SIBI. VIVVS FECIT

Functa iaces hic: set vivis, vivesque Secundo
 Laelia tuo; debent nec benefacta mori.

Te, Tellus, sanctosque precor pro coniuge Manes,
 Vos ite placidi, tu levis ossa tegas.

VIXIT. ANNIS. XXVII (1).

C.

.D M.

TI. CLAVDIVS. ESQVILINA. AVG. TIBERI-
 NVS Hic. SITVS. EST. FECIT. TAMPIA.
 HYGIA. MATER. FILIO. PIENTISSIMO

Tu quicumque mei veheris prope limina busti,
 Supprime festinum, quaeso, Viator, iter.

Perlege signum. Quam doleas pro funere acervo,
 Invenies titulo nomina fixa meo.

(1) Ex *Mus. Veron.* pag. 173. n. 1. *Laelia tuo* sic tribue:
Lel-ia-tu-o; vel si mavis, facta sincope ad vocem *tuo*, sic:
Lae-lia-to de-bent. Utrumque enim non uno se exemplo tue-
 tur. Pro ultimo en tibi de Festo exemplum:

Quam de tuas omnis legiones, ac popularis.

Pro priore exemplum est in *ariete*, et similibus. Fer-
 retus pro *Laelia* habet: *Lella*.

Roma mihi patria est : media de plebe Parentes ;
 Vita fuit nullis tunc violata malis.
 Gratus eram Populo quondam , notusque favore ;
 Nunc sum defleti parva favilla rogi.
 Quis bona non hilari vidit convivium voltu ,
 Atque meos mecum pervigilare iocos ?
 Quondam ego Pierio Vatum monumenta canore
 Doctus cygneis enumerare modis :
 Doctus Maeonia spirantia carmina versu
 Dicere , Caesareo carmina nota Foro.
 Nunc Amor , et nomen superest de corpore toto ,
 Quod spargit lacrimis , maestus uterque Parens.
 Serta mihi , floresque novos mea gaudia ponunt ,
 Fusus in Elysia sic ego vallē moror.
 Quod meat in stellis , deit hinc quod Pegasus ales ,
 Tot mea natales fata dedere mihi (1).

CI.

Virginis hic tenerae , Lector , miserere sepulcro :
 Unius huic lustrī vix fuit arta dies.
 O quam longinquae fuerat dignissima vitae !
 Heu ! cuius vivit nunc sine fine dolor.

(1) Apud Ficonon. *Delle Maschere* pag. 22. Claudii anni duobus postreminis versibus κατά poeticam τὴν περιφρασιν describuntur , numeroque acquasse discimus sidera viginti , per quae meat Pegasus , dehinc deit , hoc est regreditur. Claudii igitur vita annorum quadraginta. Quod pro quoto.

Addamus meritis lacrimas tam mortis acervae,
 Nam quae grata forent, sunt modo flenda diu.
 Haec Theodotae habuit nomen, quae gaudia matris
 Perculit aeterno vulnere rapta cito.
 Sola tamen tanti restant solatia luctus,
 Quod tales animae protinus astra petunt.
 VIXIT. AN. III. MEN. VII. D. XXV.
 DEP. III. NO. SEP (1).

CII.

Artibus ingenuis cura perdocta suarum,
 Sortita egregium corporis omne decus;
 Nondum bis septem plenis praerepta sub annis
 Hac Corale casta condita sede iacet.
 Ludite felices, patitur dum vita, Puellae:
 Saepe et formosas fata sinistra ferunt.

CIII.

MINICIA. FORTVNATA. SIBI. ET. MI-
 NICIAE. TRYFENAE. LIB
 Quaerere cessavi numquam, nec perdere desii.
 Mors intervenit. Nunc ab utroque vaco.

(1) Fabrett. pag. 191. num. 439. Christianum sine dubitatione marmor.

(2) Gruter. ad pag. 908. num. I.

(3) Ferret. *Mus. Lap. I.* I. Mem. XXV.

CIV.

VIBIA. C. D. L. LATINA. F

VIXIT. AN. XIX

C. VIBIVS. C. L = C. VIBIVS. C. C. L = P. RABIRIVS. P. L

HELENVS

FELIX

HILARVS

Quae tibi cuncta mei potuerunt pignora amoris ,

Nata , dari , populo sunt lacrimante data.

Et volui inaiora nimis. Sed cura meorum

Fida tui prohibet me cinerem esse rogi (1).

CV.

DIIS. MANIBUS. SACRVM

L. MANLIO. L. F. OVF. MONTANO

L. MANLIVS. GLAVCIO. SIBI. ET

ANIMISIAE. C. L. RESTITVTAE. VX

L. MANLIO. L. F. OVF. APRO

Manlius hic situs est Montanus, raptus iniqua ,

Femineaque manu. Insperans incidit aetas.

Fas erat, ut potius natus pia funera nobis

Penderet, et dignos coleret Manesque, Patresque,

Si Fortuna pie servasset vota Parentum (2).

(1) Apud Gruter. pag. 1000. num. 9. Vibiae , Caii , et
 Caiiae Libertae , Latinae , quae vixit annis novemdecim , a Pa-
 tre Vibio monumentum positum. C. C. sunt : *Caiorum*
duorua.

(2) Idem ad pag. 1133. num. 7.

CVI.

D. M.

AELIAE. P. F. SABINAE. DVLCISSIM

AEBIVS. TROPHIMVS. ET. LVCINIA

SABINA. PARENTES. FECERVNT

Quisquis ades, celeri gressu, precor, ito, Viator,
 Ito procul, et linque nefas, tibi dico, Viator,
 Parce oculis, nec nostra velis cognoscere fata,
 Sanguinea palla quae texit provida Clotho,
 Et pavit, rupisse suas quoque fila Sorores (1).

CVII.

L. VETIVS. NYMPHIVS

AVRIFEX. V. A. XVII

Et te, Terra, precor, leviter super ossa residas,
 Sentiat ut pietas praemia, quae meruit.
 Et quicumque suis sincere praestat honorem,
 Felicem cursum perferat ad Superos (2).

(1) Fabrett. ad pag. 238. num. 635. Fere in funebribus ellogiis, ut sistant gradum, Viatores rogantur. Hic contra, ut celerent, ne oculi funere immerito puellulae dulcissimae veluti foedentur.

(2) Idem pag. 285. num. 193.

CVIII.

SCOPENI. VIX. ANN. XI. VETTIA

NATALIS. VETTIA. PRIMA. P

Fato crudeli si qua est erepta Puella,
 Certe ego, quae Dominae cara puella fui;
 Quae me omnes artes docuit, doctissima cumque
 Essem, rapta Scope nunc tegor hoc tumulto. (1).

CIX.

EPITAPHIVM. REMO. ET. ARCONTIAE

QVI. NATIONE. GALLA. GERMANI

FRATRES. ADVLTI. VNA DIE

MORTVI. ET. PARITER. TVMVLATI

SVNT.

Haec tenet Urna duos, sexu sed dispare, fratres,
 Quos uno Lachesis mersit acerba die.
 Ora Puer dubie signans lanugine vestis,
 Vix hiemes licuit cui geminare novem.
 Nec thalamis longinqua Soror trieteride quinta
 Taenarcas crudo funere vidit aquas.
 Ille Remi, Latio fictum de sanguine nomen,
 Sed Gallos claro germine traxit avos.
 Ast haec Graiugenam resonans Arcontia linguam
 Nomina Virginio non tulit apta choro.
 DEPOSITI. NONIS. NOVEMB. CONS. DIOSC. V. C. (2).

(1) Idem ad pag. 191. num. 444.

(2) Idem ad pag. 112. num. 277. Ineptit vates in *Arcon-*

Quicumque es, puero lacrimas effunde, Viator.
 Bis tulit hic senos primaevi germinis annos,
 Deliciumque fuit Domini, spes grata Parentum,
 Quos male deseruit longo post fata dolori.
 Noverat hic docta fabricare monilia dextra,
 Et molle in varias aurum disponere gemmas.
 Nomen erat puero Pagus: at nunc funus acerbum,
 Et cinis in tumulis iacet, et sine nomine corpus.

QVI. VIXIT. ANNIS. XII.

MENSIBVS. VIII. DIEBV. XIII. HO. VIII (1).

CXI.

ANTONIAE. L. F. MAVRAE
 MARITAE. PISSIMAE. DULCISSIMAE
 RARISSIMAE. CASTISSIMAE
 TI. CLAVDIVS. SPERATIVS. MARITVS
 INFELICISSIMVS. V. A. XXXIII. D. XXXIX

tiae nomine, quod non aptum esset virginio choro. Dioscori Consulatatus incidit in ann. Chr. 442.

(1) Idem ad pag. 184. num. 400. *Delicium*, *delicia*, *delicatus*, *delicatusculus*, *issulus*, *issula*, *pupus*, *pupulus*, *pupa*, *pupula*, *titus*, *iaa*, puerorum, puellularumque propria vocabula in adblandiendi vim usurpata.

Itala me rapuit crudeli funere Tellus,
 Dum foveo assidua sedulitate virum.
 IN. FRONTE. P. V. IN. AGRO. P. VIII (1).

CXII.

Umbrarum segura quies, animaeque piorum
 Laudatae, colitis quae loca sancta Erebi;
 Sedes insontem Magnillam ducite vestras
 Per nemora, et campos protinus Elysios.
 Rapta est octavo, fatis instantibus, anno,
 Carpebat vitae tempora dum tenerae.
 Formosa, et sensu mirabilis, et super annos
 Docta, decens, dulcis, grataque blanditiis.
 Perpetuo talis gemitu, lacrimisque colenda
 Infelix, aevo tam cito quae caruit!
 An felix aegrae potius subducta senectae?
 Sic Hecuba flevit Penthesilea minus (2).

CXIII.

PVDENS. M. LEPIDI. L. GRAMMATICVS
 Procurator eram Lepidae, moresque regebam.
 Dum vixi, mansit Caesaris illa Nurus.
 PHILOGVS. DISCIPVLVS (3).

(1) Idem ad pag. 299. num. 71.

(2) Idem ad pag. 377.

(3) Gruter. pag. 655. num. 2. Lepidam Augustus L.
 Caesari primum, hoc deinde mortuo, C. Caesari, aut Ti-

CXIV.

Nonum post decimum compleras nubilis annum ,
 Vibia crudeli funere rapta viro.

Dum tibi progenies animo , dum fidis in illa ,
 Heu facinus ! victrix , me tua vota gravant.
 Molliter ad matrem placidi descendite Manes ,
 Elysiis campis floreat umbra tibi.

N. ATEIVS. EPAPHRODITVS (1).

CXV.

Rapta iaces nobis , quos Mater ad ubera liquit ,
 Atque viro pariter , quem citò destituit.
 Triste ministerium gemini solvere Parentes ,
 Funere de tanto quos coquit ipse dolor.
 DEPOSITO. SVPERAE. DIEM. QVINCTVM.
 KL. IVLIARVM CONSVLE. CONSTANTIO.
 V. C. QVAE. VIXIT. ANN. XXVII (2).

berio fortassis despondit , ni mores Lepidae obstissent , ablegato a se Pudente.

(1) Ex *Mus. Peron.* pag. 170. num. 4. *Victrix* dicitur Vibia viro suo , quod ab illius votis viri vota sint praegravata , qui uxorem sibi superstitem optasset. Nota N. *Numerium* praenomen designat.

(2) Murator. pag. 400. num. ult.

CXVI.

D. M. S.

Decimus a prima sectatus castra iuventa ,
 Circitor morior , praemia parca , senex.
 Qui nulli gravis extiteram, dum vita manebat ,
 Hic functo aeternum sit mihi terra levis.
 Dat Patruo ob meritum feralem Flavius urnam ,
 Ninnius et cinerem spargit odore gemens (1).

CXVII.

DIS. MANIBVS

Q. VOLVSI. SP. F. LEM. ANTHI

Parvolus , in gremio communis forte Parentis
 Dum ludit , fati conruit invidia.
 Nam trucibus iunctis bubus tunc forte Noveli
 Ignarum Rector propulit Orbe rota.
 Maestus uterque Parens , postquam miserabile funus
 Fecit , inferiis munera summa dedit.
 Hunc Antho tumulum , male deflorentibus annis ,
 Pro pietate pari , composuere suo.

(1) Gruter. ad pag. 540. num. 4. Aterni monumentum repertum. Circitoris , sive Circatoris officium erat , militum vigiliis circuire, quo hi muneri suo in stationibus vacarent. Vid. *Veget.* Lib.III. Cap.8. Notandum, *i* in *Circitor* productum, quod fere corripitur.

Q. VOLVSIVS. Q. L. ANTHVS. PATER. FECIT
 SIBI. ET SILIAE. Q. L. FELICVLAE. CONIVGI
 . SANCTISSIMAE VOLVSIAE. Q. F. NICE
 Q. VOLVSIO. Q. F. ANTHO FILIAE. Q. L. NICE.
 C. SILIO. ANTHO
 IN. FR. P. VI. IN. AG. P. IIIS (1).

CXIX.

* * E T R E I A T H E

* T

E I

T S

R *Mulier Stolata.* SE *Etreia Thetis sita* I

I hic est. T

A A

T H

H I

E T I ——— H I C

Os cineri mistum , rapido cum decidit igni ,
 Inseditque super flava favilla rogo ,
 Pondere subiecto Thetidis , componimus: ossa
 Grata inagis Terrae , quam tibi Luna , Capys.
 Id sumus , ut cernis : Titulo donamur inani ,
 Serta quod , et tumulum , florida saepe ligant ;

(1) Marinius *Atti e Monum. Frat. Arvali.* P. I. pag.
 123. P. IIIS. Ped. III. cum semisse. LEM. *Lemoniam* Tri-
 bum innuit.

Ac teretes onyches fusi, gracilesque alabastris,
Dispositum ac pomum temporis omne sui (1).

SCHOLION.

Scilicet hoc mentis humanæ fatum, ut etsi maxime velit, in idque unice intendat, numquam tamen sibi caveat satis. Cum igitur quaedam per viam incogitantibus exciderint, in hæc ne lector incautus offeudat, monendus.

1. Ad pag. 17. ad vers. ult. in quo hæc habentur: *quod tamen factum in verbis primæ, et secundæ coniugationis nusquam memini*, deleto verba: *et secundæ*.

2. Ad pag. 46. not. ad. voc. *Iliadas* adde: Heinsianam vocis huius emendationem demum videre contigit apud Burmannum, quam is *felicissimam* ait, cuique nos manu plaudimus utraque. Est autem huiusmodi

Phyllidos armatas sollicitare manus.

Quid igitur de divinatione nostra?

(1) Marin. *Frat. Arv.* p. I. p. 83o. Aquini effossum epigramma, elegans sane, sed paullo fortasse subobscurius, quam pro tironum captu. Sensus est: Etreiæ Thetidis ossa, et cineres, reliqua e rogo, terræ (sic enim restituendum, quod legitur *teræ*) commendari: ossa Thetidis gratiora terræ esse, quam Luna Capy grata est. Capy accipiendam puto pro agro Campano, qui Luna præcipue gaudet ob suam planitiem, foecunditatemque. Post hæc nihil reliqui est, quod Etreiam contingat. *Id sumus ut cernis. Excipe titulum inanem*, quo donamur, quod titulum, et *tumulum*, sæpe ligant *florea sarta*, et *onychis fusi*, et *graciles alabastris*, et *poma*, quæ suo quæque tempore ad tumulum de more afferrentur.

Hanc tanti , quanti quisque volet , faciet.

Quae si forte non improbabilis omnino videatur , *armatae manus* intelligendae ludicro quovis flagello ad terrendi speciem , quo Epicuri discipuli , quasi in feriandum segnes , sollicitarentur.

3. Ad pag. 101. ad not. adde cit. Ptolemaei. *Anth. L. 1. C. 46. n. 5.*

4. Ad pag. 125. ver. 2, ubi habes , *lilia , sintque rosae* , lege : *Sint ia , sintque rosae*. Sunt autem *ia* violae genus , quod ultro innascitur arvis.

5. Ad pag. 132. recurrit Epigramma allatum pag. 36. v. 1. *Nymphae ad fontem dormientis*. Quod extat ad pag. 132. ad marmorum Borbonicorum familiam vere pertinet , secus aliud. Est tamen aliquid , quo alterum ab altero differat , quod videsis utrumque conferendo.

6. Ad pag. 132. in Not. n. 3. *consita* pro simul genita si cui placeat et pro *simul sita* , sive *sepulta* , accipere , liberum esto , veteresque illi inscriptiones favebunt , in quibus voci huic videre est talem subiectam notionem.

ERRATA.

CORRIGE.

Pag. 25. v. 20. <i>mittere.</i>	<i>remittere.</i>
Pag. 32. v. 10. <i>sequitu.</i>	<i>sequitur.</i>
Pag. 48. v. 10. <i>Optavit.</i>	<i>aptavit.</i>
Pag. 76. v. 12. <i>quies.</i>	<i>queis.</i>
Pag. 80. v. 5. <i>adlucurunt.</i>	<i>adluerunt.</i>
Pag. 96. in. not. <i>tempor'ia</i>	<i>temper-i</i>
Pag. 121. v. 7. <i>VLIIAE.</i>	<i>IVLIAE.</i>
Pag. 148. <i>DINERES.</i>	<i>CINERES.</i>

PARNASSI LAPIDARII

FRUCTUS CADUCI

SIVE

Auctoris τα παραλιπομενα quaedam.

I.

Ingens Aphronimo mens est: quis denique nescit?

Sed pro taurina mole pusilla tamen.

Hinc isti dum tota vacat noctesque, diesque,

Non habet, officiis quo vacet ipsa suis.

Aphronime, hanc augere cupis? iam detrahe ab illa.

Quantum, inquis? quantum sat culici reliquum.

II.

Stulti inepta sollertia.

En: quanti piper est? Rudis inquit, praebet et assem:

Tantumdem et pensat Venditor ad trutinam.

Sed modicum chartae est, quo amicitur. Restitit ille,

Atque doli metuens abnuat accipere.

Hic piper imminuit, chartam sed callidus auget,

Quo Rudis ornatus munere laetus abit.

III.

DOMINICO. DE. HIERONYMO
 A. CRIMIN. IUDICANDIS. II. CVR. NEAP.
 PRO. PRAEF. INTEGERRIMO.
 IN. GALLVM. INDICVM. DELATIO

Hic reus est mortis : sed mortem indicere sonti
 Me sancti prohibent iura ministerii.
 Mitto tibi , Nemesis cui iura cruenta tributa ,
 In quem lunatam litterulam iacias.
 Ne desim officio ipse meo , post funera condi
 Delatum , sine me , ne sine sarcophago.

Titulus.

Ut licuit , tumultum tibi fecimus , Indice Galle.
 Nunc tumulto ipse tuo ne gravis esse velis.

IV.

Tu ne crede oculis : per agros nam currere dices ,
 Quae manet in solido marmore scalpta lepus.

V.

In turpem livorem.

Unde vapor , Tulli , qui nostras inficit auras ?
 Scilicet infernae triste Mephitis opus.

Quidve petit? radios Orbi subducere Phoebi.

Quid Phoebus? transit. Quid vapor? aura, nihil.

VI.

Stulta invidia.

Triginta e centum foetura bidentibus agnos

Dat Lyco; habetque unam vix Meliboeus ovem.

Dat binos haec. Triginta tamen invidet illi,

Felicemque Lycum ter Meliboeus ait.

Tum Lycus: adde tuis nostros; mihi at addito Matres,

Non pro foetura, sed capitum numero.

Nil Meliboeus ad haec. Tantum qui pallidus ante,

Contaminata rubris praebuit ora notis.

VII.

Equus, et Asinus.

Iam Circi medium fortasse tenebat Asellus:

Stabat Equus, nullo sollicitante, piger.

Dedecus hoc, ait ille, stat ad testudinis instar,

Vix credens, nobis tam bene stare pedes.

Ventus Equo haec tulit: hic vento velocior ipso

Carpit iter tacitus, transiluitque Asinum:

Qui cernens insueta sibi miracula cursus,

Et rudit, et pedit, rumpitur invidia.

VIII.

*Musae contumaces nil pro praesenti suggerunt
ad implendum tetrastichi locum.*

Vos peto? terga datis. Non quaero? occurritis ultro.
Est et musarum faemineum ingenium!
Sed valeant musae, quando sine numine tali,
Adplicuit iam, quo cymba tetendit iter.

XI.

Stulta petitio prudenti responso eliditur.

Carmina poscit Athos: promittit carmina Taurus.
Quae tamen, hic subdit? graeca, reponit Athos.
Cum beta Taurus graecum balbutit et alpha;
Haeret at in gamma. Caetera quid memorem?
Nec pudor idcirco mentem Tauro abstulit, immo
Cum verbis mentem sufficit ipse pudor.
Et graecas, inquit, puto te novisse Calendas.
Dum redeant, tolere: carmina graeca dabo.

X.

In petitozem importunum.

*Dic, da, fac, tria tela manu geris, Hostice, semper,
Et latus assidue, pectus, et ora petis.*

Proiice tela manu : miserum sat cernis *habere*.
 Vel primum retine , caetera proiicito.

XI.

Superbiae crimen depellitur.

Quod praestem ingenio tibi , nominor inde superbus,
 Talem et , Mopse , putas. O caput insipidum !
 Quis non hoc , duplo, et decuplo tibi praestet, et ultra?
 Ergo superbi omnes. O caput insipidum !

XII.

Ad Trojanum Comit. Marullum.

Macte Marulle animo , numquam tua fama peribit ,
 Tam bene qui patriae consulis historiae.
 Nam qui , tanta virum vivant ut nomina , curas ,
 Qui vir non celebret ? qui periturus eris ?

XIII.

Eusebius , et Eurillus.

Ut sapiant pueri , discant ut vivere honeste ,
 Qua re , qua factis , praecipit Ensebius.
 Nec satis hoc. Verbum verbo praecepta referri ,
 Alius ut maneant , imperat assiduus.

Ut *Pontem* vitent, gravius praeceperat olim,
 Qui sonat *Obscurus*, notus at ipse satis.
 Mox iubet, Eurillum dictata referre docentis,
 Ne forte incautis exciderent animo.
 Et *Pontem*, hic inquit, prohibes tam saepe subire,
 Quem *Nigrum* semper dicere te, memini.
 Tam saepe, Eusebius clamat, Mastygia? saepe!..
 Edixi: *numquam*, verbero, *numquam*.. At ego..
 Quid plura? hic iam tertius annus: dicere *numquam*,
 Iratus nondum destitit Eusebius.

XIV.

Inepti erudituli.

Pauca quibus novisse datum, quae contigit ipsis
 Noscere, si nescis, te nihil esse putant.
 Siqua alii norint, sint quamvis bella, quod ipsi
 Ignorant, pariter pro nihilo reputant.
 Quid facias his, qui sapiunt sic, docte Camille?
 Et sapere hos dices, sed sapere insipide.

XV.

SECVRITATI. MEMORIAEQ. AETERNAE

OCTAVI. CLARITIAE. BENEDICTI. F.

DOMO. SÆPINATE

V. CL. SAC. THEOL. MAG. EX. ORD. PRÆ-

DICAT. S. MARC. CAVOT. PRIOR. PROVINC. III

Vidit, et integrum, me nonagesima messis.

Tertia surgebat. Non datur ulterius.

Si numeres annos, vitæ si præmia spectes,

Illorum satis, hæc nulla fuere mihi.

Dum vixi, vixi. Viventem corripuit Mors.

Mortuus et chartis vivo, loquorque meis.

DEP. D. XVI. KAL. MART. MDCCCXXII

RAYM. G. MEMORIS. ANIMI. CAVSSA. P. C.

XVI.

Allegoria.

Qui veterum assidue lustrans monumenta, laborum

Eunus doctorum præmia sæpe tulit;

Incidit in marmor, quod non fas dicere priscum;

Sed purum, et Parium, credidit ille tamen;

Extundi unde aliquid prisci fortasse saporis

Posset, tractaret si modo docta manus.

Nonus et a decimo prope iam iam impenderat annus,

Eunus quo marmor sedulus usque polit.

Dūm putat, inde aliquid tantis par cernere curis,
 Pene est oppressus marmore praecipiti.
 Sero, alia tractanda manu nova marmora, sensit
 Eunus; et ad veteres se recipit lapides.

XVIII.

In Erycem vanum, atque ebriosum.

Est formosus Eryx, Deus est. Sic praedicat ipse,
 Quem pereant pupae, quem pereantque Deae.
 Quis dedit, esse Deum? formae exemplum unde petitum?
 Quaeritur, in partes Diique, hominesque abeunt.
 Bacchus ad haec inquit: solus vinaria tota
 Terret, et haurit Eryx. Ipse dedi, esse Deum.
 Dicere de forma superest. Minotaurus et illis,
 Mulciber his, aliis tu, Polypheme, places.
 Socrati Aristophanes dat primas. Addit at idem:
 Bis tamen exemplar vicit Eryx Socratis (1).

(1) Socratis formam Sileni simillimam norunt antiquitatis studiosi. Quin cum Xenophon in *Conv.* pag. 883. *Silenorum omnium turpissimum* vocat.

XX.

De Caesare, et Pompeio.

Stamina Pompei *Caesar*, pompamque *cecidit*:

Sic fato aptatur nomen utrumque suo.

A *caedo* caedens, *caesusque*. Hinc *caesus* et ipse

Fati implet tandem *Caesar* utramque vicem.

XXI.

De Archilyco, et Euno.

Bis senos habet Archilycus male fidus amicos,

Quos putat esse hostes, et simul adgreditur.

Archilycus, quamvis acer, tamen omnibus impar

Unus, cum denis transigit, ut licuit.

Iam superest Vindex, et qui Archilycum unice amabat,

Eunus: at hic, prae illo, mitior ingenio.

Vindice et, Archilycus, misso, ruit omnis in Eunum,

Quod nempe est habitus viribus inferior.

Quod partem insequeris peiorem, clamitat Eunus,

Archilyce, hoc laudo: sic Schola namque docet.

Quod tamen immeritum sic insectaris amicum,

Laudet, qui leges nescit amicitiae.

Nec mirum, qui se iam non hominem putat, illum

Humani expertem iuris, et officii.

XXII.

Marm. Mus. B. ab. A. descr. coll. dig. et illustr.

Ut taceant Cives , tantum potuisse laborum
 Unam humeris hominem sustinuisse suis ;
 Clamabunt Lapides ; omnis clamabit et aetas ,
 Si modo non aetas omnis erit lapidum .

XXIII.

Plurima Pantolabus collegit pauca serendo :
 Eunus multa serens colligit inde nihil .
 Nec tantum numero praestant , quae severat Eunus ,
 Pantolabi at praestant conditione satis .
 Nil fruges meritae . Caeli natura , solique
 Et favet una malis , et nocet una bonis .
 Scilicet haec fati sors , ut non omnia possit
 Quivis ! Hinc serit hic , colligit inde alius .

XXIV.

Coronis.

Sunt hi decidui fructus ex arbore tanta ,
 Quos tanti , quanti quisque volet , faciet .
 Prae culta , exiguum munus . Felicior ipse ,
 Assidueque colens , uberiora legas .

A SUA EMINENZA REVERENDISSIMA

*Il Cardinale Arcivescovo di Napoli, Presidente della
Giunta Permanente di Pubblica Istruzione.*

EMINENZA

Il Direttore della stamperia della Società Filomatica desidera stampare l'opera intitolata *Prosodiae latinae fundamenta ec. Raymundi Guarini*.

Prega perciò l'Eminenza Vostra Reverendissima di accordargliene il permesso -- Vito Buonsanto.

Addì 19. Gennajo 1822.

Per disposizione di Sua Eminenza, il Regio Revisore Signor D. Biagio de Robertis avrà la compiacenza di rivedere la soprascritta opera, ed osservare se vi sia cosa contro la Religione, ed i dritti della Sovranità, col farne in iscritto rapporto alla Giunta.

*Il Membro della Giunta Deputato
FERDINANDO CANONICO PANICO.*

A SUA EMINENZA REVERENDISSIMA

*Il Signor Cardinale Arcivescovo di Napoli, Presidente
della Giunta Permanente di Pubblica Istruzione.*

Per mezzo del Signor Canonico Panico, Membro, e Deputato della Giunta Permanente di P. I. si è compiaciuta V. Eminenza Reverendissima in data de' 19. del prossimo caduto mese sottomettere alla mia Revisione un manoscritto latino, che si vuol dare alle stampe, intitolato *Prosodiae latinae fundamenta cum Parnasso lapidario Raymundi Guarini*. Io mi ho fatto un dovere di leggerlo attentamente. Ivi il chiarissimo autore, cognito abbastanza nella Repubblica Letteraria per altre sue dotte produzioni, ha voluto in principal

modo rendere agevole alla Gioventù studiosa l'intelligenza del prisco latino metodo lapidario. È venuto a capo del propostosi impegno col salire ingegnosamente alla sorgente della prosodia latina, da cui derivano certi vocaboli, che si offrono sulle prime oscuri nelle iscrizioni antiche. Lo ha fatto con tal chiarezza, e precisione, che nè il Ferretti, nè il Bonada possono assomigliarglisi. Ridondando perciò una tale opera a non lieve vantaggio dell'amena Filologia, e rimanendo in quella eziandio illesi i sacri dritti della Religione, e della Sovranità, son di avviso, che possa esser degna della pubblica luce. Baciandole per tanto il lembo della sacra porpora sono con la più profonda venerazione

DI VOSTRA EMINENZA REVERENDISSIMA.

Napoli 6. febbrajo 1822.

Umilis.º Dev.º Ubb.º servitore, e suddito
Il Sacerdote **BIAGIO DE ROBERTIS** Regio Revisore.

Napoli 11. Aprile 1822.

La Giunta Permanente per la Pubblica Istruzione.

Veduta la domanda del Direttore della stamperia della Società Filomatica, per dare alle stampe l'opera intitolata -- *Prosodiae latinae fundamenta cum Parnasso lapidario Raymundi Guarini*;

Veduto il favorevole rapporto del Regio Revisore Signor D. Biagio de Robertis;

Permette che l'opera indicata si stampi; ma ordina, che non si pubblichi senza un secondo permesso, che la Giunta darà dopo l'esibizione dell'opera stampata, munita del *Concordat cum originali*, che lo stesso Regio Revisore vi apporrà.

Il Presidente

L. CARDINALE ARCIVESCOVO.

Il Segretario Generale, e membro della Giunta
FERDINANDO CANONICO PANICO.

A01 1464120

22

